

# OLELIAHONA

Malamalamaaga i le  
Faalagolago i Fualaau  
Faasaina ma Ona Aafiaga  
i e Pele, itulau 16, 22

O lo tatou Fesootaiga  
i le Lagi, itulau 12

E Faapefea e Feagaiga  
ona Fusia i Tatou i le Atua  
ma i Tatou Lava, itulau 26



UA I AI  
IINEI LE  
EKALEΣΙΑ

# Sini **Ausetalia**





I talafatai o le matafaga o le taulaga faalenatura matagofie o Sini o loo tu ai se falesa e feiloai ai ni faalapotopotoga se 4 o le 309 o le Au Paia o Aso e Gata Ai o Ausetalia mo a latou sauniga: e tasi i le gagana Peretania, Toga, Sipaniolo, ma le Mandarin Saina. O lea eseesega o uiga masani o Sini, o se eria e malosi ai aafiaga faaleaganuu mai le lalolagi aaoa.

Na faaulufale mai le Ekalesia i Ausetalia i le 1840, e se alii e 17 ona tausaga o William James Barratt, mai Peretania Tele. Sa ia papatisoina le tagata Ausetalia muamua liliu mai, o Robert Beauchamp, na mulimuli ane avea ma se peresitene o le misiona.

Na feagai uluai tagata o le Ekalesia i Ausetalia ma ni osofaiga matuia mai nusipepa, ma o le toatele o tagata na malaga ese atu i luta, ISA. Ae peitai, sa tutumau pea le Au Paia o Aso e Gata Ai o Ausetalia, ma i le faagasologa o tausaga na amata ai ona ola le Ekalesia. I le taimi nei, e silia ma le 151,000 tagata o le Au Paia o Aso e Gata Ai i Ausetalia, ma ua via e auaunaga o talafou faasalalau mo galuega alofa fesoasoani mo faalavelave faafuasei ina ua tuanai mala faalenatura e pei o mu o le vaomatua ma afa.

- O le uluai misiona na tatalaina i Ausetalia i le 1851, ma ua ono misiona ua iai nei.
- O le uluai falesa i Ausetalia na fausiaina i Perisipeni i le 1904.
- Na faapaiaina le Malumalu o Sini, Ausetalia i le 1984, sosoo mai ai ma malumalu o Adelaide (2000), Melepone (2000), Perth (2001), ma Perisipeni (2003).




# Tatou te Manaomiaina i Tatou Taitasi



Mauaina o le Filemu  
i le Afa o le Vaisu  
Chakell Wardleigh

22



O se Fesootaiga Patino  
ma lo tatou Tama Faal-  
elagi e ala i le Tatalo  
Elder Juan A. Uceda

12



Lofituina o le Mala o  
Mea Ua Amio A'i (Vaisu)  
Kevin Theriot

16

P e sa e feagai ea ma se luitau i lou olaga na e naunau ai e ufiufi ona o lou fefe i manatu o isi? O loo i ai lea i lo'u aiga ma a'u. Sa matou tauivi ma lenei mea mo tausaga a o matou vaiai lo'u uso o feagai ma le faalagolago i vailaau faasaina.

I le itulau e 16, o le a e maua ai le faamatalaga a le tagata faapitoa i mataupu o le mafaufau e uiga i le ola faalagolago i vailaau, le auala e malamalamai, le auala e iloa ai, aafiaga i aiga, ma auala tatou te fesoasoani ai. E mulimuli mai lena mea o la'u lava tala i le ala na avea ai le faalagolago o lo'u uso i vailaau faasaina ma mea e aafia ma faatulaga ai au i le faagasologa o le sefulu tausaga ua tuanai.

Pe o le a lava lo tatou naunau ina ia foia luitau e i tatou lava ma ola ai i ni olaga atoatoa, o le mea moni lava tatou te manaomia i tatou taitasi aua e leai se tasi o i tatou e aloese mai le aafia ai i nei luitau. E ao ona tatou "fesui i avega a le tasi ma le isi" (Mosaea 18:8), ma e mafai ona faailoa mai e le Faaola ia i tatou le ala tonu e fai ai pe a tatou tuuina atu ina ia faia e la. O lou faamoemoe o le a tatou taumafai ina iloa, ia femalamalamai, ia alofa, ae le o le vase ona faamasino atu. I le faia o lea, o le a faateleina lo tatou filemu ma le olioli poo le a lava le tulaga o le a tatou oo iai.

Chakell Wardleigh  
Mekasini a le Ekalesia



Mataupu Faavae mo  
le Auaunaga: Atiinaeina  
O Le Tiga Alofa E Auauna Ai

8

**5 Nofoaga Autu e Aoao ai Faifeautalai i le Lalolagi aoao** ☀

Na e iloaina nei faamatalaga e faatatau i nofoaga e aoaoina ai faifeautalai e 13?

**6 O Ata o le Faatuatua:** Saunia e Shelly Ellegood - Kentucky, ISA ☀

Sa tiga le taumafaiga, ae sa atiae au e le Alii ma ua atili ai ona faamalosia a'u

**8 Mataupu Faavae mo le Auaunaga:**

Atiinaeina o le Tiga Alofa e Auauna Ai  
O le Auaunaga o le siitiaina. E mafai ona tatou siitia ae isi a o tatou taumafai e malamalama i mea o loo latou aafia ai.

**12 O se Fesootaiga Patino ma lo tatou Tama Faalelagi e ala i le Tatalo**

*Saunia e Elder Juan A. Uceda*

O le a le taimi mulimuli na e lagona ai se mea a o e tatalo?

**16 Lofituina o le Mala o Mea ua Amio A'i (Vaisu)**

*Dr. Kevin Theriot*

Ia malamalama i le auala moni e galueaina ai le vaisu; ua na o le ala lea e mafai ai ona e, pe o i latou e te alofa iai ona foia.

**22 Mauaina o le Filemu i le Afa o le Vaisu**

*Saunia e Chakell Wardleigh*

E ui i aafiaga leaga o le vaisu o lo'u uso, sa ou maua le filemu ma le faamoemoe e ala ia Keriso.

**26 O Le Vavega O Le I Ai i le Feagaiga**

*Saunia e Elder Gerrit W. Gong*

Pe a faataunuina le alofa mama faakeriso o le tasi i le isi, ua tatou fesoasoani o le tasi i le isi e alualu i luma i le ala o le feagaiga.

**32 O Leo o Le Au Paia o Aso e Gata Ai** ☀

Faigamalaga e sefulu-itula i le malumalu; lagona le tuuatoatasi i le lotu; o se uunaiga i se fomai e faalogo; na lafo atu e le perofeta se tusi mo ia.

**38 Faamanuiaga o le Ola Tutoatasi:** ☀

Mai se Molimau o le Sefuluai i le Feagaiga o le Malumalu

**40 Aoaoina Atu o le Autalavou ma Fanau Laiti:** ☀

Fautuaga e 10 mo le Aoaoina o le Salamo

⌚ Faitauga Vave

**I Le Faavaa**  
*Faanoanoaga-Aiga ua leai se Tama, saunia e Merial Waissman, Getty Images.*



**Vaega**

**Autalavou Matutua**

**42**

O o tatou tausaga a o talavou o se **tasi lea o taimi sili e faia ai se suiga** i o tatou nuu, aiga, ma le lalolagi.



**Autalavou**


**50**

**Taumafai e filifili pe tatau ona e auauna atu i se misiona?** Saili pe faapefea aafiaga o le nofoaga autu e aoaoina ai faifeautalai.



**Tamaiti**

I le *Uo* o lenei masina, e mafai ona e maua ai tala e fesoasoani i lau **fanau e aoao ai e uiga ma saunia ai mo le papatisoga.**



## SAILI NISI MEA

I le polokalama o le Potutusi o le Talalelei [Gospel Library] ma i le liahona.lds.org, e mafai ona e:

- Saili le lomiga o le taimi nei.
- Maua ai na'o anotusi faatekinolosi.
- Saili lomiga ua mavae.
- Auina mai au tala ma manatu faaalia.
- Totogi [se lomiga] pe tuu atu se meaalofa o le totogi o se lomiga.
- Faaleleia au suesuega i meafaigaluega faatekinolosi.
- Faasoa atu tusiga ma vitio e sili ona e fiafia i ai.
- Sii mai, faalogologo i ai, pe lolomi le tusiga e te fiafia i ai.

## FAAFESOOTAI MAI I MATOU

Imeli mai au fesili ma manatu faaalia i le liahona@ldschurch.org.

Ia aunia mai au tala e faatupu faatuatua i le liahona.lds.org pe meli i le:

*Liahona*, floor 23  
50 E North Temple Street  
Salt Lake City, UT 84150-0024, USA

FEPUARI 2019 VOL. 43 NU. 2  
LIAHONA 18602 890

O le mekasini faavaomalo o Le Eklesia a Iesu Keriso o le Au Paia o Aso e Gata Ai

**O Le Au Peresite Sili:** Russell M. Nelson, Dallin H. Oaks, Henry B. Eyring

**Ole Korama a Aposteton e**

**Toasefululu:** M. Russell Ballard, Jeffrey R. Holland, Dieter F. Uchtdorf, David A. Bednar, Quentin L. Cook, D. Todd Christofferson, Neil L. Andersen, Ronald A. Rasband, Gary E. Stevenson, Dale G. Renlund, Gerrit W. Gong, Ulisses Soares

**Faatonu:** Randy D. Funk

**Faafautua:** Brian K. Ashton, Randall K. Bennett, Becky Craven, Sharon Eubank, Cristina B. Franco, Donald L. Hallstrom, Larry S. Kacher, Erich W. Kopischke, Lynn G. Robbins

**Pule Faatonusili:** Richard I. Heaton

**Faatonusili o Mekasini a le Eklesia:** Allan R. Loyborg

**Pule o Mea Tau Pisini:** Garff Cannon

**Pule Faatonu:** Adam C. Olson

**Pule Faatonu Lagolago:** Ryan Carr

**Faasalalau Lagolago:** Francisca Olson

**Au Tositusu ma Faatonutonu:** Maryssa Dennis, David Dickson, David A. Edwards, Matthew D. Flilton, Lori Fuller, Garrett H. Garff, LaRene Porter Gaunt, Jon Ryan Jensen, Charlotte Larcabal, Michael R. Morris, Eric B. Murdoch, Sally Johnson Odekirik, Joshua J. Perkey, Jan Pinborough, Richard M. Romney, Mindy Selu, Chakell Wardleigh, Marissa Widdison

**Pule Faatonusili o Faatufugaga:**

J. Scott Knudsen

**Faatonusili o Faatufugaga:** Tadd R. Peterson

**Mamanu:** Jeanette Andrews, Fay P. Andrus, Mandy Bentley, C. Kimball Bott, Thomas Child, Joshua Dennis, David Green, Colleen Hinckley, Eric P. Johnsen, Susan Lofgren, Scott M. Mooy, Emily Cheiko Remington, Mark W. Robison, sBrad Teare, K. Nicole Walkerhorst

**Pule Faatonusili:** Richard I. Heaton

**Faatonusili o Mekasini a le Eklesia:**

Allan R. Loyborg


**Pule o Mea Tau Pisini:** Garff Cannon

**Pule Faatonu:** Adam C. Olson

E NA'O TUSIGA  
FAATEKINOLOSI  
E FAAALIA AIE Le Lava Itula o le Aso? O le Auala  
Lenei e Faaaoga Sili ai Lou Taimi

*Saunia e Heather J. Johnson*

O le faatuina o sini e mafai ai ona fuafua se alafua tatau mo o tatou olaga.



## E Te Le Iloa Le Mea e Te Le Iloa

*Saunia e Lori Fuller*

Afai ua na o lo tatou faalogo e aunoa ma le taumafai e suia se manatu o se tasi, ou te iloa o le a tatou maofa i mea o le a tatou aoaoina.

Esitonia, Fiti, Finelani, Farani, Siamani,

Eleni, Hanikeri, Initu, Iselani, Inttonesia, Italia, Iapani, Kiripati, Korea, Latvia, Litunia, Malakasa, Masela, Monokolia, Nouei, Polani, Potukale, Romania, Rusia, Samoa, Saina (ua faafagofieina), Silovenia, Sipaniolo, Suetena, Swahili, Tagaloka, Tahiti, Tai, Toga, Iukureini, Urutu, ma Viatename. (E eseese lava gagana.)

© 2019 Puletaofia e le Intellectual Reserve, Inc. Ua taofia aia tatau uma.

Lomia i le lunaite Setete o Amerika.

**Faamatalaga o le Puletaofia:** Vagana

ua faaialoa mai, e mafai e tagata taitotasi ona kopu anornea mai le *Liahona* mo lo latou lava faaogaina patino, e le faa ai ni pisinisi (e aofia ai valaauga o le Eklesia). O lenei aia tatau e mafai ona faaleogaina i soo se taimi. E le tatau ona kopina ia ata pe afai o loo faaalia le faasaina i le laina o faaialoaga faatasai ai ma le faatufugaga.


Ia auina mai fesili e uiga i le puletaofia i le Intellectual Property Office, 50 E. North Temple St., FL 13, Salt Lake City, UT 84150, USA; email: cor-intellectualproperty@ldschurch.org.

## Mo le Aufaitau i le lunaite Setete ma Kanata:

February 2019 Vol. 43 Nu. 2. LIAHONA (USPS 311) Samoan (ISSN 1045-0947) is published monthly by The Church of Jesus Christ of Latter-day Saints, 50 E. North Temple St., Salt Lake City, UT 84150. USA subscription price is \$10.00 per year; Canada, \$12.00 plus applicable taxes. Periodicals Postage Paid at Salt Lake City, Utah. Sixty days' notice required for change of address. Include address label from a recent issue; old and new address must be included. Send USA and Canadian subscriptions to Salt Lake Distribution Center at address below. Subscription help line: 1-800-537-5971. Credit card orders (American Express, Discover, MasterCard, Visa) may be taken by phone or at store.lds.org. (Canada Post Information: Publication Agreement #40017431)

**POSTMASTER:** Send all UAA to CFS (see DMW 507.1.2C, NONPOSTAL

**AND MILITARY FACILITIES:** Send address changes to Distribution Services, Church Magazines, P.O. Box 26368, Salt Lake City, UT 84126-0368, USA.



## NOFOAGA AUTU E AOAO AI FAIFEAUTALAI I LE LALOLAGI AOAO

**12**  
Nofoaga autu e aoao ai faifeatalai (NAF)

**67,007**  
faifeatalai faamisiona o loo auauana atu i le taimi nei



**399**  
misiona

**58**  
gagana

**20,515**

Aofai o faifeatalai faamisiona na aoaoina i le **tausaga ua te'a i le NAF** sili ona tele-i Provo, Iuta, ISA.



**376**

Aofai o faifeatalai faamisiona na aoaoina i le **tausaga ua te'a i le NAF** sili ona laitiit-i Johannesburg, Aferika i Saute.



O le lotoa NAF pito i tele

—i le Aai o Mekisiko, Mekisiko—

e **88** fale i luga o le 90 eka.



O le fale pito i maualuga o le NAF—  
i São Paulo, Pasila—e  
**7** fogafale.

**3 vaiaso:** O le taimi i le NAF pe afai e le o aoaoina e le faifeatalai faamisiona se gagana ese.

**6-9 vaiaso:** O le taimi i le NAF pe afai o aoaoina e le faifeatalai faamisiona se gagana ese.





## Shelly Ellegood

Kentucky, ISA



*O filifiliga o le soifuaga na fai ma mea na taumamao ese ai Shelly mai le Ekalesia mo ni tausaga. Faatasi ai ma le fesoasoani a ni uo i le lotu, na mafai ai lava e Shelly ona toe maula le malosi ma le faatuatua e agai ai i luma ma avea ma faataitaiga lelei mo lana fanau.*

**O LE PUEATA, O CODY BELL**

Ou te iloa e le mafai ona ou toe foi i tua ma sui se mea, ae o la'u sini i le taimi nei o le faia lea o mea uma e mafai ona ou fai e tuuina atu ai i la'u fanau se faataitaiga lelei aua sa lei i ai lea mo le tele o tausaga. Ou te faamoemoe ua mafai ona latou vaai ua ou faatoilaloina le tele o luitau.

Ou te manao ina ia latou iloa afai e i ai ni o latou faaletonu, e mafai ona latou o ese mai ai a o latou liliu atu i le Faaola mo se fesoasoani. O se mataupu o le i ai o le faatuatua ma le le faavaivai lava. Sa fesoasoani le Alii ia te au ao ou i ai, ma ou te iloa o le a la fesoasoani foi mo i latou. Sa tiga le taumafaiga, ae sa atiae au e le Alii ma ua atili ai ona faamalosia a'u.

### AOAO ATILI

Ua ofoina mai e Elder Dieter F. Uchtdorf le faamoemoe ma le faamalosiau mo i latou ua toe foi mai i le Ekalesia i le [lds.org/go/021902](https://lds.org/go/021902).

Aoao le auala e te auauua atu ai ia i latou e le o auai pe ua faatoa foi mai i le Ekalesia i le [lds.org/go/021903](https://lds.org/go/021903). Saili isi Atatosi o le Faatuatua i le [lds.org/go/18](https://lds.org/go/18).



# Mataupu Faavae mo le Auaunaga

## ATIINAEINA O LE TIGA ALOFA E AUAUNA AI



*O le Auaunaga o le siitaina. E mafai ona tatou siitia ae isi a o tatou taumafai e malamalama i mea o loo latou aafia ai ma faailoa atu lo tatou naunautai e savavali faatasi ai ma i latou.*

Ona o le finagalo o lo tatou Tama Faalelagi e fesoasoani ia i tatou e avea faapei o Ia, o luitau e feagai ma i tatou i lenei olaga e avea ma avanoa aoaoina pe a tatou talitonu ia te Ia ma tutumau i le ala. O le mea e leaga ai, e mafai ona faigata lava le tutumau ai i le ala pe afai tatou te lagona e faapei ua tatou feagai ma ia tofotofoga e na o i tatou lava.

Ae, sa tatou le i fuafuaina lava e savavali i le ala na o i tatou lava. Sa i ai i le Faaola le tiga alofa atoatoa, ma afio ifo i lalo o mea uma ina ia silafia e Ia le ala e tausia ai i tatou mai o tatou puapuaga ma vaivaiga (tagai Alema 7:11–12; Mataupu Faavae ma Feagaiga 122:8). Ua Ia finagalo mo i tatou taitasi e mulimuli i Lana faataitaiga ma e faailoa atu foi le tiga alofa. O tagata uma o le Ekalesia ua osifeagaiga e "faanoanoa faatasi ma e e faanoanoa; ioe, ma faamafanafana atu ia te i latou o e e manaomia le faamafanafanaga" (Mosaea 18:9) E ui lava i o tatou luitau, ua aoaoina i tatou mai tusitusiga paia e liliu agai atu i fafo ma "siitia ia lima ua gagase, ma [faamalolosi] i tulivae ua vaivai" ma ia "faia ala laulelei mo o outou vae, nei mapeva le vae ma ui ese ai mai le ala" (Eperu 12:12–13; tagai foi Isaia 35:3–4; Mataupu Faavae ma Feagaiga 81:5–6).



A o tatou taitai i lima o isi, ia latou faalagolago mai ia i tatou, ma savavali ma i latou, tatou te fesoasoani ina ia latou tutumau ai i le ala e oo i le taimi e le gata e faaliliu mai ai e le Faaola—o se tasi o faamoemoega autu o le auaunaga—ae ia faamaloloina foi i latou (tagai Mataupu Faavae ma Feagaiga 112:13).

### O le a le Tiga Alofa?

O le tiga alofa o le malamalama o lagona o le isi tagata, mafaufauga, ma tulaga mai lo latou silafia ae le o i tatou lava.<sup>1</sup>

E taua le tiga alofa i a tatou taumafaiga e auauna atu i isi ma faataunuina ai lo tatou faamoemoega o ni uso ma tuafafine o auaunaga. E mafai ai ona tatou tuu i tatou lava i seevae o se isi tagata.

### Savali i Seevae o le Isi Tagata

O le tala o loo faamatalaina ai se alii o le Au Paia o Aso e Gata Ai e matamuli ma e masani ona nofo na o ia lava i

le nofoa i tua o le falesa. Ina ua maliu faafuasei se tasi o le korama a toeaina, na tuuina atu e le epikopo se faamanu-iaga faaleperisitua e faamafanafana ai i aiga o le ua maliu. Na auina mai e tuafafine o le Aualofa taumafa. Sa asiiasi mai uo ma tuaoi lelei i le aiga ma faapea mai, “Faailoa mai pe afai o i ai se mea e mafai ona matou faia e fesoasoani atu ai.”

Ac ina ua asiiasi atu lenei alii matamuli i le aiga i lena ituaso, sa ia oomi le logo o le faitotoa ma ina ua tali mai le tina ua maliu lana tane, sa ia faapea atu, “Ua ou sau e faamama a outou seevae.” I le lua o itula, sa faamamaina uma ai seevae o le aiga atoa ma faaiila e saunia ai mo le falelauasiga. I le Aso Sa na sosoo ai na nonofo ai le aiga o le ua maliu i tafatatafa o le alii matamuli i le nofoa i tua.

O lenei alii sa mafai ona ia faataunuina se manaoga sa le mafai ona faamalieina. Sa faamanuiaina le aiga ma le alii lenei e ala i le auaunaga e taitaiina e le tiga alofa.

## SA AUAUNA ATUIESU KERISO MA LE TIGA ALOFA

Ina ua faaali atu le Faaola i Sa Nifae, na la aoao ai latou seia ona la silafia e faapea, i lo latou tulaga o iai nei, ua latou le malamalama i mea uma sa la aoao atu ai i latou. Ae sa la silafia foi sa le mananao i latou e afio ese o la.

Na la tali atu e ala lea i le suaia mai le aoao atu o i latou e ala i le faamalamalaina o le talalelei i le auauna atu i o latou manaoga faaletino—ma valaau atu ia latou auina mai i luma o e o loo mamai, vaepio, tauaso, poo faamanualia. Na la faamalolo i latou. Ona ia tatalo lea mo i latou ma auauna atu i a latou fanau, ma faaaoga le taimi ma i latou taitoatas i faamanuia ia i latou.

O le a se mea e mafai ona tatou aoaoina mai i faataitaiga a le Faaola o le tiga alofa i le auaunaga i Sa Nifae?




## E Faapefea Ona Faagaoioi Le Tiga Alofa?

I le silia ma le 30 tausaga ua mavae, ua faatupulaia ai le toatele o tagata suesue ua suesueina le tiga alofa. A o sailia e le tele o tagata le mataupu e faaaoga ai auala eseese, o le toatele o i latou ua malilie o le tiga alofa o se mea e mafai ona aoaoina.<sup>2</sup>

Ina ia faaleleia atili ai lo tatou tomai e tiga alofa ai, e fesoasoani le i ai o le malamalamaaga sili i le auala e faagaioia ai le tiga alofa. O fautuaga o mulimuli mai ua talia i se tulaga aotele e avea o elemene faavae o le tiga alofa.<sup>3</sup> E ui o nei mea e masani ona tutupu e aunoa ma lo tatou manatu o loo tutupu, o lo tatou iloa e maua ai lo tatou malamalama e vaaai ai i avanoa e faaleleia ai.

### 1. Malamalama

O le tiga alofa e manaomia ai se malamalamaaga o le tulaga o le isi tagata. O le lelei ona e malamalama i o latou tulaga, o le a faigofie ai foi ona malamalama i o latou lagona e tusa ai ma ia tulaga ma mea tou te faia e fesoasoani ai.



O le faalogo ma le totoa, fai ni fesili, ma fautua ma i latou ma isi o ni gaioioiga taua ia mo le malamalamaaga i o latou tulaga. E mafai ona e aoao atili i nei mataupu i muai tusiga e faatatau i Mataupu Faavae mo le Auaunaga:

- “O Mea e Lima e Fai e Tagata e Faalogo Lelei,” *Liahona*, Iuni 2018, 6.
- “Fautua e uiga i o Latou Manaoga,” *Liahona*, Sete. 2016, 6.
- “Faaauai Isi i le Auaunaga—pe a Manaomia,” *Liahona*, Oke. 2018, 6.

A o tatou saili e malamalama, e tatau ona tatou faaavanoa a tatou taimi e malamalama ai ia latou tulaga patino nai loo le faia o ni taumatematega e faatatau i se isi na i ai se aafiaga faapea. A leai, atonu tatou te misia le faailoga ma tuua i latou ma le lagona e le malamalama.

### 2. Manatunatu

I lo tatou taumafai e tausia la tatou feagaiga e faanoanoa faatasi ma e ua faanoanoa ma faamafanafana i e ua tatou i ai le faamafanafanaga (tagai Mosaea 18:9), e mafai foi ona tatou tatalo mo le Agaga Paia e fesoasoani mai ina ia tatou malamalama i lagona ua oo i se tasi ma le auala tatou te fesoasoani ai.<sup>4</sup>



Ae ui i lea, o le taimi lava tatou te malamalama ai i tulaga o se tasi, o i tatou taitoatasi—pe tupu faalenatura pe leai—o le a manatunatu i o tatou mafaufau ma lagona pe afai ua tatou i ai i o latou tulaga. Ao tatou faia o lea, e mafai ona tatou faaaoga o tatou lava manatu ma lagona e fesoasoani e taitaiina la tatou tali atu.

A o tatou malamalama i tulaga o se isi tagata ma manatu ane poo a o tatou lagona i o latou tulaga, e taua lo tatou faaeteete la tatou faamasinoga mo i latou (tagai Mataio 7:1). O lo tatou faamasingo i le mafuaaga na oo ai lena tagata i lea tulaga e mafai ona taitaiina atu ai i tatou e faamamaina le tiga ua oo mai ona o le tulaga.

### 3. Tali Atu

E taua le auala tatou te tali atu ai aua o le ala lea e faailoa atu ai lo tatou tiga alofa. E le mafaitaulia auala e fesootai ai o tatou malamalaaga i upu e tautala ai pe faatino foi i isi auala. E taua ona manatua o lo tatou sini e le faapea o le faaleleia o le faafitauli. E masani o le sini o le siitia ae ma le faamalosia e ala i le faailoa atu ia i latou e le o tuuatoatas i latou. E mafai ona faauigaina lenei saunoaga, “Ua ou fiafia lava ua e ta’u mai” po o “Ua ou faanoanoa lava. Ou te iloa le uiga o lena mea” po o le “Ua tiga lena.”

I tulaga taitasi uma o la tatou tali atu e le mafai ona avea ua na o se ata faataitai, e ao lava o se mea moni. Ma pe a talafeagai, o le vaivai e iloa ai e le isi ia lo oe lava vaivaiga ma le le mautonu e avea ma auala e maua ai se lagona fesootai taua.



### Valaaulia e Faatino

A o e mafaufau i tulaga o i latou e te auauna atu i ai, manatunatu pe a faapea ua e i ai i o latou tulaga. Tatalo ina ia malamalamā i o latou lagona ma mea o le a sili ona fesoasoani pe afai o loo e i ai i o latou seevae. Atonu e faigofie lau tali atu, ae o le a aoga. ■

O tala “O Mataupu Faavae o le Auaunaga” ua faamoemoe e fesoasoani ia i tatou e aaoe e fetausia’i ai le tasi ma le isi—ae aua ne’i faasoaina atu o se savali i le taimi o asiasiga. A o tatou iloaina i latou tatou te auauna atu i ai, o le a uunaia i tatou e le Agaga Paia ia iloa po o le a le savali latou te ono manaomaiaina e faaopoopo atu i la tatou tausiga ma le agaalofa.

### FAAMATALAGA

1. Tagai foi W. Ickes, *Empathic Accuracy* (1997); and M. L. Hoffman, *Empathy and Moral Development: Implications for Caring and Justice* (2000).
2. Tagai, mo se faataitaiga, Emily Teding van Berkhout and John M. Malouff, “The Efficacy of Empathy Training: A Meta-Analysis of Randomized Controlled Trials,” *Journal of Counseling Psychology* (2016), 63(1), 32–41.
3. Tagai, mo se faataitaiga, Brené Brown, *I Thought It Was Just Me (But It Isn’t)* (2008); Theresa Wiseman, “A Concept Analysis of Empathy,” *Journal of Advanced Nursing* (1996), 23, 1162–67; and Ed Neukrug and others, “Creative and Novel Approaches to Empathy: a Neo-Rogerian Perspective,” *Journal of Mental Health Counseling*, 35(1) (Jan. 2013), 29–42.
4. Tagai Henry B. Eyring, “O Le Faamafanafana,” *Liahona*, Me 2015, 17–21.





Saunia e Elder  
Juan A. Uceda  
O Le Fitugafulu

O se Fesootaiga  
Patino ma lo tatou  
Tama Faalelagi  
e ala i le  
**Tatalo**



---

O le a le taimi  
mulimuli na e  
lagona ai se mea  
a o e tatalo?



**A**o ou faaaoga le telefoni feaveai e valaau atu ai i lou tina ma tama i New Jersey, ISA, ou te lagona manino atu o laua leo. Ou te le iloa pe mafai faapefea, e aunoa ma se uaea poo fesootaiga vaaia, ua mafai ai ona ou talanoa ia i laua i lea mamaao naua. Ae ou te iloa e mafai!

O lenei, faamolemole e aua le fesili mai ia te au pe faapefea ona mafai e le miliona o tagata ona tatalo i le taimi e tasi, ma i gagana eseese, ma e ua sauni lo tatou Tama oi le Lagi e faafofoga ma tali mai i le taimi lava e tasi. E le mafai ona ou malamalama pe faapefea ona tupu lena mea. Ae ou te iloa e mafai!

E pei lava o telefoni feaveai, e faapena ona mafai e le tatalo, e ui lava tatou te le mafai ona malamalama auiili pe faapefea ona tupu. Ae e i ai nisi o mea e uiga i le tatalo tatou te malamalama i ai.

### Tatalo mai le Loto

Tatou te faitau i tusitusiga paia, “O lea ina ua papatisoina tagata uma, ona papatisoina ai lea o Iesu, ua tatalo ia, ona faavanoaina ai lea o le lagi” (Luka 3:21). Ua aoao mai i tatou e Iesu o le tatalo mai le loto e tatalaina le lagi. Ua Ia fetalai mai, “Ia outou ole atu, ona foaiina mai ai lea ia te outou; ia outou saili, ona outou maua ai lea; ia outou tu’itu’i atu, ona toina ai lea ia te outou” (Mataio 7:7).

I aso nei, tatou te masani ona faaaoga le upu *ole* ina ia talosaga ai se mea. Ae i Eleni o anamua, o le upu o le *aiteo*, o lona uiga e le na o le ole ae faapea foi ona *tagi*, *galala*, po o le *aioi* atu. O le a le tatalaina mai le lagi pe afai ua na ona tatou *fai* o tatalo. O le a tatalaina le lagi pe afai tatou te *tagi*, pe a tatou *galala*, pe a tatou *aioi*, pe a tatou tatalo mai le loto.

Pe a e tatalo, mata e te lagonaina e pei o loo tatala mai le lagi? O le a le taimi mulimuli ao e tatalo, na e lagonaina ai se mea?

### Saunia e Tatalo

Ina ia aloese mai le tatalo masani e tautu ai ia outou upu (tagai Mataio 6:7; 3 Nifae 13:7), e ao ona saunia i tatou lava e tatalo. Ou te fautua atu a faitau se mau pe mafaufau loloto puupuu i o tatou faamanuiaga. E mafai e i tatou taitasi ona saili auala e saunia ai mo tatalo patino.

### Tatalo E Ui Lava Ina Faigata

E mai lea taimi i lea taimi, tatou te faatopetope ai a tatou tatalo pe ua tatalo ua na o se mea masani O nisi o taimi ua tatou le tatalo ma le faatuatua ia Iesu Keriso, ma o nisi o taimi ua tatou le tatalo lava. Ae o taimi faapena ua faaitiitia ai lo tatou faatuatua pe ua le lagona le fia tatalo ua sili ai ona manaomia ona tatou tatalo.

Na saunoa Peresitene Brigham Young (1801–77): “Pe a pogisa e pei o le vaeluaga o le po, pe a aunoa ma se lagona i lou loto e tatalo, pe ou te faapea ifo ea, o le a ou le tatalo? Leai, ae (ou te fai atu) . . . tulivae, tootuli ifo outou lava i le fola, ma gutu, tatala; laulaufaiva, tautala; ona tatou iloa ai lea o le mea o le a oo mai, ma ua e tapuai atu i le Alii le Atua o

Israelu, e ui ina ua e lagona e faapea e le mafai ona e tautala i se upu i Lona suafa. O le manumalo lena tatou te maua. . . . E i le va o le agaga ma le tino; ua fesootai lava i latou” (i le *Journal of Discourses*, 3:207).

E le manao Satani e te tatalo aua ua ia iloa o le taimi lava e amata ai ona e tatalo mai le loto, o le a e maua ai le mana faaleagaga ma ua leai sona aafiaga ia te oe. O se tatalo malosi e mafai ai ona e faafetaua luitau e pei o le popole, atuatuvalle, ma le masalosalo e uiga i lou lava faatuatua.

Afai e te le manatua le taimi mulimuli sa e lagonaina ai se mea a o e tatalo, e ao ona fai i ai se faiga. E ala i le tatalo, e mafai ona e faavaeina ma faatumauina se fesootaiga patino ma lou Tama oi le Lagi.



### Faaalu Sina Taimi i le Lagi

A o e atuatuvalle i le fia maua o se fesoasoani mai le lagi, e mafai e le tatalo ona tuuina atu ia te oe le mana e faia ai faaiuga tonu. O le tatalo mai le loto o le taimi lava lea i le lagi, e ui lava ina e le oo mai tali i se taimi vave, o le taimi i le lagi e mafai ona fesoasoani ia te oe e faaulaga ai lou alafua i le olaga faaletino.

I le lalolagi ua fai mai tagata “ua lelei le mea leaga, ae leaga le mea lelei; o e fai ma pouliuli le malamalamama, ma le malamalamama mo le pouliuli; o e fai ma mea oona le mea suamalie, ma le suamalie mo le oona” (Isaia 5:20), e ao ona e iloa o loo tatala le lagi ia te oe.

O tatalo e tuuina atu mai le loto, tatalo maoae, e mafai ona tuuina atu ia te oe le mana faaleagaga e faafetaiai ai ia mea. Pe a tatalaina le lagi, tatou te lagona le filemu, mafanafana, olioli, ma le alofa, e ui ina tatou te le i vave maua le malamalamaga atoa.

### Mulimuli i le Faataitaiga a le Faaola

E tele mea e mafai ona tatou aoaoina mai le suesueina o le auala sa tatalo ai le Faaola.

“O le taeao ua ala po o ia, ona ulufafo lea o ia ma maliu atu i le mea tuufua, ma tatalo ai” (Mareko 1:35).

Sa tatalo Iesu o le mea muamua i le taeao ma saili se nofoaga tuufua e tatalo ai. E te tatalo o se mea muamua i le taeao? E te aloese mai mea faalavefau? E te taofia lau fesootaiga mai le lalolagi ma taumafai e faavaeina se fesootaiga ma le lagi?

Ua faamauina foi e Luka e faapea o Iesu na “maliu ese o ia i le mea tuufua, ma tatalo ai” (Luka 5:16). E i ai sou nofoaga tatalo e te alu iai pe a e manao e faatoga atu i lou Tama i le Lagi?

### Ia Tumau i le Lotomaualalo.

Ua tau mai e Mataio ia i tatou e faapea o le Togiola, ao Ia tatalo, sa ia faaalia le lotomaualalo. Sa oo ina “maliu faaitiit atu” Iesu “i luma, ona faapa’ū faō ai lea o Ia ma tatalo, ua faapea atu, Lo’u Tama e, afai e mafai, ia ave ese lenei ipu ia te a’u: ae ‘aua le faia lo’u loto, ao Lou finagalo” (Mataio 26:39).

O le a le uiga o le “ua faapau fao i ona fofoga”? O le upu mo le “pau” i le Eleni o anamua o le *pipto*, o le veape o lona uiga “o le faapau ifo mai le tulaga tusao.” A oo i le taimi o tatalo patino,



manatua o le a e taua le e sili ona atamai ma malosi i le lalolagi o “le Tama e ona le alofa mutimutivale, ma le Atua foi e ana le faamafanafanaga uma” (2 Korinito 1:3). A o lei i ai lea tagata, e le mafai ona ou faasamasamanoa. Ou te lagona le malosi e tootuli.

Na faia foi e Iesu se faataitaiga ina ua Ia fetalai atu i Lona Tama, “Aua le faia lo’u loto, a o lou finagalo.” A e faapea mai, “Ae Aua Le Faia Lo’u Loto, a o Lou Finagalo,” e te faamaoni lava iai? O a ni suiga e te manaomia ona faia i lou mafaufau, loto, ma faatinoga ina ia moni ma faamaoni?

### Saili ma le Filifiliga.

A o e taumafai ina ia lotomaulalo, faamaoni, ma moni i au tatalo, o le a faigofie ona e talia le finagalo o le Tama Faalelagi, e tusa pe le o gatasi ma le mea sa e manatu iai. O lea foi, tatou te liliu atu i le faataitaiga a Iesu Keriso: “Ua puapuaga o Ia ua atili ai Lana tatalo” (Luka 22:44).

Pe a feagai ma se faafitauli, e te faaaluina se taimi e fesiligia ai oe lava, “Aisea ai o au?” Pe e te tatalo faatauanau? O le fasi fuaitau o le “faatauanau pea” e sau mai le upu Eleni e uiga e faapea “e aunoa ma le taofia, ma le loto i ai.” O lea ua aoao mai ai e Iesu i tatou i taimi o tofotofoga, e tatau ona tatou tatalo ma le faatauanau, e aunoa ma le taofia. Ou te valaau atu ia outou uma o e o loo maua i taimi o le faanoanoa ma le tiga e liliu atu i le Atua soifua.

O taimi o le faanoanoa ma le tiga e maua ai se avanoa sili e aoaoina ai i tatou e lo tatou Tama Faalelagi. E faamaluluina o tatou loto a o sailia e o tatou mafaufau ni tali. Afai tatou te sailia o Ia, o loo i ai o la iina.

---

Talitonu o le a  
mafai ona e maua  
le mana faaleagaga  
e foia ai. . . . Faaalu  
sina taimi i le lagi.

### Talitonu o le A la Faafofoga Mai

Na fetalai atu le Faaola i le pule o le sunako, “Aua e te matau, tau lava ina e faatuatua” i le (Mareko 5:36). Talitonu o le a faafofoga mai le Atua le Tama ia te oe. Talitonu o le a Ia “tau atu ia te oe i lou mafaufau ma lou loto, e ala i le Agaga Paia, lea o le a oo atu i ou luga ma lea o le a mau i lou loto” (MF&F 8:2). Talitonu o le a e—ioe, o le a—mafai ona e lagona le filemu ma le mafanafana. Talitonu o le a mafai ona e maua le mana faaleagaga e foia ai.

E mafai e tatalo maoae *ona* oo atu i le lagi. I le tusi a Salamo, ua faapea mai le Tupu o Tavita, “O le afiafi, ma le taeao, ma le tutonu o le la, ou te tatalo, ma tagi uio, ma o le a ia fafogaga mai i lou leo” (Salamo 55:17). O se tasi o uiga o le upu *tatalo* i le gagana Eperu o le “tautala.” Ma o le mea lena tatou te fai pe a tatou tatalo i lo tatou Tama Faalelagi: tatou te talanoa ma Ia.

Pe a tatou ofoina atu se tatalo maoae, o le a ua’i mai ia i tatou le finagalo o le silisili lona mana, alofa mutimutivale ma le alofa i le lalolagi. Tatou faaalu sina taimi i le lagi. Ma e tatou te manaomia uma lava se taimi i le lagi, aemaise lava pe a tatou feagai ma taimi faigata.

Ou te iloa e aunoa ma sou masalosalo o loo iai se Atua i le lagi. O Ia o lou Tama ma lo’u Tamā. O loo soifua o Ia. O Lona suafa o Alofa. O Lona suafa o Alofa Mutimutivale. E ui ina o se mea le aoga i Ona luma, e mafai ona ou tootuli i luma o le na faia a’u, ma e ou te talanoa ia te Ia. Ma o Ia, i Lona alofa mutimutivale faavavau, e tali mai, lava pea lava pea. ■

*Mai le lauga o le faigalotu a Brigham Young University—Idaho, “O se Fesootaiga Patino ma lo Tatou Tama Faalelagi e pei ona Aoaoina e le Alii o Iesu Keriso,” na tuuina mai i le aso 28 o Novema, 2017.*

# Lofituina o le Mala o MEA UA AMIO A'I (VAISU)

O le malamalama i amioga ua masani ai o se laasaga taua e le lofituina ai. Ae tatou te faalagolago foi i le Alii ma talitonu e mafai ona Ia faamalolo i tatou.

**Saunia e Kevin Theriot, PhD**

Tautua a le AAG mo Aiga

**A**fai o tauivi se tasi ma se amioga ua masani ai, e taua le iloa o loo i ai le faamoemoe. E i ai tagata i aso taitasi i le alolagi atoa ua mafai ona maua le saolotoga mai fualau faasaina poo amioga masani o loo noatia ai i latou. E manaomia se taumafaiga patino tuufaatasi, o se malamalamaaga i tulaga ese ia i latou o loo taofia ai i latou i le lio o amioga masani, faatasi ai ma le talitonuga e mafai e le Atua ona musuia i latou i o latou ala patino i le saolotoga.

I le 38 tausaga o fesoasoaniga i tagata e lofituina ai amioga ua masani ai, ua ou iloa ai le agai i luma o lo tatou malamalamaaga ma auala e foia ai amioga ua masani ai i le faagasologa o tausaga. E malosi lou manatu o lenei taaviliga o le a faaaau pe a i tausaga a sau. A o feagai pea i latou i le mataupu o amioga ua masani ai ma fesili e luitau ai, ua faaaau pe a ona tatou faia o ni tulaga lelei. O lea o faamatalaga o loo tuuina atu iinei e faavae i mea ua tatou malamalama ai i le taimi nei, faatasi ai ma le talitonuga o le malamalama ma le tomai faaopoopo o le a faaaau pe a ona oo mai i le lumana.


## Malamalamaaga i Amioga ua Masani Ai (Vaisu)

OU te iloa o se tauiviga faamomoiloto le feagai pea ma le vaisu, ae o le laasaga muamua o le malamalamaaga o oe lava i le vaisu. O nisi nei o manatu autu e aumai ai se malamalamaaga i le mataupu:

- O le vaisu e amata i le muai fesootai i se mea ae faai i le faalagolago i ai i lena mea. Poo fea lava o i ai le tagata i luga o se laina fua faasolo, e mafai lava ona latou faaaoga le faitalia e saili ai lo latou auala e aluese ai mai le amioga faalagolago masani ai.

- O le faaigoatusi o se tagata o se tasi ua faalagolago i amioga ua masani ai e tuiitiia ai lo latou alualu i luma mo se taimi umi. E faapitoa ona moni lenei mea i le faasologa amata o lenei amioga. O le igoatusi “o loo toe faaleleia” e foliga mai o se fesoasoani sili atu. E pei o le faapea mai, “Ua ou filifili e faalagolago i le Faaola ma Lana Togiola ina ia avea atili ai e faapei o Ia” nai lo le, “Ua ou tumau ai i le agasala e faavavau.”

- O amioga faalagolago masani ai e i ai ni ona vaega: *faalesoifuaga* (faia faaletoto, gaoioiga o le faiai, mf.), *faalelagona* (tau a o le tagata lava ia, amioga, popolega ua mavae le matautia, mf.), *faaletagata* (matua, uo, aganuu, mf.), ma le *faaleagaga* (sauniga faalelotu patino ma le aiga, mf.). O le tuufaatasiga o nei vaega taitasi, ma o latou malosiaga moomia, e masani ona tulagaese faapitoa e pei lava ona i ai mea taitasi. Atonu e manaomia e vaega taitasi le gauai faapitoa, ma tulaga taitoatas i mo le tagata atoa ina ia tuusaoloto ai i latou mai amioga le talafeagai.



Faalesoifuaga

Faalelagona



Faaleagafesootai



Faaleagaga



## Faailoga i le Ala o Amioga Faalagolago e Masani ai

O faailo nei e iloa ai atonu ua agai atu se tagata i le ala e fausia ai se masani, sosoo ai ma le faamalosi, ona faalagolago ai lea.



**Nanautaiga:** Ua faaitiitia lo latou fiafia i gaoioiga mo le soifua maloloina aua ua faasolo ina pulea e le vailaau faasaina poo amioga.

**Faateleina le sasau:** Ua faasolo ina latou mananao tele.

**Faalilolilo:** Ua faatupulaia pea le musua e faailoa atu i nisi a latou faaiuga ma amioga.



**Faafitiga:** Ua latou pepelo ia i latou lava e uiga i lo latou ola faalagolago pea ma ua talitonu ia latou lava pepelo.

**Lagona o le aveesea:** Pe a faafitia lo latou maua o fualau faasaina poo amioga, ua mou atu lo latou lagona faaletagata.

**Toe foi i tua:** E ui i lo latou iloa o aafiaga leaga i o latou olaga, latou te toe foi lava i fualau faasaina poo amioga.

I se faaopoopoga, o le tagata e taitoatasi e masani o se tagata sili ona leaga e fuafaatatau poo fea tonu o i ai o ia i luga o le laina fua faasolo o le vaisu ina ua amata ona amio ai. Afai o e manatunatu poo i ai se tasi e pele ia te oe i luga o la auala e avea ai ma vaisu, e tele punaoa o loo maua e fesoasoani, i lou nuu e faapea foi i luga o le initoneti.



## Sailia o Togafitiga

- O le matafaioi mo le suiga e pau i tagata taitoatasi. E ui o le aiga ma uo e mafai ona lagolago, e le mafai ona latou aia i le filifiliga saoloto a leisi tagata. Afai e leai se naunautaiga o le tagata e sua, e leai se ituaiga togafitiga o le a manuia.
- O le ala e toe faaleleia ai e mafai ona eseese mo tagata taitoatasi. Ona o le malosiaga ma le vaivaiga fesootai o mea faapitoa e fa e pei ona taua (faalesoiuaga, faalelagona, faaleagafesootai, ma le faaleagaga), e leai se togafitiga faapitoa e tasi e aoga mo tagata uma O suesuega patino, fautuaga ma tagata tomai faapitoa, ma le tautinoga e tutumau seia maua se vaifofo o le a taitaiina i le manuia.
- E ui o le vaisu e le foia e mafai ona faatamaia le olaga o le tagata, o i latou uma e pele ia i latou ua aafia ai foi i se tulaga leaga. O nei tagata alolofa ma lagolago e manao-mia foi e i latou se lagolago ma le tausia lelei.

E ui o loo i ai i le Atua le mana e aveesea ai lenei luitau mai tagata ua aafia ai pe afai latou te faataga o Ia ina ia faia o lea, o Ia i Lona atamai e faavavau e i ai ni mea mo i latou e aoao ai a o latou galulue ma Ia ina ia maua se fofu. Toetiti o i latou taitoatasi ua tuu saoloto mai o latou vaisu ua mafai ona molimau i le aoaoga ua latou maua mai le manumalo patino mai amioga leaga. ■

## MO TAGATA O LE AIGA MA UO

E le tatau ona manatu ane i le vaisu e le gata ua na o se amioga vaivai ae o se luitau felefele e toeitiiti feagai ma soo lava se tagata. Afai e te iloa se tasi o tauivi ma se vaisu, e tele lava nisi o itu e ao ona e mafaufau e fai ma nisi e le tatau ona fai. E ui o fautuaga o loo i lalo e le o se lisi atoatoa ma o le a fesuisuiua e fuafua i tulaga patino, e ao ona e mafaufau i mea taitasi ma le agaga tatalo:

- O se puipuiga itiiti e sili nai lo le tele o le togafitiga. O le muai lapataiga o le muai puipuiga. E ui lava i le o e pele ia te oe, faailoa mai. E tele tagata e fesili mai pea ia te au pe o le a le mea e tatau ona latou tau atu ma le auala e tau atu ai. O la'u tali masani lava e faapea, "O soo se mea lava e sili atu nai lo leai o se mea!" O le leai o se tala o se tasi lenei o mea sili ona leaga e te faia. Tatalo mo le lototeli ma le loto mataala, ona tatala lea o lou fofoga ma tautala atu, e tusa lava pe latou te le fia faalogo mai.
- O se tagata lelei o se aiga poo se uo e uunaia ma fesoasoani ia i latou e alolofa i ai ina ia latou faia ni filifiliga lelei. Latou te faatauanau foi e aloese mai le faia o filifiliga leaga.
- Ua tuuina mai e tusitusiga paia ala moomia mo i latou o e ua agai ifo e ua pele ia i latou i le auala o le vaisu. "E aoai atu i taimi e tatau ai ma le maatiati, pe a uunaia ai e le Agaga Paia; ma ona faaali atu ai lea pe a mavae, o se alofa faateleina" (MF&F 121:43).

- la fai oe ma se tagata faaoso fiafia lelei. E le mafai e tagata faaoso fiafia ona tauave se manumalo poo se toilalo patino. Ua malamalamo i latou o la latou matafaioi o le faafafia, e uunaia, ma ia lelei. E ui ina i ai naunau lo latou agaga i le tauvaga, ma manao ina ia manumalo, latou te le tauvale pe a le manuia la latou taumafaiga.
- "Suesue i ai i lou mafaufau" (MF&F 9:8) o se vaega taua o le fesoasoaniga ia te oe lava ma le tagata o loo e alofa i ai. Aoao e uiga i le vaisu ina ia e malamalamo lelei i lona uiga moni, le auala e togafitia ai, ma mea e te faia e fesoasoani ai.



## PUNAOA I LE INITONETI

Ua saunia e le Ekalesia le uepisaite lenei e fesoasoani e te aoao ai e uiga i le vaisu.

- [addictionrecovery.lds.org](http://addictionrecovery.lds.org)
- [overcomingpornography.org](http://overcomingpornography.org)

Atonu foi o i ai ni faalapotopotoga i lou atunu ma uepisaite e uiga i le foia o le vaisu, e pei o le ncadd.org (e faatatau i le vaisu o fualau oona ma le ava malosi) ma le fightthenewdrug.org (e faatatau i ata mataga) i le lunaite Setete.

E mafai e taitai o le Ekalesia ona faasino atu i le [counselingresources.lds.org](http://counselingresources.lds.org) mo le taitaiga e fesoasoani ai ia i latou o loo toe faaleleia ma o latou aiga.

# Mauaina o le Filemu i le Afa o le Vaisu

**Saunia e Chakell Wardleigh**

Mekasini a le Ekalesia

O le vaisu o se afa matautia faifaipea ua felafoai  
soloina ai le tagata ua aafia ai faatasi ai ma e  
alolofa i ai.

Olē po na ova ai le faaaogaina e lo'u tuagane  
o le vailaau oona o le heroini o le a le galo  
lava ia te au. Ou te manatua pea auiliiliga taitasi:  
o le mamafa o lona tino ua palasi ifo i le fola, o le  
auauee a ou matua, o le fefe, o le le mautinoa, ma  
le leai o se faamoemoe ua goto ifo ina ua ou iloa  
ua matou toe foi lava i le amataga o lona tauiviga  
e foliga e faifaipea lava ma le vaisu.

Ina ua le tali mai lou tuagane, sa ou ofo ia te au  
lava. E ui i le vevesi o siosiomia ai au, sa ou lagoo-  
naina se malosiaga loloto ua oo mai i ou luga na  
mafai ai ona ou fesoasoani i ou matua e faatoatoa  
i lou tuagane. Sa ou taofia ona lima ma'a'a faafefu-  
efu ma sa tautala atu ia te ia a o ia pulatoa mai ma  
mata faapogisaina. E ui ina sa ou le talitonu i le  
mea sa ou vaaia, sa ou toafilemu lava a o matou  
faatali mo lona toe malamalamama mai. Sa ou iloa  
mulimuli ane o lenei filemu ua talafeagai ma le  
taimi o le mana faifaipea o le Alii.

Ina ua toafilemu o ia ma ua auina atu ina ia  
togaftia i se falemai, sa taia au i le moni o le  
tulaga ua oo i ai. Ua mou atu lou malosiaga o lena  
taimi mai le lagi, ma e sa ou palasi ifo ma le loto-  
momomo. Na nutimomoia lo'u loto. Sa tiga lou  
fatafata a o ou taatia faapupuu i luga o lou moega,  
ma ua le maua sa'u manava. Sa le malosi la'u tagi  
auaue e talafeagai ma ou lagona. "E faapefea o lou



olaga lenei?" Sa ou mafaufau ai. "O le a le mafai lava ona toe foi o ia i se lelei! Ou te le gafatia ona toe faia o lenei mea!"

I lena lava taimi ina ua ou palasi ifo ma le lotomomomo, na ou lagona e peiseai ua siiti ae au i le ea e se malosiaga e le vaaia—o se malosiaga e peiseai o se matagi ua ato ifo au i le eleele o le papa i lalo malulu, ma le pogisa—o se nofoaga ua faaagaaga e le na o i latou ua maua i le vaisu ae mo e foi e pele ia i latou, o se nofoaga ua amata ona ou masani ai lava.

### O se Afa Faifaipea

O le vaaai atu i se tasi e pele ia te oe o tauivi ma le vaisu toetoe lava ina a le mafai ona le matauaveina. O le vaisu e fafagaina le pepelo, faalilolilo, ma le faalata, e fanau mai ai le tettee, maasiasi, ma le le faatuatuaina—o ia mea uma e faaleagaina ai mafutaga ma isi ma fesiligia i tatou lava i lo tatou malamalama i le meamoni o tupu. Ou te le mafai ona ou faamatala atu ia te outou le tele o taimi ua feagai ai ou matua, ou uso ma tuagane, ma au ma le mamafa matautia o le "ana faapea la" ma le "pe ana faapea."

E le tutusa aafiaga o aiga uma o aafia e le vaisu, ae i le tulaga o lou lava aiga, o le vaisu o lou tuaganae ua fai ma mafuaaga o feeseseariga i le auala e taulimaina ai le faafitauli. Sa i ai ni faamatalaga e malu ae malolosi e faatatau i le "gafatia" ma lagona tiga ia te au ma ou uso ina ua taulai pea lava pea le taimi o ou matua i lo matou tuagane. O nisi taimi, e faamalosia ai i matou uma ina ia faaeteete i lo matou va nonofo ai.

O le vaisu ua faapei o se afa o faamalumalu mai---o se ao o le le mautonu ma le popole ua uftia ai luga o o tatou ulu. E ui lava ina matou popo'e pea, ma faatalitali mo le emo o le uila, i le taimi lava e tupu ai, e lavea ai pea matou i le le saunia, ma lafoai atu i matou i le le to'a lava. Taimi taitasi. O se faatamilosaga matautia e le iu lava.

Ina ua ova le faaaogaina e lou tuagane o fuallau faasaina, sa mama o ia mo le lua tausaga. Mulimuli ane ua matou iloa atu le malamalama ina ua vaai i lona tauiviga ma luitau sauau o le

vaisu i le sili ae ma le sefulu tausaga. Ae i le taimi lava na toe oo ai i ana amioga masani, o mea uma lava na ia galue i ai e atiae i le lua tausaga ua mavae ua masofa ifo i lalo.

Ina ua tuanai ona vaai i le saolotoga ua ataata mai, sa toe faateia foi matou i le toe tupu ma toe foi i le matau'a, vevesi, ma le afa e le mafai ona aloese mai ai o le vaisu, o se afa ua taia ai le tagata ua aafia i le vaisu a o felafraiina foi e pele ia i latou.

Sa faamatala mai e Peresitene Russell M. Nelson le vaisu e faapenei: "Mai sina tofo ititi e faapea e le afaina, atonu e mulimuli mai se iuga leaga. E tupu mai i le tofo le amio a'i. E tupu mai le amio a'i le faalagolago i ai. E tupu mai le faalagolago i ai i le fai ma vaisu. E faasolo lemu lava lana pipii mai. E ninii lava filifili o le mausa o le tagata e faigata ona iloa e ia e oo ina malolosi tele ma faigata ona toe motusia."<sup>1</sup>

O lagona o le faalataina atoa na nutimomoia a'u ma lo'u aiga.

Ae o le mea e masani ona galo ia i tatou e uiga i le vaisu ina ua toe tupu i lou tuagane, e le o filifilia e ia lana vaisu e sili ae i lona aiga, ua feagai pea i aso uma ma le faaososoga e le gafatia tatou te le malamalama atoa i ai.

### E Mafai Ona Maua le Faaola i le Tulaga Maualalo Sili

A o ou taoto i lou moega, ou te lagona pea le vevesi masani ua totolo mai i lou mafaufau. Sa leai sou faamoemoe. Toilalo. Tiga. E ui ina sa ou aioi atu i le Atua e aveesea le tiga i lou loto ma tuuina atu le malosi i lou tuagane e foia ai lenei tofotofoga ua toe oo mai, sa ou mautinoa o le a le mafai lava ona ou toso eseina ae lava au mai le lua pogisa o le lotovaivai ina ua vaai i lou tuagane ua faamomomoina.

Ae peitai sa mafai lava ona ou faia.

O taimi uma lava ou te maua ai au lava i le loloto o le tulaga maualalo lava, pe mafua mai le vaisu o aafia ai lou tuagane poo nisi o tofotofoga o loo feagai ma au, ou te mafai ona tulai i luga, faatulaga lou sa, ma toe faaauau le folauga. Atonu e foliga mai e le mafai, ae o le mea matagofie lena e uiga i le alofa tunoa ma le alofa mutimutivale o le Faaola: pe a ou tuuina atu lou ola i Ona aao, e mafai ona Ia faia mea e le mafai. E pei ona aoao mai le Apostolo o Paulo, "Ou te mafaia mea uma lava i le faamalosi mai o Keriso ia te a'u" (Filipi 4:13).

O ou taimi o le lotovaivai, o ou taimi o le "tulaga maualalo lava", e masani ona oo mai pe a sologa manua le olaga, pe a ou lagona o loo ou i le tumutumu o le lalolagi, ona, e leiloa le mea e oo mai ai, ua ou pau---ma *taia!* Ua ou pau fao i le eleele o le alofa o le tulaga maualalo lava. Sa faafusei la pau, leiloa, ma tiga. Ae o se mea e ofo ai, ina ua tuanai ona faaaluina se taimi tele o lou olaga iina a o ou feagai ma le lotolotoi o tofotofoga eseese, sa ou aoaoina o le tulaga maualalo lava e mafai ona fai ma se nofoaga matagofie. Ona ua siosiomia oe e le pogisa atoa, o le malamalama o le Faaola o loo susulu malamalama pea. Pe a e maua oe lava i le tulaga maualalo lava, manatua ia saunoaga a Elder Jeffrey R. Holland o le Korama a Apostolo

e Toasefululu: “E le mafai lava ona e magoto i lalo ifo o le malamalama le mafuatia o le susulu o le Togiola a Keriso.”<sup>2</sup>

O ou taimi i le tulaga maulalalo lava na fesoasoani ou te iloa lelei ai le mana o le Togiola a Iesu Keriso. A o ou loto momomo mo lou tuagane ma mafaufau e leai se tasi e malamalama i le mea o loo feagai ma au, ou te iloa o loo silafia e le Faaola. Ou te iloa ua Ia malamalama foi i le vaisu o lou tuagane i se auala e leai lava se tasi e malamalama ai. E ui ina ou le fiafia i lena pau faavave ma le matautia i le tulaga maulalalo lava, ou te faafetai mo taimi na fesoasoani mai ai le Faaola ia te au ina ia ou tulai ina ua leai sou malosi ou te tu ai lava au. E tusa ai ma le vaisu a lou tuagane, na Ia faamalosia au ina ia maua le alofa mo lou tuagane ae le o le faamasinoina poo le tuuaia o ia, ia tiga alofa mo ia e ui lava ua ia tauivi ma se mea ou te le mafai ona malamalama atoatoa i ai, ma faamagalo ia te ia ma alofa ia te ia e ui ina tele taimi ua ou tiga ai ona o ana filifiliga.

### Lagolagoina o i Latou Ua Feagai ma le Vaisu

O lou tuagane o ia o se tagata lelei lava. E agaalofa ma faaalalo o ia. E lotomaulalo ma agamalu. E atamai ma malie lava. O ia o se tagata e alofagia, o se uo lelei, ma o se tagata faapelepele o lou aiga. E le o ia lava o se tagata leaga. O ia o se atalii o le Atua ma lona ttau lemafuatia ua maileia e Satani ma ona lava vaisu ona ua ia faia ni filifiliga le lelei. E pei ona aoao mai e Peresitene Dallin H. Oaks, Fesoasoani Muamua i le Au Peresitene Sili, “O nai taga laiti o le le usitai po o nai toilalo iti e mulimuli i faiga amiontonu e mafai ona tata’i ese mai ai i tatou i se taunuuga ua uma ona lapataia ai i tatou e aloese mai ai.”<sup>3</sup> E ui lava i filifiliga le lelei a lou tuagane, o ia ma soo seis lava o tauivi ma le vaisu, faapea foi o latou aiga, e manaomia le lagolago ma le malosi.

Sa mafatia le leoa lou aiga e uiga i tauiviga a lou tuagane mo se taimi umi. Sa matou tutumau i le maasiasi mai ia i matou lava mo tausaga. Sa tapu le vaisu, o lea sa matou le talanoa e uiga i ai. Sa matou manatu sa le tatau ona aafia e le faalagolago i vailaau faasaina aiga o loo taumafai i le mea sili ona ola ai i le talalelei ma mulimuli ia Iesu Keriso. Sa matou popole tele lava i manatu o tagata pe a latou iloa. Na tuuaia pea lava pea e ou matua i lau lava mo filifiliga a lou tuagane, sa ou nana mai au uo le mea na tupu, ma e sa matou aloese mai fesili uma e uiga i lou tuagane. Ae sa matou le iloa o le talanoaina o lenei mea sa fai ma mea ua tigaina tele ai lo matou tulaga nai lo le mea ua i ai.

O lea ua sui ai lo’u taulimaina o le vaisu a lou tuagane. Ma o le upu taua lena: *taulimaina*. Mo le tele o tausaga, sa ou liliuese mai ai ma nana mai isi tagata uma, ae o lea ua ou taulimaina faatasi ma lou aiga. Ua matou saili mo ni fesoasoani ma ua matou taumafai e lagolago i isi. A o faagasolo tausaga, sa matou iloa ai o le vaisu e aafia ai le tele o aiga i le tele lava o auala—ma e leai se mea e lagona maasiasi ai pe faalilolilo. E manaomia le talanoaina, ma o i latou ua faamanualia ai, pe o e ua pele poo i latou ua feagai ma tauiviga

a latou lava ia, e manaomia le faaititia o le faamasinoga ae faateleina le lagolago fesoasoani, mutimuti alofa, malamalama, ma le alofa. E leai se isi e tatau ona mafatia toatasi.

### Mauaina o le Filemu i le Afa

E ui ina sa ou tatalo mo le tele o tausaga ina ia aveesea le aafiaga o lou tuagane i le vaisu mai ia te ia, sa ou aoao e le mafai ona aia i lana filifiliga saoloto. E tumau pea ia te ia lona tuusaolotoga ma fai ana lava filifiliga, e ui i noataga o le vaisu O au ma



lou aiga e i ai mo ia ma alolofa ia te ia, ae le mafai ona matou faamalosia o ia e sua. O Ia e faia le faaiuga. O lea afai ua maua i matou lava ua saisaitia i le afa matautia o loo siomia ai lou tuagane, o nisi o taimi e lagona ai faapei e leai se mea e mafai ona fai i ai. E faapei o le toatele o i latou e aafia ai i le vaisu, e lagona peiseai e le mafai lava ona tatou sosolae mai ai. Ae aunoa ma se faaletonu, ua i ai iina le Faaola e ofoina mai taimi paganoa o le saolotoga e ala mai i lagona o le filemu, mapu, ma le malamalamaaga e i ai se aso o le a lelei ai mea uma.

O le ala e tuuina mai ai e le Faaola le filemu e le masani o se vavega vave pe ofoofogia. A o ou feagai ma le malosi o matagi o le afa o le vaisu, e masani ona ou mafaufau i le taimi o tofa ai le Faaola i le afa a o malaga atu i le Sami o Kalilaiia. I lena lava taimi, sa matatau Ana Apostolo. Sa latou filifili e taulai atu i le afa nai lo le taulai atu i le Faaola, e ui sa i ai pea o Ia i o latou tafatatafa i le taimi atoa. Sa Ia le tuua lava i latou ma e sa Ia maliu mai e laveai i latou—e ui lava ina sa latou masalosalo ia te Ia. (Tagai i le Mareko 4:36–41.)

Ua ou aoao e le tuua lava au e le Faaola ina ia magoto. I lou olaga, e masani ai lava o nai mea ititi o le alofa mutimutivale o le Alii e tuusaoloto ai au e alo agai atu pea i galu o le afa o loo fafati mai e le olaga ia te au. Sa ia faatoofilemu ia te au ma tausia au lava pe a manaomia au e lou tuagane, sa Ia fesoasoani ia te au e maua le malosi moomia e ala ai mai le moega i aso ou te talitonu ua leai se malosi o totoe ia te au, ma sa faaauau ona Ia ofoina mai le filemu e ui lava i lou fefe pea ona o le le mautinoa.

### O Loo i Ai Pea le Faamoemoe

Ona ua tatou faalogo soo e uiga i faalavelave e fesootai ma le ova o le faaaogaina, ava malosi e faaona ai, poo le tele o ulugalii tetea ona o ponokalafi, e foliga mai o le vaisu e fai ma mafuaaga o le lofituina, ae e le faapea o le tulaga lava lea e oo i ai. Ona o le Faaola, o loo i ai moni lava le faamoemoe e onosaia ai pea soo se tulaga.

E ui ina ou te le iloa le iuga e oo i ai le tauiviga a lou tuagane, ou te tumau ai pea i le faamoemoe, e ui ina foliga mai e le gafatia. Ou te anapogi. O lea ua ou tatalo nei mo le malamalamaaga, tiga alofa, ma le taitaiga ae le mo le aveesea vave o lona aafiaga i le vaisu. Ua ou iloa le ola patino ma le faale-agaga ia te au lava e afua mai lenei tofotofoga umi i le sefulu tausaga. Ou te faaaogaina le tele o punaoa i le mafai ai e malamalama ai i le mafuatiaina. Ma e ou te aapa atu ina ia maua lagolago matagofie mai uo ma taitai o le Ekalesia.

Ae o le mea silisili lava, ou te faalagolago i le Faaola ma Lona mana faamalolo ma le faaola. E moni Lana Togiola. E leai se faamasanafanaga sili nai lo le iloa e malamalama lelei o Ia i le mea o loo ma feagai ma lou tuagane. Ua aoao mai le Salamo 34:18, “Ua latalata mai Ieova i e ua loto momomo, ua ia faaola foi i e ua loto nutimomoia.”

Ou te iloa ua latalata mai o Ia ia te au i taimi ua momomo ai lou loto, ma e ou te iloa o le a Ia i ai pea e fesoasoani ia te au e toe faaleleia ai. E la gata o loo silasila o Ia i le afa mai le matafaga, ae o le tele o taimi o loo i ai o Ia i luga o le vaa, o feagai ma le matautia o matagi ma peau faatasi ma au. Ua Ia faaauau pea ona faatoofilemu sami sousou faigata i lou olaga ma tuu mai au e ola ma lagona le filemu moni. ■

### FAAMATALAGA

1. Russell M. Nelson, “Vaisu poo le Saolotoga,” *Ensign*, Nov. 1988, 6.
2. Jeffrey R. Holland, “O Le Au Faigaluega i le Tovine,” *Liahona*, Me 2012, 33.
3. Dallin H. Oaks, “O Mea Laiti ma Faatauvaa,” *Liahona*, Me 2018, 91.





Saunia e Elder  
**Gerrit W. Gong**

O Le Korama  
a Aposetolo e  
Toasefululua

# O Le Vavega o le Iai i le Feagaiga

O le feauga lelei o a tatou feagaiga ma  
le Togiola a Iesu Keriso e faalogoina  
i fatuga ma pesega e faalagolago i le  
Togiola a le Faaola e fesoasoani tatou  
te faamalieina ai a tatou feagaiga i se  
aula fou ma le paia.

**T**le aoga o le olaga faaletino, e valaauna e le Alii i tatou e aoao ma ola i auala e faavavau e ala i le alofa ia te Ia muamua ma le faamalosia o le tasi ma le isi i Lona alofa.

O le faamalosia o le tasi ma le isi i le Alii ma Lona alofa o loo i le poloaiga sili muamua ma le lona lua. E pei ona aoao mai e le tusi a le Au Peresitene Sili, “O le auaunaga a le Faaola o loo faaalnia mai ai ia poloaiga sili e lua: ‘E te alofa atu i le Alii lou Atua ma lou loto atoa, ma lou agaga atoa, ma lou manatu atoa’ ma ‘E te alofa atu i lē lua te tuaoi, ia pei o oe lava ia te oe’ (Mataio 22:37, 39).” Na faaaauau mai le tusi a le Au Peresitene Sili: “I lena agaga, sa aoao mai foi Iesu, ‘O outou ia o e ua ou filifilia e auauna atu i lenei nuu.’ (3 Nifae 13:25).”<sup>1</sup>

O le pese o le alofa togiola a lo tatou Faaola toetu ua faamanatu ai le ogatasi o feagaiga, e fesootai ai i tatou i le Atua ma i le tasi ma le isi; ma le Togiola a Iesu Keriso, lea ua fesoasoani e tuu ese ai le tagata ma le tamaitai o le lalolagi ae ua’i atu i “galuega alofa a le Agaga Paia” (Mosaea 3:19).

O lena ogatasi ua faailoa mai i le ata o le fiafia, ua tatou aoao ma ola ai i le faia i aso uma o filifiliga o tiute fialitalia o tagata taitasi ma ua le tuua ai i tatou e faasevasevaloaina o i tatou lava ae ua i ai le ala o le feagaiga ma le meaalofo o le Agaga Paia. Alefa ma le Omeka (tagai MF&F 61:1), o le Alii o Iesu Keriso, o loo i ai faatasi ma i tatou mai le amata. Ma e i ai o Ia ma i tatou i le iuga, pe a “soloia ese e le Atua loimata uma mai o tatou mata” (Faaaliga 7:17), sei vagana o tatou loimata o le olioli.



O a tatou feagaiga e fesootai ai i tatou i le Atua ma i isi. O lona uiga ina ia faavavau, o a tatou feagaiga e aofia ai le Atua lo tatou Tama e Faavavau ma Lona Alo, o Iesu Keriso. O feagaiga e faavavau e aumai ai le mana o le alofa o le Atua—e maua ai le faamoemoe ma le alofa faateleina; ina ia siitia ma suaia; ia faagaeetia ma faapaiaina; ia togiolaina ma faacaina.

I le faaaliga o lo tatou lava moni ma le faavavau e ala ia tatou feagaiga ma le Atua, ua tatou aoao e iloa ma alofa i o tatou uso ma tuafine e pei ona Ia faia. O lenei alofa ma le malamalamalama loloto e valaaulia, faamalosia ma faapaiaina i tatou ia iloa ma i o tatou lava ala, e avea atili ai e faapei o Ia.

### Feagaiga ma le Togiola a le Alii

O le feauga lelei o a tatou feagaiga ma le Togiola a Iesu Keriso e faalogoina i fatuga ma pesega e faalagolago i le Togiola a le Faaola e fesoasoani tatou te faamalieina ai a tatou feagaiga i se auala fou ma le paia.<sup>2</sup> I le tuufaatasiga, o a tatou feagaiga ma le Togiola a lo tatou Faaola e mafai ona faatulaga mea ua tatou manaoemia, vaai, ma aafia i le soifuaga faaletino o aso uma, ma saunia ai i tatou mo le mafutaga o le lagi (tagai MF&F 130:2).

E ala i le Togiola a Iesu Keriso, ua tatou maua le faatuatua, malosi, ma le talitonuga e o mai ai ia Keriso, ma le iloa o le atoatoaga ua ia te Ia. O lenei iloa ua ofoina mai ai le solaese mai le taaviliga moomia pea o le atoatoa. Atonu e i ai se moni i le pese “Tuu ai pea e alu”<sup>3</sup> afai e “tuu ai pea e alu” e faauiga o le “tuu e alu” o le tulaga faalelalolagi a le tagata lava ia e le mafai lava ona faamalieina ae a faauiga foi “taofi i ai” i le faamoemoe faalelagi mai le Atua ma le folafolaga ua ofoina mai e le Alii.

Ua e iloa o sauniga taitasi e valaaolina ai i tatou i o tatou igoa ma fesootai i tatou e o tatou igoa i le suafa o Iesu Keriso?

O sauniga e tulaga aoao ma patino (taitasi) i le taimi e tasi. I ni tausaga ua mavae, i le avea ai ma fautua maualuga e gafa ma papatisoga a le siteki,

sa ou iloa ai o sauniga o le papatisoga e laugatasi ai le faatinoga i tagata taitasi ae patino lava i le tulaga o tagata taitasi e papatisoina e valaaau, tai-toatasi, i o latou igoa, ma o latou igoa sa fesootai e ala i feagaiga i le “suafa o le Tama, ma le Alo, ma le Agaga Paia” (3 Nifae 11:25),

E uiga ese le alofa tunoa i lona tulaga aoao ma le tulaga ese e faapei o lo tatou Faaola lava Ia. O le Tamai Mamoe e le pona, sa Ia faatulagaina le mamanu i le papatisoina ina ia faataunuina ai le amiotonu uma (tagai 2 Nifae 31:6). E taua i tusutisiga paia, ma e aoao atu e o tatou faifeatalai, “le mataupu faavae a Keriso” (2 Nifae 31:21; tagai foi 3 Nifae 11:38–40). O le mataupu a Keriso e aofia ai “le mulimuli i faataitaiga a Iesu Keriso e ala i le papatisoina e se tagata o umia le pule o le perisitua a le Atua.”<sup>4</sup>

Tatou te ulufale atu i le faitotoa o le salamo ma le papatisoga i le vai, “ona oo mai ai lea o se faamagaloga o a outou agasala i le afi ma i le Agaga Paia.” (2 Nifae 31:17). O le ala sao ma le vaapiapi-o le ala o le feagaiga-e taitai atu ai i le ola e faavavai (tagai 2 Nifae 31:18). O se vaega o le auala e faamalosia ai i tatou taitoatasi i Lona alofa.

O a tatou feagaiga ma le Togiola a Iesu Keriso e fesootai foi i isi ala.

### O le i ai i se Feagaiga

E ala i feagaiga paia, tatou te i ai i le Atua ma i isi. O le i ai i se feagaiga o se vavega. E le o se mea e patino i se tagata. “E faapei o le alofa mama, e “onosai, ma agamalu,” ma e “le losilosii; . . . e le mitamitavale, e le faafefeteina” (1 Korinito 13:4; tagai foi Moronae 7:45). O le i ai i se feagaiga e maua ai a’ma apa’au. E tuusaoloto e ala i le tuuto. E faateleina e ala i le alofa.

I le i ai i se feagaiga, tatou te faamalosia o le tasi i le isi i le alofa o le Faaola, e mafai ai ona faateleina le alofa i le Atua ma isi. E tupu lenei mea aua o le i ai i se feagaiga “e le sailia e ia ana lava mea, e le faaititagofie, e le tuuina atu i nisi le leaga” (1 Korinito 13:5). O le i ai i se Feagaiga “e le fiafia



ai a tatou feagaiga o le faaipoipoga—ina ia avea atili e faaeaina ma paia.

I se tasi o vasega o sootaga i le faaipoipoga, na sii ai le lima o se tamaitai o le vasega ua faaipoipo ma faapea atu i le faiaoga, “Faamolemole lava, o loo e fai mai pea lava o le faaipoipoga e faigata. E le o le faaipoipoga e faigata ae o le



*O le i ai i se Feagaiga e maua ai a'a ma  
apa'au. E tuusaoloto e ala i le tuuto.  
E faateleina e ala i le alofa.*

i le amio leaga, a e fiafia i le faamaoni” (1 Korinito 13:6). O le i ai i se feagaiga o le sau ma vaai faafe-sagai, o le iloatino e pei ona iloatinoina ai o i tatou (tagai 1 Korinito 13:12). O lo tatou faatuatua i feagaiga e tutumau ma le le mafaagaaetia (tagai Mosaea 5:15; Alema 1:25).

O le i ai i se Feagaiga o le faamoemoe i mea uma, onosai i mea uma, ma “faamoemoe o le a mafai ona onosai i mea uma” (tagai Mataupu Faavae o le Faatuatua 1:13; tagai foi 1 Korinito 13:7; Moronae 7:45). O le i ai i se feagaiga o le tausia o le faatuatua. E le o le musu ia i tatou lava, o le tasi i le isi, po o le Atua.

O le i ai i se feagaiga o le fiafia faatasi ma e fiafia ma olioli ma i latou ua iai le mafuaaga e olioli ai, ma tutu o ni molimau i le alofa mutimutivale ma vavega o aso uma a le Atua i aso uma, ma mea uma, atoa ma nuu uma.” (tagai Mosaea 18:8–9).

O le i ai i le Atua ma i isi i le iai i se feagaiga o le ataata i nofoaga e le faamoemoeina a o tatou vaai i mata e vaai ai ma faalogo i taliga e faalogo ai. Ua ia suia i tatou ma o tatou fesootaiga—e aofia

olaga e faigata, ma o le faaipoipoga, i ona tulaga luga ma lalo, e mafai ona avea o se faamanuiaga tatou te feagai ai ma le olioli ma luitau faatasi o le olaga.”

E ui o le faaipoipoga e faavavau o lo tatou manatu, le faamaoni, faatautala eseese, ma le anoanoai o feeseseseaiga ua alagatatau ai gaoioiga vave e puipuia ai poo le nonofo eseese ma atonu e oo lava ina tete'a ai faaletulafono. Tatou te iloa o feagaiga e faamauna ma faavavau e ala i le maliega faatasi a itu e aafia ai ma pe a faamaonia e le faaaliga alofa faalelagi o le Agaga Paia, ua faamatala mai i tusitusiga paia o “le Agaga Paia o le folafolaga” (MF&F 88:3).

O loo i ai le mafanafana, filemu, ma le faamoemoe i le faamaoniga a le Alii e faapea o tagata agavaa taitasi o le a maua faamanuiaga folafolaina uma.<sup>5</sup> O se vaega o Lana folafolaga o le faamalosia lea o i tatou taitasi i Lana alofa, i Lana ala, ma i Lana taimi (tagai MF&F 88:68).

#### **“O le Ala e Faia ai le Auaunaga”**

A o avea au ma se epikopo talavou, sa aoaoina au e se mea na tupu i la matou uarota e uiga i le iai i se feagaiga e pei ona faailoa mai i le faamalosia o le tasi ma le isi i le alofa o le Faaola. O aiga o le uarota o Hans ma Fay Ritter ma Larry ma Tina O’Connor, faatasi ai ma isi aiga ofoofogia, sa auauna atu pea lava pea i isi ma e sa alofagia e tagata uma.

I se tasi aso na fesili mai ai la matou peresitene o le siteki pe mafai ona ou siaki atu i le aiga o Ritter. Ina ua ou taunu i lo latou aiga, sa ou iloa ai ni omoomo i le fola ma se titata sa faaaogaina soo.



"Epikopo, e faapenei," na fai mai ai le uso ia Ritter. "E mama la matou vai vevela, ma e tafe mai le vai vevela i le fola o le fale. E o mai iniseti laiti o le ane. O le mafuaaga lena o le omoomo laitiiti o le fola. Sa matou tape le vai vevela, ma o le ala lena o le tunu o le suavai i le titata."

Na malilie le aiga o Ritter oute talanoaina lo latou tulaga ma le matou aufono a le uarota. Na uigaese la matou aufono a le uarota. Na iloa e tagata o le uarota nisi e mafai ona fesoasoani i le fola poo le puipui poo le kapeta ma mea e faaaoga, poo le vali. Sa ofoina mai e tagata o latou taimi ma fesoasoani ai i le tele o auala alofa. O nisi o i latou na i ai Larry O'Connor, o se faufale agavaa o le sa i ai pea lava pea i le fale o Ritter.

Na manatua e Tina le toalua o Larry e faapea o Larry ma isi uso o le korama i nisi o taimi e o atu i le fale o Ritter i le Aso Faraile ma nonofo ai i le po atoa. "I se tasi taeao o se Aso Toonai, sa ou auina atu ia i latou se taumafataga o le taeao; na ia faapea mai ai. "O Larry le la o loo sau mai le fale taele ma uu mai ia meafaigaluega palama."

Na faaopoopo mai Tina e faapea o alii e pei o Hans Ritter ma isi "na aoao mai ai lo'u toalua ia avea ma se tane-agalelei, mafaufau, ma agamalu. A o auuna atu lou toalua o Larry faatasi ma ni alii lelei, e aofia ai ma le vasega a tamaiti laiti, ua atili ona avea ai o ia ma se tane ma tama ofoofogia."

Ina ua maea le galuega o le fale, sa matou olioli faatasi.

E i ai se taimi na toesea ai Hans ma Fay Ritter, ae sa ou talanoa i se taimi lata mai ma le toalua o o laua atalii, o Ben ma Stephen. Na manatua e i laua o le auauanaga le leoa a isi sa faatumauina ai le mamalu o lo laua tama, o le na galue a unoia ma se faavaivai e tauisia lona aiga.

A o i ai i se gaoioiga a le uarota ao lei mamao ona maea le fale o Ritter, na maua ai e Larry ma Tina O'Connor se tala faafuasei ua mu lo laua fale. Sa laua faatopetope atu i lo la aiga ma iloa ai faamalamalama taei ua salalau solo (i asu) ma puipui pupu (e siaki ai afi ua le iloa atu).

"Sa lofuituina i ma'ua," sa fai mai ai Tina. Ae o lea na o mai le uarota.

"Sa fesoasoani tagata uma," na fai mai ai Tina ma Larry. "Na o mai faatasi le uarota i le alofa. Sa matou i ai iina o se aiga."

Ma e o ai na muamua o mai ae na mulimuli ona o ese a o fausia le fale o O'Connor? Ioe, o le aiga o Hans ma Fay Ritter.

Na lotomaulalo Ben ma Stephen ae na manatua lo latou aiga na o mai e fesoasoani i le au O'Connors. "Sa matou i ai faatasi uma iina," na la fai mai ai. "O le auala lena e faatino ai le auauanaga." Tatou te tausi uma lava o le tasi i le isi, o nisi o taimi e fesoasoani ai i isi ma o nisi o taimi e ala i le tuuina atu o le avanoa i isi e auauana mai ia i tatou."

Ia te au, e mafai ona avea o se liu maoae, mama, ma le ogatasi a o tatou faamalosi o le tasi i le isi i le alofa o le Faaola. Ua fesoasoani le aiga o O'Connors i le aiga o Ritters, ua fesoasoani le aiga o Ritters i le aiga o O'Connors, ma a o faia o lea o loo atinaecina ai se nuu o le Au Paia o Aso e Gata Ai. I aso taitasi i le tele o auala, e manao i tatou taitoatas, ma e mafai ona ofo atu, auauanaga alofa ma le lagolagoina i auala laiti, faigofie, mamana, ma e suia ai olaga.

Ma o lea, ua tatou iloa ai le wavega o falaoa e lua ma i'a: muamua, o se nuu o le Au Paia e mafai ona o mai faatasi i le agaga tuufaatasi e foia se manaoga maoae; ma le lua, i le taimi lava e tasi, o se faatasiga o le Au Paia e mafai ona sui faatasi i le alofa i aso uma, alofa i le auauanaga i le tele o tulaga filemu—e pei ona i ai i se aiga, paranesi, uarota, poo le nuu i le tele o tausaga -e tutoatas mai soo se manaoga maoae.

### Faamalosia i le Alofa o le Faaola

O nei mea uma e toe aumaia i tatou i le mea na tatou amata mai ai-o le poloaiga silisili muamua ma le lua ma le valaaulia ia faamalosia ma le faamalosia o le tasi i le isi i le alofa o le Alii.

Na saunoa mai ma le mana Peresitene Russell M. Nelson e faapea, "O la tatou savali



*E iai le ogatasi  
paia ma le  
loloto o le iai i  
se feagaiga a  
o faamalosia i  
tatou i le alofa  
o le Alii ma a  
o tatou faama-  
losia le tasi ma  
le isi ia te Ia.*

i le lalolagi e faigofie ma faamaoni: tatou te valaau-laina fanau uma a le Atua i itu uma e lua o le veli ia o mai i lo latou Faaola, maua faamanuiaga o le malumalu paia, maua le olioli tumau, ma agavaa mo le ola e faavavau.”<sup>6</sup>

A o tatou fiafia i le upu o Keriso (tagai 2 Nifae 32:3) ma faamuamua le Atua (tagai Mataio 6:33), e faamalosia ma faamanuia e le Alii tulaga uma o lo tatou olaga. E i ai le ogatasi paia ma le loloto o le i ai i se feagaiga a o faamalosia i tatou i le alofa o le Alii ma a o tatou faamalosia le tasi ma le isi ia te Ia.

O upu a le Apostolo o Paulo e faaleoa mai le ogatasi o a tatou feagaiga ma le Togiola a le Alii o Iesu Keriso:

“O ai se na te vavaeeseina mai i tatou i le alofa o Keriso? o le puapuaga ea, po o le atuatuvalē, po o le sauā, po o le oge, po o le lē lavalavā, po o le pagatia, po o le pelu? . . .

“Aua ua ou mautinoa, e le mafai e le oti, po o le ola, po o agelu, po o alii, po o e malolosi, po o mea i nei ona po, po o mea atali,

“Po o le maualuga, po o le loloto, po o se tasi mea na faia, e le mafaia e ia mea ona faateaescina mai i tatou i le alofa o le Atua, o loo ia Keriso Iesu lo tatou Alii” (Roma 8:35, 38–39).

O lau foi lea molimau paia.

Oute molimau o le Atua lo tatou Tama Faale-lagi ma Lona Alo, o Iesu Keriso. La te iloa lelei i tatou ma alofa atili ia i tatou nai lo tatou iloa poo le alofa e i tatou lava. Tatou te faatuatua ia Ieova ma o tatou loto atoa a e aua le faalagolago i lo tatou lava atamai (tagai Faataoto 3:5).

I le 159 malumalu o le Alii i atunuū e 43, e mafai ona faamalosia i tatou i le Alii e ala ia tatou feagaiga ma le Togiola a Iesu Keriso.

Ua faamanuiaina i tatou e le pule o le perisitua ma faaalgia faaperofeta pea lava pea mai le Perofeta o Iosefa Samita e oo mai i lo tatou Peresitene pele o Nelson i le aso. O mea o tutupu i ni nai aso ua tuanai ua mafai ai ona atili ou mautinoa, ma faalotomaualaloina ai, i le moni o aoaoga faavae toefuataiina, o ki, sauniga, ma feagaiga i le Ekalesia a Iesu Keriso o le Au Paia o Aso e Gata Ai o le “malo o le Alii ua toefauatina i luga o le lalolagi, e saunia ai mo le afio mai faalua o le Mesia.”<sup>7</sup>

O Le Tusi a Mamona: O Se Tasi Molimau ia Iesu Keriso ma tusitusiga paia uma o afioga a le Atua.

Sei o tatou taitasi ona o mai e iloa atili lo tatou Faaola ma avea e faapei o Ia a o faamalosia i tatou i le Alii ma a o tatou faamalosia le tasi ma le isi ia te Ia ma Lona aofa. ■

*Mai se saunoaga i le Brigham Young University Women’s Conference, “Faamalosi o le Tasi i le Isi i le Alii,” sa sofogaina atu i le aso 4 o Me, 2018.*

#### FAAMATALAGA

1. Tusi a le Au Peresitene Sili, 2 Ape., 2018
2. Tagai, Russell M. Nelson, “Auaunaga,” *Liahona*, Me 2018, 100.
3. “Tuu Ai Pea e Alu,” *Frozen* (2013)
4. *Talo’i La’u Talalelei: O Se Taiala mo le Galuega Faafaiseau-talai* (2004), 40.
5. Tagai *Tusitalima 2: Taitaiina o le Ekalesia* (2010), 1.3.3.
6. Russell M. Nelson, “Faamalosi Ia i le Galuega Nei,” *Liahona*, Me 2018, 118–19.
7. Faatomuaga i le Tusi a Mamona.



# O se Tatalo e Tatou te Ulufale atu ai i le Malumalu

ni nai aso ao lumanai ai le faasologa o le matou uarota e malaga atu ai i le Malumalu i Aba Naitiria, na valaaau mai le epikopo ma fai mai ou te taitaia le malaga. Sa ou malie i ai, ma i le taeao o la matou malaga, sa fai la matou tatalo ma feosofi loa i le pasi mo le amatalia o la matou malaga.

A o matou malaga atu, sa matou usu ni pese. Sa faatumulia le ea i le olioli e le mafaitaulia. Sa tele lo matou taimi faasaoina i la matou malaga e 10 itula, ma toeitiiti lava oo i le aoauli, na amata ona faaletonu la matou pasi e leai se tasi o i matou e mafai ona faaleleia.

Sa ou momoe atu i le pamu kesi latalata ane ma maua le tagata faigaluega. Sa ou fesili i ai e faasino mai ia te au se inisinia taavale.

E aunoa ma se taimi maumau, na ia telefoni atu i ni inisinia e lua. E lei pine ae taunuua ma amata loa ona galulue. Na la iloa ua leaga le fusi o le ili. Na laua galulue mo ni itula seia oo ina uma lelei lo laua malamalama. Ona la valaaau atu lea i le isi inisinia.

Na foliga mautinoa o ia ina ua ia tau-nuu mai ma fai se tala faauigalua, "o le a le mea ua tupu i le fusi o le ili ua le mafai ai ona oulu faaleleia?"

Sa galue o ia mo sina taimi ona faapea mai lea, "O le mea ua tupu nei ua sili atu nai lo le mea e mafai ona fai." Na ia sii ane ana mefaigaluega ma aluese. O isi inisinia na faaauau pea ona saili se fofo, ae foliga mai o le tulaga ua matou i ai ua leai se faomoemoe.

Sa ou faliu atu i ou uso o le Au Paia ma vaaia le faanoanoa toeitiiti lava o foliga uma. A o ou mafaufau i se mea o le a fai, na oo mai le manatu ia te au: "Sa outou tatalo mo le faafitauli?"

I lena lava taimi, sa ou faapotopoto faatasila matou vaega. Sa matou tutu

i le lio ma tatalo atu i lo tatou Tama Faalelagi ina ia tuuina atu i alii inisinia le malamalama ua le o i ai ia i laua. I le itiiti ifo i le lima minute, ae sau se tasi o inisinia e vaai ai.

"Ua ma'ea ona maua faia!" sa ia fai mai ai ma le fiafia tele.

Sa matou olioli ma faafetai i le Alii. E lei pine ae ou iloa leisi inisinia ua foliga lotovaivai. Sa ou taumafai e faamalo atu ia te ia, ae na ia fai mai, "O e faamalo mai ia te au mo le faaaluina o le ono itula e faapipii ai le pa'u o le ili e tasi? Sa ou faapipii ni pa'u o ili se lua ae ou te le i sau iinei. O le mea na tupu iinei e le

mafai ona faamatalatalaina."

Sa ou tau atu ia te ia na fesoasoani mai le Atua ina ua maea la matou tatalo.

"Sa outou tatalo i lenei mea?" sa ia fesili ai.

"Ioe, e tusa ma le lima minute ua tea."

"Oi, e matagofie lena ia te outou!" sa ia fai mai ai.

Sa ou totogi ia inisinia ma o ese loa. Sa matou o uma i luga o le pasi ma faaauau la matou malaga. Mulimuli ane sa matou taunu i le malumalu i ni nai itula, ma faafetai e faafogoga ma tali mai le Tama Faalelagi i a tatou talosaga. ■

**Isaako Ututu, Lagos, Naitiria**



le matou malaga e 10 itula i le malumalu, na amata ona faaletonu la matou pasi e leai se tasi o i matou e mafai ona faaleleia.

**S**a ou lagona e le tatau ona ou tagofa le faamanatuuga a o i ai nei lagona matau'a i lou loto. Sa ou tatalo ina ia tafisea le pogisa.



## Na auina mai e le Tama Faalelagi se Faamanatu

**I**na ua tuanai le 11 tausaga o tauivi ma le gasegase o le mafaufau (dementia), na maliu ai lo'u toalua. Mo au, o lona maliu sa faanoanoa toe fiafia foi. Sa fai au ma ana tausimai, uo, ma le pele ia te ia, ma e ui ina sa ou fiafia ua le toe mafatia o ia, ua ou matua misia lava o ia. Na ou manatu sa ou malamalama e uiga i le lotomomomo, ae o le faanoanoa ma le lagona o le leiloa ua tuua au i le ala sa ou le mautinoa o le a ou oo i ai.

Ona o lou faanoanoa ma le maofa, ua oo mai ai lagona leaga i lou olaga. Sa ou lagona le le amanaiaina o au, le aoga, ma ua le iloa e aiga, uo, ma tagata o le uarota. Sa ou nopiai i le le fiafia ma lagona le matau'a i isi.

I se tasi Aso Sa, sa ou nofo ai i tua o le falesa. Sa ou vaai i se uso faiuo ma le tautalatala o feiloai ma isi tagata o le uarota. Sa agaalofa ma lima foai i tagata uma lava.

“Ae peitai,” sa ou manatu ifo, “sa ia *le* fesili lava poo faapefea mai au, sa ia *le* faamafanafana mai ia te au, sa ia *le* faamaonia le faigata o le maliu o lou toalua ia te au!”

Sa faaaauau pea nei mafauauga leaga a o amata le pese o le faamanatuuga. Sa ou lagona e le tatau ona ou tagofia le faamanatuuga a o i ai nei lagona matau'a i lou loto.

“E ao ona e saili mo se fesoasoani ina ia aveesca ai nei lagona *nei!*” Sa ou mafaufau ai.

Sa ou tatalo ina ia tafisea le pogisa. Sa le tatau ona tuuaia lenei uso i lou matau'a itiiti


lava. Sa ou tatalo mo se faamagaloga ma se fesoasoani e aveesea ai lou loto matau'a. E oo i le taimi ua tu mai ai le tiakono i ou luma ma le fata o le faamanatuuga, sa ou lagona e mafai ona ou tagofia le faamanatuuga. I le taualumaga o le vaiaso na sosoo ai, sa ou tatalo pea mo se taitaiga.

I le Aso Sa na sosoo ai, sa ou savali atu i le potu o i luma ma iloa atu le fafine sa ou taulai i ai i le vaiaso ua tuanai.

“Oi, Carol!” sa ia fai mai ai. “Sa ou mafaufau pea lava ia te oe! E na ona ou mafaufau i le faigata o mea sa faafeagai ma oe. Sa fai oe ma tausi gasegase a lou toalua mo se *taimi* umi. O se suiga faigata lenei mo oe. O a mai oe?

Sa ma talanoa mo ni nai minute, ma sa ia fusi mai ia te au i se auala matagofie lava. Sa ou le maugagana. Sa ou nofo ifo i lou nofoa masani i le falesa ma le ataata lapoa lava. I le taimi lava lena, sa ou faafetai ai i lo'u Tama oi le Lagi. Ua ia auina mai i lenei uso lelei se faamanatu ina ia fai mai upu sa ou manao e faalogo i ai. E mai lena taimi, sa ou lagona ai o le Tama Faalelagi e manatu mai ia te au. Ua ia aumai ia te au le malosi e feagai ai ma le “tulaga fou” ua amatalia i lou olaga. ■

**Carol Whitaker, Oregon, ISA**



# Ua Ou Fiafia Sa Ou Faalogo

le ogatotonu o se aso pis i lou ofisa e cuesue ai neroni, sa tuai lau faasologa o mea fai. Ae o le mea e sili ai, e tasi le suesuega na vave ona uma. Sa ou lagona le mapu a o ou tu i luga o le a ou alu, ae na amata ona tau mai e lau mai se mea e le aofia ai i le ma talanoaga. E ui i lou le onosai, na ou lagona le tatau ona ou toe nofo i lalo ma faalogo.

Na ia tau mai e le i mamaao atu ae sa amata ona lagona e lona toalua le mai. "Na iloa e ia le mea na tupu," na ia fai mai ai, "ae sa le tauina mai e ia ia te au aua sa fefe o ia e alu i le falemai."

I totonu o ni nai aso, sa ia faaalu lona taimi atoa i le moega. Sa ia le malamalamā ma sa le i manino pe a talanoa mai

o ia. O la'u ma'i e iai foi ona ia faafitauali matuia o lona soifua, ma e lei umi sa faatetele o laua tulaga. Sa le mafai ona tausia e le tasi le isi. Ina ua asiati atu ia i laua le uso o le toalua o la'u ma'i, sa popole o ia. Na ia valaau mo taavale e lua o le falemai e aveina atu i laua i e falemai. Na vave ona maua e fomai o lona toalua ua maoae le tulaga o lona kanesa o le susu.

"Ou te le i toe talanoa lava i lou toalua," na fai mai ai le tamaloa.

Sa mafatia lona toalua i le mai oso o le fatu ma sa faaola i le masini. Na faamatala mai e la'u ma'i le tulei mai i le nofoa faataavalevale mai lona lava potu o le falemai i le iunite o gasegase tigaina e


vaai i lona toalua mo le taimi mulimuli. Ona ia fai atu lea i fomai e aveesea masini o loo faaola ai.

Sa le gagana o ia. Ae sa ia fai atu mea uma sa ia manao e tauina atu. Sa ou fai atu ia te ia sa ou lagona le faanoanoa. Na ia faatalofa mai ma alu ese loa. Ua ou fiafia sa ou toe nofo i lalo e faalogo. Ua ou fiafia sa ou le alu ese atu ina ua ou manatu ai. E faapefea ona lagona pe ana ou faavavevave ese atu ma le potu i le taimi lava o le a ia faasoaina mai ai lona mafatiaga?

Ou te le iloa pe aisea na faaso mai ai e lau mai lana tala ma au i lena aso, ae ou te iloa le mea na ala ai ona ou faalogo. Na aoao mai e Alema o i latou o e naunau ina ia papatisoina ma mulimuli ia Iesu Keriso o le a "loto ina fesui ia outou avega, . . . ioe, ma ua loto e faanoanoa faatasi ma e e faanoanoa; ioe, ma faamafanafana atu ia te i latou o e e tatau iai le faamafanafanaga" (Mosaea 18:8–9).

Sa tauave e la'u ma'i se avega, ma i se auala itiiti, e mafai ona ou fesoasoani ia te ia e tauave ai. Sa faanoanoa o ia, ma e sa ou faanoanoa ma ia. Sa ia tulai e manaomia se faamafanafanaga, o lea sa ou faamafanafana ai ia te ia. I lenei auala faigofie, sa ou taumafai e faamamalu lau folafolaga e avea e faaapei o lou Faaola. ■

**Alan B. Sanderson, Iuta, ISA**



**S**a amata ona tau mai e lau mai se mea e le aofia ai i le ma talanoaga. E ui i lou le onosai, na ou lagona le tatau ona ou toe nofo i lalo ma faalogo.

# O Se Tusi mai le Perofeta

Sa ou le mautonu e auai i le Ekalesia ina ua faailoa mai e lou toalua ia te au. Na ia tuuina ia te au se Tusi a Mamona, ma ina ua maea le tele o lesona ma toetoe lua tausaga o galulue ma faifeatalai, sa papatisoina au i le 2007. Sa ou tauivi mo sina taimi ina ua ou avea o se tagata o le Ekalesia. Sa ou le malamalamo i le taua o perofeta o aso nei. I lou mafaufau, o se perofeta etatau ona pei o se tasi e faapei o Mose ma lona tootoo.

“E talanoa le perofeta i le Atua?” Sa ou fesili ai i lo’u toalua.

“Ioe!” o lana tala lea.

“E te mo’i?”

“Ioe, e talanoa le perofeta i le Atua!”

“O le a ou fesili i le Alii e tau atu i le perofeta e auina mai ia te au se tusi o faapea mai o le Ekalesia lenei a Iesu Keriso.”

“Oi e leai!” sa fai mai ai lou toalua. “E le faapena le auala e fai ai!”

Sa ou lotomau.

“Afai e talanoa le perofeta i le Alii, o lea o le a fetalai le Alii ma le perofeta, ma o le a ia auina mai ia te au se tusi.”

I le lotu i se tasi Aso Sa, sa tuuina mai ia te au e se faifeatalai se DVD ma fai mai ia te au e matamata ai ma lou aiga. Na iai molimau a profeta ma apostolo. O le tagata muamua na saunoa o Peresitene Gordon B. Hinckley (1910–2008): Sa faagaetiaina lava a’u. E foliga mai e faamaoni o ia, ma e sa ou lagona sa ia tauina mai le mea moni.

“Vaai, o lau molimau lea i le perofeta,” sa fai mai ai lo’u toalua.

“Leai, ou te manao pea i se tusi mai ia te ia,” o la’u tali lea.

I se tasi po, na taunu mai ai faifeatalai i lo matou aiga ma tuuina mai ia te au se mekasini.

“Ma te leiloa pe aisea, ae sa ma lagona e ao ona ma aumai lenei mekasini ia te oe,” sa laua fai mai ai.

oe,” sa laua fai mai ai. O le kopi o le Liahona o *Oketopa 2006*, o loo afifi pea i le pepa iila.

Sa ou tatala ma maua ai se tusiga mai ia Peresitene Hinckley o lo o saunoa mai i tagata fou o le Ekalesia.

Na ia faapea mai,

“Ou te tuuina atu lenei molimau, la’u faamanuiaga, ma lo’u alofa ia te outou taitoatasi ma la’u valaaulina ina ia faaaaua ona avea ma se vaega o lenei vavega tele i aso e gata ai o Le Ekalesia a Iesu Keriso o le Au Paia o Aso e Gata Ai.”<sup>1</sup>

Sa ou lagona ua pei lava na saunoa sa’o mai o ia ia te a’u. Sa le o au o se tagata o le Ekalesia ina ua faasalalauina lenei tusiga, ae sa faasaoina mo au. Ou te iloa e faafogaga mai le Alii i a tatou talosaga ma e fetalai mai o Ia i le perofeta soifua o aso nei. ■

**Kelly Santos Figueiredo Ribeiro,  
Goiás, Pasila**

## FAAMATALAGA

1. Gordon B. Hinckley, “O Se Pupula Atoatoa o le Faamoemoe—mo Tagata Fou o le Ekalesia,” *Liahona*, Oke. 2006, 5.



**N**a tuuina mai ia te au e faifeatalai se kopi o le Oketopa 2006 Liahona. “Ma te leiloa pe aisea, ae sa ma lagona e ao ona ma aumai lenei mekasini ia te oe,” sa laua fai mai ai.



## Ua Faasila sila Mai Malumalu Fou e 12

"O MEA LELEI  
SILISILI I LENEI OLAGA E  
**FAATOTONUGA-**  
**LEMU IA**  
**IESU KERISO**

MA LE MALAMALAMA I  
UPUMONI E FAAVAVAU  
O LE, O AI O IA MA O  
AI I TATOU I LA TATOU  
SOOTAGA IA TE IA."

Elder Jack N. Gerard o le  
Fitugafulu, "O Le Taimi Lenei,"  
*Liahona*, Nov. 2018, 109.



MANATUNATU I  
LENEI MEA . . .

**"O tatou foai  
atu ea a tatou  
mea uma i le Alii  
e aunoa ma le  
faatali?"**

Cristina B. Franco, Fesoasoani  
Lua i le Au Peresitene Aoao  
o le Peraimeri, "O Le Olioli o  
Auauanaga Lē Manatu Faapito,"  
*Liahona*, Nov. 2018, 56.

Faaso mai ou lagona i le *Liahona*  
i le itulau o le Facebook, po o le  
tusiina i latou i lau api talaaga!

TOFU LOLOTO

### Aveina o Lona Suafa

**U**a faama-natu mai ia i tatou e Peresitene Russell M. Nelson e uiga i le taua o le aveina o le suafa o le Faaola i o tatou luga—i le avea ai ma ni soo o Keriso atoa ai ma ni tagata o Lana Eklesia. "A tatou aveesea Lona suafa mai Lana Eklesia, ua tatou aveesea o /a o le tauaiga tutotonu o o tatou olaga e aunoa ma le manatu i ai," na ia saunoa mai ai.

"O le aveina o le suafa o le Faaola i o tatou luga e aofia ai le tautino atu ma le

molimau atu i isi—e ala i a tatou amioga ma a tatou upu—o lesu o le Keriso." ("O Le Igoa Sa'o o le Ekalesia," *Liahona*, Nov. 2018, 88). E toatele isi taitai na valaauliaina foi i tatou ina ia mafaufau loloto pe mafai faapefea ona sili atu ona tatou tauaveina Lona suafa i o tatou luga.

- Na valaauliaina i tatou e Peresitene Henry B. Eyring tatou te fesili ifo ia i tatou lava ni fesili se lua: "O le a le mea e tatau ona ou faia e ave ai i o'u luga Lona suafa?" ma le "E faapefea ona ou iloa pe o ou alualu i luma?" ("Taumafai," *Liahona*, Nov. 2018, 91).
  - Na ofoina mai e Elder Robert C. Gay ni auala se tolou e mafai ona tatou aveina ai i o tatou luga le suafa o le Faaola (tagai "Ave i o Tatou Luga le Suafa o lesu Keriso," *Liahona*, Nov. 2018, 97–99).
  - Na aoao mai Elder Paul B. Pieper i le uiga o le aveina moni o le suafa o lesu Keriso (tagai "E Tatau i Tagata Uma ona Ave i ō Latou luga le Suafa ua Tuuina Mai e le Tamā," *Liahona*, Nov. 2018, 43–45).
- Mafaufau e tusifaamaumau i lau apitalaaga ou manatu ma lagona ao suesue po o le a le uiga o le ave o le suafa o le Alii i o tatou luga.

## TAGO E FAATAITAI I AI!

O nisi nei o valaaulia na tatou faalogo i ai mai le konafesi aoao. Mafau-fau e iloilo ia lauga e faaopoopo i lenei lisi o valaaulia.

- “Mafaufau po o le a se mea e mafai ona tatou faia ia opomau ma taliaina atili ai, ma aoga i [ni uo fou], e amata atu i le Aso Sa a sau nei” (Ulisses Soares, “Tasi ia Keriso,” *Liahona*, Nov. 2018, 39).
- “Faitau ma le maeaea lelei ma le mafaufau loloto i lenei faaaliga (e uiga i le faaaliga o le togiolaina o e ua maliliu, o loo maua i le Mataupu Faavae ma Feagaiga 138)” (M. Russell Ballard, “O Le Faaaliga o le Togiolaina o Ē ua Maliliu,” *Liahona*, Nov. 2018, 73).
- “Toe foi atu i le maota o le Alii faatasi ai ma lou fatu ua manu'a ma igoa o lou aiga i le faatele e mafai ai” (Neil L. Andersen, “Manu'a,” *Liahona*, Nov. 2018, 85).

O le a se mea ua ese ona e faia ona o mea sa e aoaoina i le konafesi aoao? Auina mai lau tala i le [liahona.ids.org](http://liahona.ids.org) po o le faasoa mai i luga o le [facebook.com/liahona](https://facebook.com/liahona).



### TALI I FESILI

**Sa masani ona i ai sa'u molimau, ae talu ai nei lava ua fai lava si faigata ona talitonu o loo i ai le Atua iina. E mafai ona toe foi lo'u faatuatua i le malosi lea sa i ai muamua?**

“Mo nisi, o le faatinoga o le talitonu e faigata. O nisi taimi e faalavelave ai lo tatou faamaualuga. Masalo tatou te mafaufau faapena ona ua tatou atamarnai, aoaoina, pe ua i ai se potomasani, ua faigofie ai ona le talitonu i le Atua. Ma ua amata ai ona tatou tilotilo i tapuaiga o se turmasani faavalevalea.

“I lo'u aafiaga, o le talitonuga e le o se atavali faagaeetia tatou te matamata i ai ma faamemelo i ai ma tatou talanoaina ma faaaliali manatu i ai. E foliga o se palau tatou te ave i le fanua ma, e ala i le afu o o tatou mata, e galueaiina ai atulaina o palapala e toto ai fatu ma fua mai ai ni fuu lelei.

“Faalatalata atu i le Atua, ona faalatalata mai lea o la ia te outou. O le folafolaga lenei ia i latou uma o ē saili ia talitonu.”

Elder Dieter F. Uchtdorf o le Korama a Aposetolo e Toasefululua, “Talitonu, Alofa, Faia,” *Liahona*, Nov. 2018, 47.

O a ni au fesili na i ai lea na taliina i le konafesi? Faasoa mai ou aafiaga i luga o le [facebook.com/liahona](https://facebook.com/liahona).

## O A'u Mea e Fai o le Konafesi

“Na fai mai se uo ia te a'u ao faitau i savali o le konafesi aoao, na te faia se lisi o mea na talosaga mai o tatou taitai o le Ekalesia ia tatou faia. Ona ia faaaoga lea o le lisi e seti ai ni sini lea o le a fesoasoani ia te ia e mulimuli ai i le latou fautuaga. Sa tonu ia te a'u e amata sa'u foi lisi. Na faia se ese esega mo a'u ao o'u manatunatu loloto i savali ma mafaufau po o le a se galuega e tatau ona ou faia. E matua fesoasoani lava ia te a'u e taulai atu ai i mea e sili ona taua.”

—Edna Washburn, Iuta, ISA

# Mai se Molimau o le Sefuluai e oo atu i le Feagaiga o le Malumalu

Saunia e Michael R. Morris

Mekasini a le Ekalesia

E mo Ted ma Carol Hyatt, o le tulaga faaleagaga o le polokalama o le ola tutoatasi a le Ekalesia ua maua ai se suiga e faavavau i o laua olaga.

**O**le a le galo lava ia Carol Hyatt le aso na fesili atu ai lana epikopo ia te ia e na te faatulagaina le vasega o le ola tutoatasi i mea tautupe patino. O ia ma lona toalua o Ted, faatoa toe foi mai i le Ekalesia ina ua tuanai le toesea i le 42 tausaga, ma e matamuli o ia.

Na iloa e Carol lana epikopo o Todd A. Josi, a o tamaitiiti o ia. I le sefulu tausaga ua tuanai, sa auai o ia i lana vasega o le Aoga Sa.

“O lea ua avea ma Epikopo,” sa ia tausao atu ia te ia ina ua toe foi mai o ia ma Ted i le lotu, “Ou te le manao e fai sa’u lauga. Ua ou le fia faia se tofiga. Ua na ona ou manao e sau i le lotu.”

AE ina ua tuanai le lua tausaga, sa i ai Epikopo Josi i le fale o Hyatt ma talanoa e uiga i le Auaunaga o le Ola Tutoatasi a le Ekalesia—o se mea sa lei faalogo lava i ai Sister Hyatt. Ina ua maea ona faailoa atu, na talosaga i ai le epikopo na te faatulagaina le 12 vaiaso o le vasega o mataupu faavae o le tausia lelei o mea tautupe. Ona ia tuuina atu lea o se kopí o le *tusi taulima o Tupe Patino* mo le Ola-Tutoatasi.

“Ou te le iloa pe aisea na ou tali atu ioe,” na manatua ai e Sister Hyatt.



“E taufaamatau ia te au ona i ai ma tagata ou te le iloa—ma mafaufau ou te i ai iina mo le tasi le po i le vaiaso mo le 12 vaiaso ma tagata o le Ekalesia

ua mautinoua sili atu lo latou aoaoina lelei atu i le talalelei na i lo au. Ou te le iloa pe mafai lava ona ou fesoasoani ia i latou.”

### **“Na Taia Malosi ai Au”**

Sa le i tei Epikopo Josi na talia e Sister Hyatt le valaauga e ui i lona tau faatuatuai. Na ia fai mai i le taimi o le fonotaga a le komiti o le ola-tutoatasi a le siteki i Forest Grove, Oregon, ISA, i sina taimi ae le i amataina, “Na oo mai i lou mafaufau e manaomia e Sister Hyatt le faamanuiaga o le faatulagaina o le vaega o mea tautupe patino. Na Taia Malosi ai Au.”

Sa faamoemoe Epikopo Josi o le faatulagaina o le vasega, o le a lofituina ai e Sister Hyatt se faafitauli tele o loo taofia ai lona alualu i luma faaleagaga: totogiina o le sefuluai. “A o ou alu atu i le fale i lena afiafi,” na ia fai mai ai, “Sa ia te au se lagona malosi faaleagaga e faapea a o taulimaina e Sister Hyatt lenei vasega, o le a i ai ia te ia se malamalamaaga i le taua o le totogiina o le sefuluai.”

I le lagona popo’e ma le le saunia, na amata e Sister Hyatt ona faatulaga lana vasega ia Oketopa 2017. A o ia taitaiina talanoaga a le vasega i le faatulagaina lelei o tupe, fausia ma le tumau ai i le paketi, saunia mo taimi faigata, foia o aitalafu, taulimaina o faafitauli, ma teu tupe mo le lumanai, sa to’ a lelei Sister Hyatt i le faatulagaina ae sa le fiafia i lana faataitaiga patino.

A o ia faitau le tusi taulima e saunia ai mo lana vasega lona tolu, na ia aoao ai o le auala e aoao atu ai le “ola-tutoatasi mo le tausia o mea tautupe” e aofia ai le

totogiina o le sefuluai ma taulaga.<sup>1</sup> Sa ia aoao foi o le mataupu faavae o lena auala e aoao atu ai o le salamo ma le usiusitai.<sup>2</sup>

“I le faagasologa o se tasi o lesona mulimuli mai, sa ou tautino atu ai i tagata uma e faapea ai lava na o au le tagata i le vasega atoa e le o totogiina le sefuluai,” na ia manatua ai. O lena tautinoga na faaosofia ai le lagolago mai a le 13 o tagata o lana vasega ma talanoaga ma molimau e uiga i faamanuiaga o le tulafono o le sefuluai.

“Sa ou le iloa pe aisea sa ou faaletonu muamua ai e uiga i le sefuluai, ae sa ou iloa le manaomia ona ou faamaoni i le mauaina o se molimau i ai,” ua fai mai ai Sister Hyatt. “A o ou faalogologo i timiga mai lau vaega, ma mai lo’u toalua, na faapea mai le Agaga, ‘E mafai ona e faia o lea!’ Sa ou maua lena faaopoopoga i lou faatuatua sa ou manaomia, ma e sa ou iloa o le a mafai ona avea au ma tagata faatulaga sili pe afai ou te faia mea sa ou faiatu i lau vasega e fai.”

### **O Pupuni o le Lagi**

Ina ua tuanai ni nai aso ina ua maea lana vasega 11, sa oo atu Sister Hyatt ia Epikopo Josi i le lotu, uu lona lima, ma faiatu ia te ia ua saunia o ia e ola ai i le tulafono o le sefuluai. “Sa fiafia lava o ia, ua ia fai mai ai.

O Brother Hyatt, o le sa auai i le vasega a lona toalua, sa fiafia foi. A o ia totogi lana lava sefuluai i le faagasologa o le tausaga ua tuanai, sa masani ona ia

uunaia Sister Hyatt e ala i le faamanatu atu ia te ia o faamanuiaga ua ia momia. “E le mafai ona ta o i le malumalu sei vagana ua totogi lau sefuluai,” e fai mai ai o ia.

I le aso 26 o Me, 2018, na tatala mai ai pupuni o le lag i lili mai faamanuiaga i luga o Ted ma Carol Hyatt sa le i mafaufauina e i laua i ni masina a o le i amataina le vasega a Sister Hyatt. I lena aso, o le aso a o lumanai le faamanatuga o le 58 tausaga o lo la aiga, sa laua osia feagaiga ma sa faamauina i le Malumalu i Portland Oregon.

Sa faamatalaina e Hyatt lena lagona o “se aso matagofie ma se faamanuiaga maoae” o le a laua faafetai ai pea lava pea. Ua faaopoopo atu Sister Hyatt o le a ia faafetai pea lava pea mo se toalua sa uunaia o ia, o se epikopo musuia, ma se vasega o tagata, o e ua ia lagona, sa fesoasoani ia te ia e sili atu nai lo lana fesoasoani mo i latou. Ina ia faaalia lo latou alolofa ma le lagolago, toetoe lava o tagata uma o lana vasega sa auai i le la faamauga.

“E tele mea e maua e tagata mai le polokalama o le ola-tutoatasi a le Ekalesia, aemaise o le itu faaleagaga,” ua fai mai ai Sister Hyatt. “O le itu faaleagaga ua avea ai ma aoga tele. Mo lou toalua ma au, ua maua ai se suiga e faavavau.” ■

### **FAAMATALAGA**

1. *Tupe Patino mo le Ola-Tutoatasi* (2016), 42.
2. Tagai *Tupe Patino mo le Ola-Tutoatasi*, 36–37.

## Fautuaga e 10 mo le Aoaoina o le Salamo

Le salamo o nisi o taimi e foliga e taufaafefe pe fenumiai i tamaiti ma le autalavou. O nisi nei o motugaafa mo le aoaoina atu o le salamo i se auala alofa ma le faamalosiau.

**Ia Faafaigofie.** E mafai ona e aoao atu lau fanau e faapea “pe a tatou agasala, ua tatou liliuese mai le Atua,” ae pe a “tatou salamo, ua tatou toe liliu atu i le Atua.”<sup>1</sup> E mafai ona tatou toe foi atu i le Atua e ala i le iloa o mea sese, faia mea sa’o, ma taumafai malosi e fai ia sili atu.

**Taulai atu i mea lelei.** Po o le a lava, o le salamo e masani ona lelei.”<sup>2</sup> E le o se faasalaga mo se amioga leaga, o le avanoa e toe taumafai ai ma faalatalata atu i le Atua. Fautuaina lau fanau e mafaufau i mea o lo o sao ona latou faia ma le auala latou te faia atili ai mea faapena.

### Avea ma se faataitaiga.

Faailoa atu pe afai e te faia mea sese. Ia lava le loto maualalo e faatoese ai i ma luma o lau fanau. Ia latou vaai o lo o e taumafai e faaleleia tulaga, ma faasoai atu lau molimau i le ala na fesoasoani ai le Faaola e sua oe.

### Faamamafa atu le aso uma.

O le salamo e mo agasala laiti e faapei foi o agasala lapopoa. O le salamo i aso uma o lona uiga o le faasaoga faifaipea, e faapei o se vaa o loo tutumau i lona alavaa. Fesoasoani i lau fanau ia iloa auala laiti e mafai ai ona latou alualu i luma i aso taitasi.

**Faapatino ona faia.** A o e aoao atu lau fanau i matapu faavae o le salamo,<sup>3</sup> ia mautinoa o le faagasologa o le salamo o le a le tutusa mo tagata taitasi i taimi uma. E le o se faasologa o ni pusa e faasao pe a maea ona fai, o se faasologa faifaipea o le soifuaga. E faatatau i le manaoaga o o tatou loto ma le auala tatou te taumafai ai e faaogatusa i tatou lava ma le Faaola. E mafai ona tatou iloa ua tatou salamo faamaoni pe a tatou lagonaina le filemu, olioli, ma le faamagaloga.

### Ia iai se avanoa mo measese.

Fesoasoani i lau fanau e malamalama o measese e mafai o se vaega o le aoaoina. Tuu ia i latou le avanoa e feagai ai ma taunuuga o a latou filifiliga ma fesoasoani ina ia latou faavasega le ala e toe faia ai le mea tonu. Aoao i latou e liliu atu i le Atua mo se fesoasoani.

**Vaai Mamao.** E faigofie ona lagona le faavaivai pe a e toe faia filifiliga leaga i le tele o taimi. Aoao atu lau fanau afai lava latou te salamo pea, o le a faamagaloina pea lava i latou e le Atua (tagai Moronae 6:8). Faamatala atu o le taumafai o le mea e sili ona taua. E auala mai i lo tatou taumafai ma tuuvese le tagata o le agasala (tagai Mosaea 3:19) ina ia avea atili ai i tatou e faapei o le Atua.

**Faatusatusa i le va o le lagona tausalaina ma le maasiasi.**  
“O le tiga e tusa i le Atua” e tupu ai le salamo (tagai 2 Koronito 7:9–10). Ae afai e lagona e lau fanau le le agavaa po o le leai o se faamoemoe e ui ina ua uma ona salamo, o le maasiasi o le a fai ma mafuaaga<sup>4</sup> “Faamanatu ia i latou e alofa pea lava pea le Tama Faalelagi ia i latou ma pe a tatou salamo, o le a faaitiitia lo tatou agavaa, ae le faaitiitia ai lava lo tatou taua!”<sup>5</sup> Pe a talafeagai ai, fuafua e talanoa ma lau epikopo po o se faufautua faapolofesa.

#### FAAMATALAGA

1. Neil L. Andersen, “Salamo . . . Ina Ia Ou Faamaloloina Outou,” *Liahona*, Nov. 2009, 40.
2. Stephen W. Owen, “O Le Salamo o se Mea Lelei,” *Liahona*, Nov. 2017, 48.

#### Malamalama i le Togiola a le Faaola.

Aoao atu lau fanau o Iesu Keriso sa togiola e le na o a tatou agasala ae mo o tatou puapuaga uma (tagai Alema 7:11–12). Faamautinoa atu i lau fanau “e le o tuuia i latou ona o amioga faataumaoi a isi.”<sup>6</sup> O tagata e afaina i sauaga e mama atoatoa; fesoasoani ia latou liliu atu i le Faaola mo le filemu ma le faamalologa.

#### Ia tepataulai e le aunoa i le Faaola.

Aoao atu lau fanau e malamalama le Faaola i mea o lo o latou atugalu ai ma e mafai ona fesoasoai ia latou foia ai. Molimau atu ia te Ia e le aunoa i lou aiga. Unuai lau fanau e tatalo, auauna atu, suesue i tusitusiga paia, ma faia isi mea e fesoasoani ia i latou e iloa atili ai o Ia ina ia latou saili pea Lana fesoasoani e lofituina ai o latou vaivaiga. ■

#### MO TAMAITI

I le Friend o lenei *masina*:

- “O se Folafolaga e Taumafai” (itulau U4)
- “O Se Lelei Laitiiti i Aso Taitasi” (itulau U6)
- “Manatu Lelei” (itulau U7)
- “O le Faaiuga Fesuisuiua” (itulau U16)

#### MO LE TUPULAGA TALAVOU

I Le Lomiga Lenei:

- Fesili ma Tali: “Ua ou faavai sooo pea i faaosoosoga lava e tasi. E mafai faapefea ona ou see ese mai na agasala?” (itulau 62)
- “Ou te manatua pea agasala ua ou salamo ai, ma ou te lagona le agasala. Aisea ou te le faagalo ai i au agasala?” (itulau 63)

Mo isi punaoa, asiiasi i le [youth.lds.org](http://youth.lds.org).

3. Tagai i le “Mataupu 19: Salamo,” *Mataupu Faavae o le Talalelei* (2009), 107–13.

4. Tagai i le Wendy Ulrich, “E le o se Agasala le Augavaivai,” *Liahona*, Ape. 2015, 20–25.

5. Joy D. Jones, “O Le Taua le Mafuatiaina,” *Liahona*, Nov. 2017, 14.

6. *Faamaoni i le Faatuatua: O Se Tūsitaiala o le Talalelei* 2004, 7.

## O Tagata e Silisili lo Latou Aafiaga

**S**a e faitauina ea tusiga e ulutala e pei o le "Aafiaga o Tagata e 30 O e ititi ifo i le 30" ma manatu, "E faapefea ona ou i ai i lena lisi?" Ou te mafaufau pea **pe faapefea ona ou aafia atili**, fesoasoani atili, ma ioe, taua sili (atonu o le uiga ou te manao-mia foi ona loto maulalalo atili). E ui o a tatou saofaga atonu o se mea e iloa e le lalolagi, o nisi o taimi o ni mea patino sili e faataunuina ai a tatou feagaiga ma le Atua.

O o tatou aafiaga e le manaomia ai le malaga i fafo e fesoasoani i se tasi o mamao. **E amata lava i totolu o o tatou aiga**, ma o tatou aiga po o soa, ma o tatou tuaoi. E amata i o tatou nuu. A o tatou amata ona suia ma avea, "Taimi e Auauna Atu Ai" (itulau 44) o lo o ofoina mai ni tulaga faatinio e auauna atu ai i o tatou nuu. **Faaagaaga se taimi e fesoasoani ai i isi** atonu o le uiga le tatau ona tatou faia o ni suiga--tonu o se suiga o le loto po o se suiga o se mea e faaoaga ai lo tatou taimi ma le malosi.

I le "O se Malosiaga Matautia mo le Lelei" (itulau 46), e i ai ni autalavou matutua na faasoa mai o latou aafiaga o le atiinaeina o le alofa FaaKeriso mo isi. O nei tala e faaalia ai le **musumusuga ma le faatuatua e mafai ona taitaiina atu ai autalavou matutua ina ia avea ma aafiaga mo le lelei**.

Ua toe faamanatu mai e Elder Gavarret ia i tatou ua uma ona fai i tatou ma toa ma toa taimaitai (tagai i le itulau 49). I le muai olaga, sa tatou filifili e o mai i le lalolagi, ma o lenei **e mafai ona tatou filifili ai po o le a le ituaiga suiga tatou te mananao e fai**. O le sailia o a tatou misiona patino o le a taialaina i tatou e auauna atu ai i lo tatou Tama ma Lona Alo, o Iesu Keriso.

I lou aafiaga, e sili maoae nai lo le "30 tagata e aafia ai i lalo ifo o le 30" i le autalavou matutua o le Eklesia. O tagata e silisili ona aafia ou te iloa o i latou o e "e anaana i le upu, ae aua le na ona faalogologo i ai" (lakopo 1:22). O i latou ia o tagata tausi feagaiga. E mafai ona avea ai outou uma. E fiafia e vaai i le eseesege o le a e faia.

*Elizabeth Stitt*

### FAASOA MAI LAU TALA

E i ai ni au tala uiga'ese e faasoa mai?" Pe e te manao e vaai i ni tusiga e uiga i ni mataupu faapitoa? Afai o lea, matou te mananao e faa-logo atu ia te oe! E mafai ona e tuuina mai lau tusiga po o ou manatu i le [liahona.ids.org](http://liahona.ids.org).



# AUTALAVOU MATUTUA

## FAUTUAGA SILISILI . . .

*Ua faasoat e le autalavou matutua le fautuaga sili ua latou mauaina e uiga i le faia o se eseeseaga:*

"la e avea faapei o oe lava! E tofui tatou ma le malamalamana e na o i tatou lava e mafai ona faasoat. Pe a tatou naunau e siitia, faamalosia, ma faamalamalamana olaga o isi i la tatou lava ala tulaga ese, e susulu atu lo tatou malamalamana ma taitaia isi e vivii atu i le Atua. Aua le fefe e faasusulu atu!"

—Whitney Henderson,  
Colorado, ISA

"Ola i le talalelei a lesu Keriso ina ia fesili tagata pe aisea e ese ai oe"

—Pamela Castillo, San Marcos,  
Guatemala

"Afai tatou te alolofa ia i tatou lava ma o tatou tuaoi e tusa pe na o sinia mea ititi o le alofa o le Atua ia i tatou, ona i ai leia ia i tatou o le talitonuga ma le faatuatua e faia ai so o se mea e manaomia ai i tatou."

—Samuel Ward, Idaho, ISA

"Nai lo le taulai atu e suia le lalolagi atoa, taulai atu i le suiga o lou lava tulimanu laitiiti o lena."

—Quincy Haisley, Iuta, ISA

*O le a se fautuaga sili na e maua muamua lava e uiga i le faauo atu ma se tasi sa tauivi muamua ma le ponokalafi? Tuuina mai lau tali i le [liahona.ids.org](http://liahona.ids.org) i le aso 28 o Fepuari, 2019.*



## E UIGA I TUSITALA O LE AUTALAVOU MATUTUA

**Liz Stitt** na faauu mai le lunivesete o Polika laga ma le faailoga BA i fesootaiga ma le faailoga o le MBA mai le lunivesite o luta. Sa galue ia i le pulega e gaosia ai oloa, ae o lana galuega e fiafia i ai o le avea ma uso o le tina faapoloofesa.



**Mindy Selu** o se faatonu mo le *mekasini o le Liahona*. O ia foi o se toalua, e fiafia i pus, ma o se tina o se masaga teine. O ana mea e fiafia i ai e aofia ai le pueata, matamata i atatifaga, ma le faia o lisi uumi o mea e fai.



**O Heather J. Johnson** o se tusitala ma se faatonu. E fiafia e faasee i le sami ma alu i malaga o le tau malulu i luga o mauga. O lana lisi o tusi faitau e fiafia i ai o tusi mai Peretania, ma e na te fautuaina le faaaogaina o le "y'all" i talanoaga o aso uma.



**Katie Sue Embley** e mafau-fau o lo o tumu le lalolagi i tagata lalelei o e tatau ona faasoat mai a latou tala. Na te faaaaaoina le faa-tusitala ma le faa-Sipaniolo, ma le faamoemoe e faasoat mai le lelei.



**Lori Fuller** o se faatonu mo le *mekasini o le Friend*. E fiafia o ia e saili i faili fou, faalogologo i talafou i le leitio, ma le kukaina o meaai mai vaega eseese o le lalolagi. O nisi o taimi na te tusia tala.



## I LE VAEGA LENEI

44 **Taimi e Auauna Atu Ai**  
Saunia e Liz Stitt



46 **O se Malosiaga Matautia mo le Lelei**  
Saunia e Mindy Selu

49 **E Mafai Lava Ona E Faia Se Eseesega Tele**  
Saunia e Elder Eduardo Gavarret

## NA O LUGA O LE INITONETI

**E Le Lava Itula o le Aso? O le Auala Lenei e Faaaoga Sili ai Lou Taimi**

Saunia e Heather J. Johnson

**Auaunaga i ni Auala Laiti**  
Saunia e Katie Embley

**E Te Le Iloa Le Mea e Te Le Iloa**  
Saunia e Lori Fuller

ATAMALE GETTY IMAGES

Saili nei tusiga ma isi:

- I le [liahona.ids.org](http://liahona.ids.org)
- I le **YA Weekly** (lalo o le "Young Adults" [Autalavou Matutua] i le Gospel Library)
- I le [facebook.com/liahona](https://facebook.com/liahona)

# Taimi e Auauna Atu Ai

I le avea ai o se autalavou matutua, masalo ua tele naua o tatou taimi “totoe” tatou te le mafai ona tau atu. O fautuaga nei e ono i le auala e mafai ai ona faalautele lou lio o aafiaga e ala i le auaunaga.



## Saunia e Liz Stitt

**I** ni nai tausaga ua tea, sa ou galue ma faauma se polokalama i afiafi ina ia maua ai lou faailoga o le Master i le pulega o mea faapisinisi. Ina ua maea la'u MBA, sa ou manao e faaaoga lena taimi o “totoe” mo se mea aoga.

O se fautuaga mai se polofesa faatuauaina sa faigofie ma manino—ou te manaomia le saili o avanoa e auauna atu ai. E ui ina sa ia iloa ou tiute o le Ekalesia, sa ia fautuaina ou te saili i tua atu o lau lio masani o aafiaga.

Sa ou amata se sailiga ma le tatalo ina ia iloa ai poo a ou tomai ma taleni momia ma po o fea e sili ona ou aoga ai. Na le pine ae taitaiina atu au i le ofisa tutonu o le nuu o loo manaomia tagata faufautua mo la latou polokalama mo le autalavou. Sa amata ona ou fautuaina se teine talavou o lona aiga na o ese mai Somalia o nisi ua faamalosia ese ona o sauaga. I vaiaso taitasi ma te faataitai ai tomai o le faiatuga o tusi, tusitusiga, ma le matematika. Ae i tua atu o lena, sa ma atiinaaeina

se faigauo ma aoao ai e uiga i aganuu a le tasi ma le isi ma faamoemoega mo le lumanai. Ina ua siitia o ia, sa tofi mai se tasi teine talavou ia te au. O lona aiga na sosola ese mai Myanmar, ma sa ia fai mai na ola ae i se tolauapiga o tagata sosolaese i Thailand. E faatasi ai ma le suesuega, sa ma talanoa foi i luitau o le olaga ma le auala e tali atu i ai.

Sa ou maua le tele o nisi avanoa e faaaoga ai lou tomai i auala eseese ma auauna atu ai i le nuu.

O le toatele o i matou talavou matutua e fesuisuiai o matou manaoga i le faa-aogaina o o matou taimi e fua i feoiga, faauuga, po o le suiga o galuega, ma isi mea. E masani ona matou lagona le pa'i mai o le Agaga o o matou tausaga talavou nofofua e le o se “taalogfaatalitali.” Matou te manaomia le atiinaaeina atili o faamoemoega ma uiga.

Masalo e tele atu ni o tatou taimi “totoe” ae le mafai ona faailoa atu, o lea o le faaalu o se minute e vaai pe faapefea ona tatou faaaoga lena taimi e siitia ae ai isi o le a avea ma faamanuiga i nisi faapea foi ma i tatou. I le taunuuga, o le auauna atu i isi o le auala lea e faaalia ai lo tatou alofa mo le Atua ma tausia a tatou feagaiga ma tuuina atu i tatou uma lava ia te la. ■

**E alala le tusitala i luta, ISA.**

# LIO O AAIFIAGA:

## Iloilo lou taimi.



Faaaoga se tamaitusi po o se tusi o fuafuaga e faamaumau ai le auala e faaalu ai lou taimi. O i ai

ni ou itula o totoe e le i fuafuaina po o taimi faaalu le aoga? Po ua e faatigaina lava ia te oe? E tutusa le taua o le malamalama i le mea o i ai ou taimi totoe e faapei o le malamalama i le mea e manaomia ai ona faaitiitia le taimi. Filifili po o le a le mea e sili ona taua ma fuafua taimi e auauna atu ai.

## Iloilo ou tomai.



Mafaufau i mea e te manao e fai po ua e lagona e tatau ona fai. Manatu i auala e mafai ona e faaaogaina ai au taleni ma tomai e faamanua ai isi.


## Tatalo.



Ole atu mo le tai-taiga faalelagi ina ia taitaiina i le mea o lo o manaomia ai oe. Na saunoa Elder Jeffrey R.

Holland o Le Korama a Aposetolo e Toasefuluua, "Ou te iloa o le Atua . . . o le a fesoasoani ia te outou ma taitaiina outou i galuega alofa faalesoo pe afai o outou mananao ma le lotofuatiaifo ma tatalo ma saili mo ni auala e tausi ai se poloaiga ua la tuuina mai pea lava pea ia i tatou" ("E le o i tatou uma ea o ni Tagata Aisi?" *Liahona*, Nov. 2014, 41).

## Aluese mai lou nofoaga mafanafana.



I le galuega faufautua, sa ou le lagona le atoatoa e galue ai ma le autalavou po o le aoao atu o mataupu uma. Ae

o nisi o taimi o lau galuega autu o le tuuina atu o le faamalosiau ma le uunaiga. E le faapea e tatau ona tatou fetau atoatoa ina ia fai ai se eseesege. O le tele o taimi, o lo tatou aaifiaga sili lava o le i ai iina, faalogo, ma atiae se fesootaiga faaumiumi o le faatuatuaina ma le tutumau.

## Fai se taumafaiga faifaipea.



E toatele faala-potopotoga po o tagata e manao-mia le tauma-faiga a volenitia faifaipea ma mo aso uma—o se mea e sili atu nai lo le na o se poloketi pe na ona i ai pe a talafeagai.

## Ia onosai.



O nisi o taimi ou te mafaufau ai, "Ou te le iloa pe mafai ona ou faia pea lenei mea. E matuai le lava

lava. Pe o ou faia ea se mea aoga?" Ae pe a amata ona ou fesoasoani, ua suia loa lou loto. E seasea ona ou aluese mai se avanoa e auauna atu ai e aunoa ma le lagona lelei ma uunaia ai e toe foi mai. Ae ui i lea, afai o le avanoa e faigata tele, vaavaai i isi avanoa pe fesiliglia sina taimi "malolo" mai le volenitia ina ia e tuuina atu ai le mea manaomia.

# O se Malosiaga Maoae mo le Lelei

E mafai ona avea i tatou uma o se malosiaga mo le lelei i le lalolagi, po o le a lava le tele po o le itiiti o lo tatou lio o aafiaga.

## Saunia e Mindy Anne Selu

Mekasini a le Ekalesia

**O**le mamafa o le kiona i le ogatotonu o Aperila na amata uma ai lava. E le o se mea e le masani ona tupu i luta, ae o lea, sa ou manatu o tulipe ua pala susu i le kiona i le Temple Square e manaomia ona faamaumauina. O lea sa ou amataina ai sau itulau i le Instagram—lea e le faaalia ai ata o au pusi (e tusa lava lo latou tauagafau) ae o ata o le malumalu.

Ona amatalia ai lea o le tausaga o talasii i aso uma (ma ni nai tausaga o talasii e le o aso uma). O le pueina o ata o le malumalu ma faapipii ma upusii e faatatau i le malumalu mai taitai o le Ekalesia na avea ma auala matagofie e atiiae ai taleni ma faaloloto ai lau faafetai mo le malumalu.

Ae o le tele o tagata sa ou pai atu i ai, o le tele foi lea o lou iloa o ou avanoa e fai ai ma aafiaga mo le lelei. E le o au o se tasi faaleagafesootai e “faaaafia” ai nisi, ae ou te manao e mafaufau o au taumafaiga e maua ai se suiga mo soo se tasi i soo se mea.

E ui i lo tatou olaga pisi ma le tele-vave, e mafai uma ona tatou faaaaoga a tatou taleni e faamanua ai ini ma fai ma malosiaga mo le lelei. I le iuga, “matou te

talitonu . . . i le faamaoni” (Mataupu Faavae o le Faatuatua 1:13).

Sa ou mataituina nisi o talavou matutua o lo o taumafai e avea ma malosiaga mo le lelei. O le auala lenei o lo o latou faia ai se eseeseaga.

## Faaosofia Isi ia Mauluga o Latou Faamoemoega

Ua faasusulu atu e Daniel Godoy, 23, le malama-lama ma le lelei, ma o ana filifiliga e faalagolago tele i lena. O la o se aafiaga mo le lelei tau lava o lana faataitaiga.

I le na o le pau lea o le tamaitiiti mai se aai laitiiti i fafo atu i Santiago, Chile, sa ola ae o ia ma iloa ona matua ua tuuto atu i le auaunaga ma le talalelei. O Tanielu o se tasi muamua mai lana siteki e auauna atu o se faifeautalai i le 18 o ona tausaga ina ua faaitiitia tausaga, ua faaosofia ai le toatele o alii talavou e saunia e vave foi ona auauna atu. Ina ua maea lana misiona i Columbia, o ia foi na muamua o lona aai e tuua le atunu u e faaauau lana aoaoga mauluga. O lona tauivi sa faaosofia ai isi ina ia maua le aoaoina. "I nisi o auala sa ou faaosofia i latou ina ia mauluga o latou faamoemoe," sa ia fai mai ai. "Sa matagofie le iloa o na sitepu laiti sa ou faia sa fesoasoani e faaosofia ai isi tagata."

Maua o se aoaoga i le I.S. o se ki foi lea mo fuafuaga a Tanielu e fesoasoani ai i isi ma faia le lelei i le lumana. "O lou faamoemoega mamao o le toe foi atu lea i Chile ma fesoasoani i tagata iina—e auauna ia i latou. Na ou sau iinei aua ou te iloa ou te maua ai avanoa o le a taitaina au e fesoasoani ai foi i tagata o Chile."

A o lea foi, ua tautino mai e Tanielu: "Ou te le atoatoa. Ae o lo o ou taumafai e faia le mea sili, ma ou te lagona e faapei o le a faaosofia ai isi ma tuuina atu ai ia i latou le uunaiga e faaauau pea lava pea."

### Tatalo mo le Alofa Tunoa

*Kaveria ei jätetä.* I Finilani, o lona uiga "e

leai se tasi o tuua i tua," o se faaupuga o i ai aa i taimi o taura ae o se mea e tumau pea i o latou loto e oo mai i le taimi nei Mo Rolle Rantaniemi, 23, o Uusimaa, Finland, ua faaosofia ai o ia e faia le mea lelei.

"E i ai lau tulafono mo au lava. Afai ou te vaai i se tasi ua na o ia lava, o le a ou alu atu i ai, poo le a lava le aafiaga. E leai se tasi e tatau ona na o ia lava. A o ou talavou, sa ou i ai toatasi lava na o au i le aoga ma le lotu—Sa le i ai ni a'u uo, ma ua iloa le lagona o le nofo toatasi. O se mea lena na ou maua mai le mafaufauga mai Finisi, e leai ma se tasi e tuua i tua."

O se tasi o ana uunaiga malosi o le iloa lea o lena mafutaga e mafai ona faaauau i tua atu o le olaga nei. "O le mea lea ou te manatu ai o le mea e sili ona taura mo i tatou e taulai ai o le faaleleia lea o i latou lava. Ia avea ma se faataitaiga lelei, o se tagata lelei, e avea ma se filifiliga ma uiga uma na o Keriso. O le isi mea o le atiae lea o mafutaga, e avea ma ni uo ma tagata, ia i ai le alofa mama ma le alofa ma auauna ai isi tagata."

E talitonu Rolle o le atiina aeina o le alofa mama faaKeriso o la tatou meafaigaluega sili lea i le faia o le lelei. "Ua faapea mai i le Moronae 7:48 e ao ona tatou tatalo mo le alofa tunoa. Ma ua ou vaai i ai ona ou te faia o lea i aso uma, ma ou te fesili i le Tama Faalelagi e tuuina mai ia te au ni tulaga e mafai ai ona ou auauna atu, ou te iloa sili atu i latou. Afai e tatala tonu o tatou mata, o lo o i ai avanoa e auauna ai sa tatou le i mafaufauna muamua lava."

"E oo lava i mea laiti e taura," ua fai mai ai Rolle. "Afai e tau ina ia e vaai mo na mea laiti ma faia loa, e mafai lava ona e faia se eseesegea tele."

## Faasoa atu le alofa o le Atua

Ina ua maua se faailoga i galuega e fesoasoani ai i tagata, sa le i pupu Katelyn Rae, 27, mai Kalefonia, ISA, i se galuega ae sa ia lagona le tosina atu i galuega alofa fesoasoani. Ua ia vaai i le aao o le Atua o faatonutonu o ia "i sitepu uma o le ala," ua taitaiina atu o ia ma avea ai nei ma faatonu o le polokalama mo se faalapotopotoga tumaoti e galulue mo le mativa i le lalolagi.

Sa galue Katelyn ma tagata sosolaese mai Eleni ma i latou ua aafia i le faatautala i Nepal, o se, e pei ona ia faamatala mai, ua "oo i tulaga sili ona faigata o o latou olaga. Ua na o le i ai lava iina ma i latou, e leai se mea e mafai ona ou fai. E le mafai ona ou suia malo po o tulafono, ae o le tasi le mea e mafai ona ou fai o le alofa ia i latou." Ma e poo ai lava e i ai faatasi ma ia, ua ia iloa le taua i isi ona lagona le alofa o le Atua. "Afai e mafai ona fai au ma aualla mo lena, o le a ou lagona e pei ua ou faia se mea lelei, ma o lo o fiafia le Atua mo au."

Ua fesoasoani ona aafiaga ia te ia e iloa ai faafitauli a isi tagata ma se malamalamata lautele. "I le avea ai ma autalavou laiti, e faigofie ona aafia ai i a tatou lava faafitauli," sa ia fai mai ai. "Ua tatou taulai tele i, 'O le a la'u galuega?' ma 'O le a lau mea e fai mo le aoga?' ma 'E faapefea ona ou maua sau soa e faavavau?' O mea lelei uma lava na mea, ae a faapea tatou te vaai i fafo atu o i tatou lava ou te manatu o le a tatou maua mea o lo o tatou saili tonu i ai."


"Afai tatou te tumau ona faalatalata pea i le Agaga, o le a taitaina ma faatonutonuina e le Atua i tatou, ma o le a tatou mafai ona fai o mea lelei uma tatou te mananao e fai," na fai mai ai Katelyn. "Ou te manatu e mananao tagata uma ina ia faia le lelei, e tusa lava pe na o lou lava niuu pe i totonu o lou aiga. O mea laiti uma, pe o le siitia ae o se uo po o le i ai mo se tasi o le aiga, o le i ai o na mea laiti o le iloa o e faia le finagalo o le Atua i lena taini o le a maua ai se aafiaga malosi i lou olaga ma isi."

## O lou Aafiaga

E le manaomia ona e alu atu ma amata ona fausia fale mo tamaiti ua maliliu o latou matua ina ia faia ai se lelei i le lalolagi. E le manaomia ona e amata se instagram o ata o le malumalu po o le avea o se faatonu o se faalapotopotoga tumaoti. Ae mafai ona e mafaufau i nisi o auala e faaaoga ai *au* taleni faapitoa o se aafiaga mo le lelei.

Ou te talitonu lava o nei saunoaga mai ia Peresitene Thomas S. Monson (1927–2018), mo tamaitai o le Ekalesia, e aoga lelei foi mo talavou matutua: "O outou o se malosiaga maoae mo le lelei, o se tasi o malosiaga sili i le lalolagi atoa. O lou aafiaga e oo atu i tua atu o oe lava ma lou aiga ma pai atu i isi i le lalolagi atoa" ("Tolu Sini e Taitaiina Oe," *Liahona*, Nov. 2007, 120). O lea faaauau ona faia o le lelei—lelei uma e te mafai. O lou aafiaga o le a salalau mamao atu nai lo lou iloa. Ma o le tuufaatasiga o le a fai ai i tatou ma lena malosiaga maoae mo le lelei. ■

Faitau e uiga i isi talavou matutua e toatolu faaosofia o e o le malosiaga mo le lelei i le atoaga o lenei tusiga i le liahona.lds.org.



Saunia e Elder Eduardo Gavarret

O le Fitugafulu

## E MAFAI LAVA ONA E FAIA **SE ESEESEGA TELE**

**O**u te fia tau atu ia te outou e faapea o toa ma toa tamaitai o le taimi nei o loo i ai iinei Ma e o outou lava. Ou te mautinoa o le a'a, o le uunaiga manaomia e maua ai se suiga ma faaosofia ai le mea e taua o le mana o le tasi, le mana e galue ai, le mana e tautala atu ai, e faavae i le malamalama o le talalelei, ma faaosofia ai se eseesege, o loo i ai iinei, o loo i ai i totonu ia te outou.

Pe le o tatou ea o toa o lo tatou muai olaga? Sa tatou tetee uma ia Lusifelo ma lana fuafuaga. Na tatou fananau mai ma le manumalo, ma ua tatou i ai i le au o le a manumalo i le taua. O lea, i le ma le poto ua i ai tatou, e ao ona tatou faia le filifilia i tulai i luga a'e o o tatou lava vaivaiga ma agai atu i luma ma lo tatou manatu tasi i Le ua faaolaina i tatou.

Aua nei filifilia le ala o le leaga, e o faatasi ma le faatuutuu ma le le manatu mamafa. la filiga ina ia ese mai, faaaoga le mana o loo ia te oe, ma faia se suiga.

E tele mafuaaga tamalii e mafua ona tau ai. la avea ma se tasi e teuteua le ala ma faia se suiga. Manatua, o oe o le tagata manumalo, ua fanau mai o se manumalo. E mafai lava ona e faia se eseesege tele.

Filifili se mafuaaga tamalii mo le Alii ina ia tau, ma faaaoga ai lou malosi. O loo i ai tagata e fesoasoani, e faamalosi i lima ua gagase, ma tulivae ua vaivai, o pagota e asia ma faasaoina, fafaga i e fiaaai, faafou i e le lavalava, ma faamanuia e mamai. Siitia lou leo. la talitonui ia te outou lava ma faamaoni i la outou misiona.

"O outou o le 'faamoemoe o Israaelu.' O loo



silasila mai le lagi ia te outou, ma o loo faatali mai le lalolagi ie te outou."<sup>1</sup>

Faavae lau feagaiga patino ma la, lo tatou Faaola, ma faapea atu, "A o a'u nei ma lo'u aiga, matou te auauna ia leova" (Iosua 24:15). Ma o le faia o lena, o le a faamanuiaina ai foi isi. ■

*Mai se saunoaga i le faigalotu, "... A o au nei ma lou aiga, matou te auauna ia leova." na tuuina atu i le Brigham Young University-Idaho i le aso 16 Me, 2017.*

### FAAMATALAGA

1. Orson F. Whitney, *Contributor*, Iulai 1888, 301.

# — O LOU — AAFIAGA I LE NAF

*Manao e maua se misiona maoae?  
O le a aoao atu e le nofoaga autu e aoao  
ai faifeatalai le auala e fai ai.*

**Saunia e Joshua J. Perkey**

Mekasini a le Eklesia

**M**anatu ane e faapea o le aso o le a maua ai lava lou valaauga i le misiona. O lou valaauga o le a aofia ai nofoaga faapitoa, gagana o le misiona, ma le aso e amata ai. Ma o lena aso, o le a e lipoti atu ai i se tasi o nofoaga autu e 13 e aoao ai faifeatalai (NAF) i le lalolagi aoao.

O le a faapefea lou aafiaga i le NAF? Sei o tatou saili iai.

## O LOU ASO MUAMUA

Sei vagana e te nofo latalata lava i le NAF e alu ai i se taavale, o le a faatulaga e le Eklesia lau faigamalaga.

I le NAF i Provo, luta, ISA, e faasino atu e faifeatalai ma le aufagaluega oe e te laina i le nofoaga e paka ai taavale, e te faatofa atu ai i lou aiga, feiloi ma faifeatalai o lo o vaaia oe, ona siaki loa lea i totonu. O faifeatalai e vaaia oe—o faifeatalai ia sa iai i le NAF mo ni nai vaiso—ua fai ma ou taiala pe a e taunu. Latou te faamautinoaina ua taunu au ato i lou nofoaga a o e mauaina lau pine o iai lou suafa ma saili lou potuaoga.



# AUTALAVOU

O LO O IAI FOI I LE VAEGA  
A LE AUTALAVOU

58 E te Alu?  
Saunia e Elder David F. Evans

61 Aapa Atu ia Ken  
Saunia Efaraimo Ong

62 Fesili ma Tali:  
Ua ou faavaivai soo pea i faa-osoosoga lava e tasi. E mafai faapefea ona ou see ese mai na agasala?

64 O Le Upu Mulimuli:  
O Se Tagata o Le Au Paia o  
Aso e Gata Ai e Taumafai Pea  
Saunia e Elder Dale G. Renlund



NAF I PROVO, IUTA



NAF I GUATEMALA



NAF I PROVO, IUTA

"O tagata uma e ese le lelei. E le afaina pe iai latou o se vaega o lau itu po o soo se faifeautalai e te feiloi iai, e agaga tagata uma e fia fesoasoani ia te oe," o le tala lea a Sister Hanks, o se tasi o faifeautalai e iva sa matou faatalanoaina i le NAF i Provo o lo o aoaoina le gagana Mandarin Saina. O faifeautalai mai lana itu o le a galulue i Taiwan, Kanata, ma Kaledonia, ISA.

Ua faapea mai Sister Prestwich, "O se mea mata-gofie lava lea, o le iloa ua e taunuu mai lava iinei ma ua amata ona e faia loa lenei mea ofoofogia ua e iloa ua manaomia ai oe e fai."

## O LAU VASEGA MUAMUA

Pe a e ulufale i le NAF, e vave ona amataina le aoaoga. I lou aso muamua, o le a e ulufale atu i lou potuaoga ma amata le aoaoga ma le faataitaiga o le auala e aoao atu ai le talalelei.

Ua fai mai Sister Singleton, "Na matou savavali atu i lo matou potuaoga ma o tagata uma sa i lo matou sone sa tautatala faa Saina ma o o matou faiaoga sa tautatala i le faa Saina."

Ua tau mai e Elder Adams, "Na alu sina taimi, ae i le taimi lava na amata ona e iloa ai, o le auala sili e aoao ai, e vave le alualu i luma o lou aoaoina. O se lio o le alualu i luma lelei a o e aoao."

O mataupu e aoaoina e tutusa lelei i NAF uma lava. I NAF laiti, e faatalanoaina oe, aoaoina oe, ma fesootai pea lava pea ma le peresitene o le NAF ma lona faletua. Afai e tuuina mai e uso o le Korama a Apostolo e Toasefululu ni aoaoga faigalotu i le NAF i Provo, e faasalalau atu foi i isi NAF.





## O MEA MALIE MONI

- E tusa ma le 40,000 faifeautalai e ulufale mai i NAF uma i tausaga taitasi.
- I NAF laiti, e toaititi e tusa o le 35 i le 150 faifeautalai atonu e iai i se taimi e tasi.
- I le NAF i Provo e tusa le toatele ma le 2,000 faifeautalai i se taimi e tasi.
- O le NAF i Mekisiko e masani o ni nai selau faifeautalai ae iai le gafatia e tusa ma le 1,200.
- E 58 le aofai o gagana e aoaoina i nofoaga autu e aoaoina ai faifeautalai.
- O faifeautalai e le o aoaoina se gagana fou e faaalu le tolu vasio i le NAF.
- O faifeautalai e aoaoina se gagana fou e faaalu le ono i le iva vasio i le NAF.



## O LAU PARANESI FOU

I NAF tetele, e tofia faifeautalai i se paranesi ma se peresitene o le paranesi (o i latou e umia le Perisitua Mekisateko o le lotoifale e valaauiua e auauna atu i le NAF). E feiloai latou ma la latou paranesi mo sauniga faamanatuga i Aso Sa. I NAF laiti, e feiloai faatasi faifeautalai i lalo o le taitaiga a le au peresitene o le NAF.

I NAF tetele, e tofia faifeautalai taitasi i se sone e aofia ai ni itu. O le faatulagaga lava lenei e tasi o le a mauaina e faifeautalai i le talaiaga o le misiona. I le NAF, o itu e mafai ua na o le toalua o soa, pe mafai foi ona lima pe ono. O sone e mafai ona aofia ai ni itu se lua pe afa taseni. O le faatulagaga e fesoasoani i le aoaoga ma le aoaoina. O peresitene o le NAF ma peresitene o paranesi ma o latou faletua latou te tuuina atu foi fautuaga ma lagolagoina faifeautalai a o latou aoaoina le soifuaga faalefaifeautalai.

## O LE FAASOLOGA O AU MEA E FAI I LE VAIASO.

E tofafa faifeautalai i potu faatasi ma o latou soa ma isi faifeautalai—e masani ona taitoafa i le potu. I aso taitasi, e iai taimi e faamalosítino ai (vagana Aso Sa), taimi o fuafuaga, ma taimi mo taumafataga. O le tele o lo latou taimi e faaaluna i le potuaoga, e maua ai e i latou le aoaoga i aoaoga faavae o le talalelei, gagana (pe a manaomia), ma le auala e saili ai tagata ina ia aoaoina, le auala e aoao atu ai i le Agaga, ma le auala e fuafua ai o latou taimi. O le aoaoga o le tiute muamua lea o le NAF—ina ia faaleleia lou malamalama o le talalelei ma aoao le auala silisili e faasoa atu ai le savali o le talalelei i isi. O ooutou faiaoga o faifeautalai ua maea a latou galuega o e ua silafia le auala e fesoasoani ai ia te oe e atiina ae tomai faafaifeautalai e te moomia. O le faasologa o mea e fai i aso taitasi e tele naua le manaomia ae faamanuiaina foi.

Ua fai mai Elder Jackson, "Ae ou te le i oo atu iina, sa ou manatu atonu o le a faigata lenei mea, toeitiit e faapea e matuia. Ae o se aafiaga fiafia lava. O le mea matagofie Ua matou maua le fiafia ma galulue malosi."

E iai foi avanoa mo auaunaga ma se aso sauniuni mo faifeautalai. O le aso lea e fai ai a latou tagamea, faamama o latou potu, ma tusi atu i o latou aiga. O le taimi foi lenei e asiasi ai faifeautalai i le malumalu.

I Aso Sa e auai atu faifeautalai i sauniga lotu ma o latou uso faifeautalai. E mafai ona valaaulia i latou e lauga i sauniga faamanatuga ma aoao atu i fonotaga a le perisitua po o le Aualofa. E

auai le auperisitua i le faamanuiaina, ma le tufatufaina o le faamanatuga. I fafo atu o sauniga masani a le Ekalesia, e auai foi faifeautalai i fonotaga faaleitu, fai faatalanoaga ma o latou auperesitene o le paranesi po o le NAF, matamata i faasalalauga faaleagafesootai a le Ekalesia, talanoaga ma soa, ma fai a latou suesuega patino. E tofi faifeautalai e auauna atu o ni taitai sone, taitai o itu, ma taitai tuafafine o aoaoga e fai foi a latou aoaoga faaletaitai i Aso Sa.

E ui ina faatulaga le tele o gaoioiga o aso taitasi mo faifeautalai, e iai foi ni o latou taimi e le faatulagaina. Ua faapea mai Sister Hanks e lagona e ia o lona tiute le faaalu aoga lelei o lona taimi: "E te filifili pe faapefea ona e faaaoga lelei lou taimi. E fitalia lava oe i le auala e te faaaogaina ai le taimi o le Atua."

## O LAU SOA MUAMUA

O le fetuunaiga mo le olaga faafaifeautalai e ono avea ma luitau—lagonaina o le misia o le aiga, taumafaina o taumafa ese, ma le faigata o mea e aoaoina. O se punaoa silisili ona lelei o le lomiga a le Ekalesia *Fetuunaiga mo le Olaga Faafaifeautalai*, o lo o maua kopi lolomi, fesootaiga i luga o le laina i le LDS.org, ma i le Potutsusi o le Talalelei (Gospel Library).

O se tasi o fetuunaiga sili ona tele i le olaga o se faifeautalai o le iai lea o se soa ma oe i taimi uma. Atonu e malaga mai o ia i se atunu ese, tautala i se gagana ese, pe iai sona malamalama ese i le faataunuina faatasi o galuega faafaifeautalai. E ao i faifeautalai ona aoao e lagona le fiafia e faaalu le tele o taimi ma se isi tagata. Ma e ao ona latou iloa pe faapefea ona aoao e le tasi le isi. Na manatua e Elder Juilfs, "E iai la matou lesona e tasi e ese le fagata. E eseese o matou manatu ma e sa fefinauai o le tasi i le isi. Ae na matou aoaoina le taua o le aoao atu o se soa ma tuu atu manatu e faagasolo mai."

E faapefea ona e faia lena ituaiga o fetuunaiga? I le alofa, loto maulalo, ma fesootaiga. E pei ona faamatala mai e Elder Lee, "E iai iloiloga a soa e faaalu ai se taimi e iloilo ai le aso po o le vaiaso ina ia malamalama ai i lau soa, le auala na te faia ai mea, ma sauna oe lava ina ia fesoasoani iai ma mafai ai e ouluua ona ola alualu i luma faatasi."

A o e taumafai e auauna atu ma faaali le agalelei i lau soa, e te aoaoina ai foi le mana o le galulue faatasi. Na faapea mai Elder Shaw, "E ao ona e faagalo itiiti ia te oe lava, ae taulai i le lula soa o se au. A mafai loa ona ouluua maua lena galulue faatasi, e malosi naua, ma e matautia."

## ATONU E TE MA'I MANATU

I le avea ai o se faifeatalai fou i le NAF, atonu o le a e feagai ma le faigata o le galuega ma le nofo mamao ese mai le aiga o se luitau. Ua fai mai Sister Saliva, "O se mea masani le ma'i manatu i ni nai aso muamua. Ae e faasolo lava ina lelei aua o le a outou maua le fafia o le tasi i le isi, ma e faamafanafana mai o tatou taitai ia i tatou. O le taulai i le suesuega e fesoasoani ia te au. Ou te misia pea lou aiga, ae tupito ia te au le faia o le galuega."

E masani ona lagona le faigata, ma e masani ai foi ona lagona nisi o tulaga luga ma lalo o le galuega. Ua faapea mai Elder Juilfs, "O le a e lagonaina ni maualuga tonu, ma e iai mafuaaga, i nisi o taimi e lagonaina ai le maualalo laitiiti. Ae e ao ona e laa i tua ma manatua: "Ou te le o aoaoina nei mea mo au; o lo o ou aoaoina nei mea mo i latou o le a ou aoaoina. Ae afai lava o le a ou taumafai sili, o le a oo mai lava."

AE o loo iai le faatulagaga lagolago sili, e aofia ai fai-aoga, taitai, ma lau soa. Ua faapea mai Sister Singleton, "E iai se taimi sa ou le fafia ai lava i se lesona, ma e faapea ona faaopoopo mai nisi mea. Ae sa ou talanoa i lau soa, ma sa ma o mo sina salviga laitiiti. O lena na fesoasoani ia te au—o le talanoa ai, ma tagi laitiiti. O le taulai atu i le galuega ma le uiga lelei—e fesoasoani tele lena."

## O LE A ALU SAUNIA

Po o le a lava lou tulaga patino, afai e te sau i le NAF ma le agaga tatala ma le naunautai e aoao, faatuatua i le Alii e tausia oe, o le fai le NAF ma nofoaga malosi o aoaoga mo lau auaunaga o se faifeatalai. O le a faamalosia lau molimau, o le a e iloa ona fesootai ma alofa i tagata e te aoaoina ma i latou tou te galulue faatasi, ma o le a e aoaoina le gagana o le Agaga. O le a faalauteleina lou malamalamā i le talalei ma aoao le auala silisili e aoao atu ai ma fetuunai i tulaga eseese ma luitau. A oo mai le taimi o le a e tuua ai mo lau misiona, o le a faateleina lou talitonuga ia te oe lava ma i le Alii. ■



NAF I PROVO, IUTA

### Provo IUTA



ERIA E AUAUNA ATU AI:  
*Lalolagi*

GAGANA AOAOINA:  
**57**  
*gagana eseese*

FAIFEAUTALAI E AUAUNA  
ATU I TAUSAGA TAITASI:  
**20,515**

### Buenos Aires ATENITINA



ERIA E AUAUNA ATU AI:  
*Atenitina, Chile,  
Paraguay, Uruguay*

GAGANA AOAOINA:  
*Sipaniolo*

FAIFEAUTALAI E AUAUNA  
ATU I TAUSAGA TAITASI:  
**1,180**

### Aai o Mekisiko MEKISIKO



ERIA E AUAUNA ATU AI:  
*Mekisiko, isi atunu i Matu,  
Ogatotonu ma Amerika i Sautē.*

GAGANA AOAOINA:  
*Sipaniolo*

FAIFEAUTALAI E AUAUNA  
ATU I TAUSAGA TAITASI:  
**4,848**

### Preston EGELANI



ERIA E AUAUNA ATU AI:  
*Europa*

GAGANA AOAOINA:  
*Igilisi, Farani, Siamani, Eleni,  
Italia, Rusia, Sipaniolo*

FAIFEAUTALAI E AUAUNA  
ATU I TAUSAGA TAITASI:  
**785**



## NAF I MEKISIKO

### São Paulo PASILA



**ERIA E AUAUNA ATU AI:**  
Angola, Pasila, Cape Verde,  
Mozambique

**GAGANA AOAOINA:**  
Potukale, Sipaniolo

**FAIFEAUTALAI E AUAUNA  
ATU I TAUSAGA TAITASI:**  
**3,285**

### Bogotá KOLOMUPIA



**ERIA E AUAUNA ATU AI:**  
Kolomupia, Ecuador,  
Venezuela

**GAGANA AOAOINA:**  
Sipaniolo

**FAIFEAUTALAI E AUAUNA  
ATU I TAUSAGA TAITASI:**  
**3,434**

### Lima PERU



**ERIA E AUAUNA ATU AI:**  
Peru

**GAGANA AOAOINA:**  
Sipaniolo

**FAIFEAUTALAI E AUAUNA  
ATU I TAUSAGA TAITASI:**  
**1,634**

### Aai o Kuatemala KUATEMALA



**ERIA E AUAUNA ATU AI:**  
Costa Rica, El Salvador, Kuatemala,  
Honduras, Nicaragua, Panama

**GAGANA AOAOINA:**  
K'ekchi, Sipaniolo

**FAIFEAUTALAI E AUAUNA  
ATU I TAUSAGA TAITASI:**  
**1,599**

### Akara KANA



**ERIA E AUAUNA ATU AI:**  
DR Congo, Madagascar,  
Aferika i Sisifo

**GAGANA AOAOINA:**  
Igilisi, Farani

**FAIFEAUTALAI E AUAUNA  
ATU I TAUSAGA TAITASI:**  
**1,740**

### Johannesburg AFERIKA I SAUTE



**ERIA E AUAUNA ATU AI:**  
Kenia, Madagascar, Aferika i Saute,  
Zimbabwe

**GAGANA AOAOINA:**  
Igilisi

**FAIFEAUTALAI E AUAUNA  
ATU I TAUSAGA TAITASI:**  
**376**

### Aukilani NIU SILA



**ERIA E AUAUNA ATU AI:**  
Ausetalia, Fiti, Niu Sila, Papua  
Niu Kini, Samoa, Tahiti, Toga

**GAGANA AOAOINA:**  
Igilisi, Faa-Farani, Gagana Samoa,  
Faa-Toga

**FAIFEAUTALAI E AUAUNA  
ATU I TAUSAGA TAITASI:**  
**2,302**

### Manila FILIPAINA



**ERIA E AUAUNA ATU AI:**  
Asia

**GAGANA AOAOINA:**  
Cambodian, Cebuano, Igilisi,  
Initonesia, Mandarin, Mongolian,  
Tagalog, Thai, Undu, Vietnamese

**FAIFEAUTALAI E AUAUNA  
ATU I TAUSAGA TAITASI:**  
**2,343**

Saunia e Elder  
David F. Evans  
O Le Fitugafulu



# E te

O ou tausaga i le aoga mauluga ma lou tausaga muamua i le kolisi na tupu i le taimi o le taua i Vietinami. E oo i le taimi na ou amata ai i le kolisi, sa faia ai se maliega a le Eklesia ma le malo o Amerika e faatatau i le aofai o faifeautalai e mafai ona galulue. O le maliega e faapea e auina atu e uarota taitasi ia le na o le lua faifeautalai i le tausaga, ae o isi alii talavoua o le a le valaauina ma e atonu e auina atu i le militeli. E ui lava i lou manao e faia se misiona i lou olaga atoa, e foliga mai e le mafai ona ou alu.

Sa ou auai i le lunivesete o iuta i le tauto'ulu o le 1969. I le faiuga o lanuari i le 1970, na ou feiloai ma faauo ai i le na fai ma ou toalua mulimuli ane, ma i lena lava tautotogo ua faatumuina i maua i le alofa o le tasi i le isi.

## Ua Valaau Mai le Epikopo

I se tasi aoauli vevela ia lulai, sa ou sau ai i le fale ma

sa fai mai lou tina ia te au, "Tavita, na valaau mai le epikopo. O loo fia feiloai ia te oe."

Na ou tali atu, "Ou te pisi."

Na tilotilo mai lou tina ia te au ma fai mai, "Afafai e te pisi tele e alu e feiloai ma le epikopo, sii i luga le telefoni ma valaau ia te ia ma fai i ai lau tala lena."

Na ou iloa sa ou le *pisi* tele, o lea sa ou alu ai ma feiloai ma lau epikopo i lona ofisa. Sa nofo o ia i lana kesi, e le masani ona mama lelei. Sa vave ona ou iloa o le faatalanaga lenei e le o se mea sa ou manatu o le a oo iai.

"Tavita," sa ia fai mai ai, "e iai le isi uarota ua le mafai ona faaaoga le tasi o lo latou avanoa mo se faifeautalai. Ua tuuina mai le avanoa ia i tatou e auina atu ai se isi faifeautalai e toatas. I le avea ai ma se au epikopo, sa lagona le uunaiga e fesili atu i le Tama Faalelagi pe iai se tasi e tatau ona alu i le taimi nei. O le mea ou te fia tau atu ia te oe e faapea: o le taimi lenei ua finagalo le Alii e te auauna atu ai i se misiona."

*Afafai e fesili atu le  
Alii e te alu, e te alu  
e auauna atu i se  
misiona?*



# Alu?



ATA NATUSIAE BEN SIMONSEN

Sa ou taia i le mea na ia fai mai ai. Sa ou mafaufau e faapea ona o le taua ma le numera faatapulaaina, o le a le mafai lava ona ou alu i se misiona. Sa ou fesili mo sina taimi e mafaufau ai iai. Na ia fesili pe o le a le umi o le taimi ou te manaomia, ma sa ou fai atu ou te manaomia se vайaso.

Ona faamaea lea o le faatalanoaga, ma e sa ou savali atu i fafo—o taia pea—i lau taavale. Sa amata ona ou ave atu faataamilo i le Aai o Sate Leki, ma mafaufau loloto i mea sa tutupu i le aoauli.

## Filifiliga e Auauna Atu

I ni nai minute, sa ou toe ave atu lau taavale i le falesa, faatu le taavale, ma toe savali atu i le ofisa o le epikopo. Sa ia nofo ai pea iina e matua aunoa ma se mea i luga o lana kesi.

Sa ou vaai atu ia te ia ma fai atu, "Epikopo, o a au mea o lo o fai?"

Sa ia tali filemu mai, "O lea ou te faatali mo oe."

Ona ou faiatu lea, "la Epikopo, afai o le taimi lenei ua

finagalo le Alii ou te auauna atu ai, ioe o le a ou auauna atu."

Ina ua ou taunu i le fale, sa i le umukuka lou tina. Sa ou popole pe a ou tau uma ia te ia mea sa ou lagona, ona amata loa lea ona ou tagi. O lea sa ou faiatu ai, "Tina, e le mafai ona ou talanoa i lena mea i le taimi nei, ae e tatau ona e iloa o le a ou alu i le misiona, ma o le a ou alu nei lava."

Mulimuli ane i lena aoauli, sa ou talanoa ai i lou tama e uiga i la'u faaiuga. Na ia tuuina mai ia te au le fautuaga sili ona suamalie ma le faaosofia lagona. Ona ou maua lea o lau uo tamaitai (lea ua avea nei ma ou toalua) ma tau atu ia te ia e uiga i lau faaiuga. Sa ma savalivali ma talanoa ma fetagisi ma toe talanoa pea. Ae sa leai se faatuoi o se tasi o i maua. A faapea ou te alu, e tatau ona ou alu, ma o le a ou alu.

Na maua lou valaauga e auauna atu i lapani ia Aokuso, ma ia Oketopa 10, 1970, sa ou tuua ai mo lau misiona.

## **Pe a Valaau mai le Alii, Pe Ete Alu?**

I le mataupu 24 o Alema, o Aneti-Nifae-Liae e le i leva ona liliu mai ua faia se folafolaga ina ia le toe faamasaaina lava se toto. Ina ua osofaia i latou e o latou fili, ua latou malilie e feoti nai lo le solia o la latou folafolaga. I le mataupu 27, na fautua atu Amona i le tupu ina ia latou tuua le lauelele ma auai faatasi ma Sa Nifae, ae sa le talia e le tupu, ma le talitonuga o le a le talia foi e Sa Nifae i latou (tagai Alema 27:3–6). Ma sa fesili atu Amona i le tupu, O le a ou alu ma ole atu i le Alii, ma afai ua ia fetalai mai ia i tatou, e o . . . , pe tatou te o ea?" (Alema 27:7). Sa fai mai le tupu o Aneti-Nifae-Liae, "Ole atu i le Alii, ma afai e fetalai mai o ia ia te i matou e o, o le a matou o; a leai o le a matou fano pea i le lauelele" (Alema 27:10). Sa ole atu Amona, ma sa poloaiina i latou e le Alii e o. E aunoa ma se faatuai, ua o ese ia Aneti-Nifae-Liae.

I le faagasologa o lou olaga, o le a fesili atu le Alii ia te oe e te "alu." Afai e fesili mai o la, pe ete alu ea? Pe mafai ona e faia pe a finagalo o la e te faia? Ou te iloa mai ou lava aafiaga o le tele o le ola faaleagaga ma faamanuiaga tatou te maua i o tatou olaga e fesootai lelei lava i a tatou faaiuga e tali atu pe a valaau mai le Alii. Na saunoa Peresitene Russell M. Nelson, "O aso taitasi o se aso o filifiliga, ma o a tatou filifiliga e fuafua iai lo matou taunuuga," ("Filifiliga mo le Faavavau," *Liahona*, Nov. 2013, 108).

I lau misiona i lapani, sa ou maua ai se avanoa e aoao atu ai le talalelei i tagata sa ou alofa iai. I le 1998, 26 tau-saga ina ua tuanai lau misiona, sa valauina au o se peresitene o le misiona i

**Fefautuaai ma  
ou matua, fefau-  
tuuai ma lau epi-  
kopo, ma filifili  
faatasi ma le Alii  
e ala i le tatalo.**

Pe a e iloa o le taimi  
sao lea e alu ai, e  
tatau loa ona e alu.



lapani. Sa ese le eria na ou iai i le taimi lenei, ae sa ou toe faatasi ma tagata sa ou alofa iai ma e alolofa mai ia te au. O lou aiga atoa na mafai ona auai i lenei aafiaga matagofie e atiinaeina le Ekalesia a le Alii i lapani.

I ni nai tausaga talu ona toe taliu mai la maua misiona, na fesili mai Peresitene Gordon B. Hinckley (1910–2008) e feiloai ma ia. I lena feiloaiga, na ia tuuina mai ai ia te au se valaauga e auauna atu ai o se tasi o le Pulega Sili. Sa ia toe tepa i lou aafiaga o se faifeautalai talavou ma se peresitene o le misiona ma tau mai ia i maua e ui ina toatele tagata e agavaa mo le tofiga o le Aupulega Aoao, o le faaaoga e le Alii au ona o ou aafiaga muamua ma au filifiliga.

Talu ona faailoa mai e Peresitene Thomas S. Monson le suiga i tausaga o faifeautalai, ua fautuaina tagata talavou e fautuaina e o latou matua, fautuaina e le epikopo, ma fautuaina e le Alii e ala i le tatalo. Pe a e iloa o le taimi sao lea e alu ai, e tatau loa ona e alu. A o iai lou onosai ma galueaina lou faatuatua, ou te iloa o le a faaalia mai e le Alii lona finagalo ia te oe.

Ou te molimau atu afai e te usiusiti i le finagalo o le Alii, o le sili atu ona faamanuiaina oe. ■

# AAPA ATU IA KEN



Efaraimo Ong

na ua 16 o'u tausaga, sa ou siitia atu i se uarota Taiuanisi. O Ken, e 13 ona tausaga, sa faatoa maea ona papatisoina. Ae le i leva ona maea lona papatisoga, sa toeitiit lava e lei auai Ken i se lotu. Sa iai lou naunautaiga e fesoasoani ia Ken e toe foi mai i le lotu. Sa ou valaaulia o ia e auai i le tele o gaoioiga a le Ekalesia. Sa taalo Ken i le pasiketipolo i le Mutualie ma auai i le aufaipesa a le autalavou. O ia ma lona tuafafine o Linda, sa amata foi ona auai i vasega Igilisi e leai se totogi na aoao e lo'u aiga ma faifeautalai. E lei pine ae amata foi ona auai Linda i gaoioiga a le autalavou. Ua ou vaai i le aao fesoasoani o le Atua ia i tatou.

Sa mafaufau le aiga o Ken pe aisea na taumafai ai lo'u aiga e fesoasoani ia Ken ma Linda. Sa matou tau atu ia i latou ua aumai e le talalelei le olioli sili ia i matou, ma e matou te naunau foi i isi e maua lena lava olioli ma le filemu mai le Faaola. Mulimuli ane, na talia e Ken ma Linda la matou valaaulia

*Na taitaiina e le  
aoa o le Alii au  
taumafaiga e  
auauna atu.*



e o i le lotu. Sa sau Linda ma maua se aafiaga mata-gofie. Ae peitai, sa ma'i Ken, ma ina ua ou tatalo i se mea ou te faia e fesoasoani ai ia te ia, sa ou lagona le uunaiga e tatau ona matou avatu ia te ia le faamana-tuga. Faatasi ai ma le faatagana a le epikopo, sa o atu lo matou aiga i lona fale, ma sa fesoasoani lou uso ia te au e tauimaina le faamanatuga mo ia. Sa matou asiasi foi ma lona aiga. Sa ou lagona le filemu.

Sa tatalo lo matou aiga mo Ken, ma e sa matou lagona uma le alofa mo Ken ma lona aiga. Na faaau-  
au pea e le autalavou ma tagata matutua i le uarota  
ma le siteki ona faaaumea ia Ken ma Linda. O tau-  
mafaiga tuufaatasai a tagata o le Ekalesia e auauna  
atu o loo fesoasoani ia Ken ma Linda e lagonaina  
le alofa o le Faaola. O le aafiaga o le taumafai  
e auauna atu e faapei o le Faaola ua aumai ai  
le olioli sili i lou olaga. O le auauna atu o le  
galuega a le Alii, ma ona o Lana galuega, o le  
a taitaiina ai e Lona aao a tatou taumafaiga  
e auauna atu. ■

*E alaala le tusitala i Taiuani.*

# “Ua ou faavaivai soo pea i faaosoosoga lava e tasi. E mafai faapefea ona ou see ese mai na agasala?”



*“E tusa lava foi pe tatou te faia ma le mautinoa le agasala pe feagai soo foi ma le toilalo ma le le fiafia, ae o le taimi lava tatou te filifili ai e toe tau-mafai, o le a mafai ona fesoasoani mai le Togiola o Keriso ia i tatou.”*

*“... A tatou taumafai, tutumau, ma fesoasoani i isi ia faia lea lava mea e tasi, o i tatou la o le Au Paia moni o Aso e Gata Ai. A tatou suia, o le a tatou iloaina e popole tele le Atua po o ai i tatou ma po o a ituiga tagata e avea ai i tatou, nai lo tagata sa tatou i ai i le tuanai.*

Elder Dale G. Renlund o le Korama a Apostolo e Toasefululu, “Le Au Paia o Aso e Gata Ai ia Taumafai Pea,” konafesi aoao Aperila 2015.



## Aloese mai le Punavai o Faaosoosoga

Afai o lau telefoni o lo o fai ma au vaisu, taumafai e aveesea lena pe fatapulaa e ou matua lona faaaogaina. Pe afai o au uo o i latou o faaosoosina oe, saili ni uo lelei ma taumafai ina ia siosiomia e tagata lelei o e e fesoasoani ia te oe e lagonaina pea le Agaga. Afai e iai le Agaga ma oe ma ua siosiomia oe e uo lelei, o le a faigofie ona tetee i faaosoosoga. E oo mai i tagata uma faaosoosoga, ae pe a tatou tetee pea iai, o le a lelei i tatou.

*Kolten B., 17 years old, Alberta, Canada*



## Tatalo Pea lava Pea

O au o se tagata liliu mai, ma e sa malosi faaosoosoga mo au aua na ese au aganuu mai le Ekalesia. Mai lea mea itiiti i lea mea itiiti, sa amata ona ou malamalama o le fesootaiga ma lou Tama Faalelagi sa faamalosia ai au ma faafaigofie ai ona ou lofituina mea uma lava.

*Pamela S., 19 years old, Llanquihue Province, Chile*

## Pulea Ou Manatu

O tatou manatu o le faitotoa lea i a tatou faatinoga. Faaosoosoga, e faapei o le fati o se pese e te manatua, e mafai ona ati mai i o tatou mafaufau. Afai e oo mai i o outou mafaufau, taumafai e aloese mai nei manatu e ala lea i le aoaoina o oe lava i le ala e faatino ma mafaufau ai. O lo o ia te oe le mana e fai ai!

*Taynara S., 19 years old, São Paulo, Brazil*



### la Maua le Lagolago mai i Isi

Faatasi pea lava pea ma se tasi e te alofa iai, e pei o lou aiga ma uo felataai, e tutusa o latou tulaga faatonuina ma oe. Atonu e fesoasoani lenei ia te oe e aloese ai mai faaososoga. Faaaafia oe lava i gaoioiga i le aiga ma le Ekalesia. Aua nei lagona le fiafia; e faaloaloa mai pea le aao o le Alii ia i latou o iai le agaga e salamo ai.

*Elder Tucay, 20 tausaga,  
Misiona a Ghana Cape Coast*

### E Maua le Faamafanafanaga e ala i le Tatalo

O se mea ou te fautuaina e fai o le tatalo. Ou te iloa o tali e le oo mai faavave, ae o le mafanafana e mafai pea lava pea. E mafai foi ona e maua le faamafanafanaga i le aveesea o lou mafaufau mai le mea o lo o faalavefau ia te oe ma mafaufau i se mea e te maua ai le fiafia. Poo le a lava le ala e te maua ai le faamafanafanaga, ou te iloa e mafai ona e maua e ala ia lesu Keriso.

*Anna P., 12 tausaga, Iuta, ISA*

*O tali ua faomoemoe e mo le fesoasoani ma ni manatu, ae e le o se faalauiloaga aloaia o aoaoga faavae o le Ekalesia.*



### Ou te manatua pea agasala ua ou salamo ai, ma ou te lagona le tausalaina. Aisea e le mafai ai ona galo a'u agasala?

O le Togiola a lesu Keriso ua alagatatau ai le faamagaloga pe afai tatou te salamo. O le salamo moni e aofia ai le lotomaulalo, tautau atu, lafoai i agasala, ma le tautinoga e tauis i poloaiga.

Ua fetalai mai le Alii, "Faauta, o le ua salamo i ana agasala e faamagaloa o ia, ma o au le Alii, ou te le toe manatua lava" (MF&F 58:42). Ae faapefea pe afai o *lo tatou* manatua pea o a tatou agasala ua faamalumalu mai pea ia i tatou? Na aoao mai e Elder Dieter F. Uchtdorf o le Korama a Apostetolo e Toasefululu: "E lei folafola mai e le Atua e faapea *tatou* te le toe manatua a tatou agasala. O le manatuaina o le a fesoasoani ia i tatou e aloese mai ai i le toe faia o mea sese lava na. Peitai, afai tatou te tumau i le moni ma le faamaoni, o le a oo ina faaitiitia le manatuaina o a tatou agasala i le gasologa o le taimi. O lenei mea o le a avea ma se vaega manaomia o le faagasologa o le faamalologa ma le faapaiaga" ("Vaega Tonu o le Toe Foi Saogalemu," *Liahona*, Me 2007, 101).

Pe afai tatou te salamo ma le faamaoni ma taulai atu e mulimuli i le Faaola, o le a fai le Agaga Paia ma o tatou soa ma o le a avea i tatou ma e alolofa ma auauna atu i isi. O le tui o le maasiasi o le a suia e le faafetai ma le faamoemoe. Ma o le a tatou viia le Atua mo lona agalelei, alofa, ma le alofa mutimutivale.

### O Le A Sou Manatu?

"E faapefea ona ou fiafia i le lotu pe afai o iai ni faafitauli ma tagata o lo o iai?"

Auina mai lau tali ma, afai e manaomia, o se ata manino lelei a o le'i oo i le aso 15 o Mati 2019, i le liahona.lds.org (oomi le "Submit an Article or Feedback").

E ono iloiloina tali mo le uumi po o le manino.

# O Se Tagata o Le Au Paia o Aso e Gata Ai o Ioo Taumafai Pea

**Saunia e Elder Dale G. Renlund**

O Le Korama a Aposetolo e Toasefululua

---

Lona alofa mutimutive, ua folafola mai e le Atua le faamagaloga pe a tatou salamo ma liliu ese ma le amio leaga—o lea tulaga o le a le ta'uta'ua mai ai a tatou agasala ia i tatou. Mo i tatou, ona o le Togiola a Keriso ma lo tatou salamo, e mafai ai ona tatou tepe atu i a tatou amioga o le tuanai ma faapea, "Sa ou faapena, ae ou te le o toe faapena." Ae o lena tagata amioleaga i le tuanai ua le o toe avea ai au."

Sa aoao mai Peresitene Thomas S. Monson [1927–2018], "O se tasi o meaalofa aupito sili-sili a le Atua mo i tatou o le olioli lea o le taumafai pea lava pea, aua e le manaomia ona faa-mutu i se toilet."<sup>1</sup> E tusa lava foi pe tatou te faia ma le mautinoa le agasala pe feagai soo foi ma le toilet ma le le fiafia, ae o le taimi lava tatou te filifili ai e toe taumafai, o le a mafai ona fesoasoani mai le Togiola a Keriso ia i tatou. Ma e ao ona tatou manatuaina e le o le Agaga Paia lena e tau maia ia i tatou ua matua tatou leaga lava ma ua sili ai loa ona tatou faavaivai.

O le finagalo o le Atua ina ia taumafai pea le Au Paia o Aso e Gata Ai ua oo atu foi i tala atu o le faatoilaloina o le agasala. Pe o tatou mafatia ona o faafitauli o mafutaga, luitau faale-tamaoaiga, po o faamai po o se taunuuga o agasala a nisi tagata, e mafai lava e le Togiola le i'u a le Faaola ona faamaloloina—ma e masalo aemaise lava—i latou ua mafatia fua. E malamalamataoatoa o la i le mafatia ma le le ponā ona o se taunuuga o le solitulafono a le isi tagata. E pei ona sa valoia, o le Faaola o le a "fufusi i e loto momomo, . . . faafafia i e faanoanoa; . . . foaiina atu . . . le matagofie e sui a'i le lefulefu, o le uu o le olioli e sui a'i le faanoanoa, ma le ofu e fai a'i viiga e sui a'i le loto faavaivai." (Isaia 61:1–3; tagai foi Luka 4:16–21). Po o le a lava le tulaga e i ai, faatasi ai ma Lana fesoasoani, ua faamoemoeina e le Atua le Au Paia o Aso e Gata Ai ina ia taumafai pea.

O la'u valaaulia ia i tatou uma ia iloilo o tatou olaga, salamo, ma taumafai pea. Afai tatou te le taumafai, ua na o i tatou lava la o aso e gata ai agasala; afai tatou te le tutumau, o i tatou o aso e gata ai faamaamulu; ma afai tatou te le faatagaina isi e taumafai, ua nao i tatou o ni aso e gata ai faagutugutulua. Ae a tatou taumafai, tutumau, ma fesoasoani i isi ia fiai lea lava mea e tasi, o i tatou la o le Au Paia moni o Aso e Gata Ai. A tatou suia, o le a tatou iloaina e popole tele le Atua po o ai i tatou ma po o a ituaiga tagata e avea ai i tatou, nai lo tagata sa tatou i ai i le tuanai. ■

*Mai se saunoaga i le konafesi aoao ia Aperila 2015.*

## FAAMATALAGA

1. Thomas S. Monson, "The Will Within," *Ensign*, Me 1987, 68.



*Sa soifua mai i le Aso  
13 o Novema, 1952, i le  
**Aai o Sate  
Leki, Iuta, ISA***




*Sa ia faaipoipo ia  
**Ruth  
Lybbert**  
i le Malumalu o  
Sate Leki i le 1977.*



*Sa galue o ia o se  
**fomai o le fatu**  
e faapitoa i le fatu  
pue ma taotoga e suia  
ai le fatu.*

Elder

# DALE G. RENLUND



*E uiga i lona valaauga o se  
Apostolo, na ia faapea mai,  
"Ou te iloa ua lagona e Peresi-  
tene Monson e faapea  
**ua liusuavai  
ou ponaivi.**"*

*Sa lagolagoina i le  
**Korama a  
Apostolo e  
Toasefululua**  
i le aso 3 o Oketopa,  
2015.*



*Na avea o le lona  
**100 o tagata**  
ua valaauna i le  
Korama a Apostolo  
e Toasefululua i aso  
e gata ai.*

*E toatasina  
**alo tamaitai,**  
Ashley.*



*Sa faauuina i ona  
**faailoga o le  
BA ma le MD**  
mai le lunivesete  
o luta.*



*Sa avea ma se  
**polofesa o  
faafomai**  
i le lunivesite  
o luta.*



*I le 12 o ona  
tausaga, ao auai  
i le lotu i se fale na toe  
faafou, o ia ma sana uo  
**na tutuina se fanapepa**  
i le vaega tatala lata ane  
o le falesa.*

*O lana gagana  
muamua o le  
**Suisi.***

*Sa talai  
faamisona i  
**Suitelani.***



*Faitauina o le tala o le Kerisimasi  
i le Luka 2 o se aga masani  
**o le Kerisimasi faaleaiga.***



*I le avea ai o se fomai, na ia  
aoao mai ana mai e faapea  
**o le fatu tiga e  
mafai ona avea  
ma olioli**  
e ala i le talalelei.*



*Sa maua se  
**molimau i le moni**  
o le Tusi a Mamona  
a o 11 ona tausaga.*

*Na valaauna e  
**auauna o  
se epikopo**  
i le tausaga lona  
tolu o lana suesu-  
ega faafomai i le  
Johns Hopkins in  
Maryland, ISA.*



MATUA

**FAUTUAGA MO LE  
AOAOINA O LE SALAMO**

*E faapefea ona e  
faaaogaina ou taimi faaopoopo  
e faia ai se suiga i le lalolagi?*

40



AUTALAVOU MATUTUA  
**O LOU AAFIAGA  
MO LE LELEI**

42


FAIFEAUTALAI O LE LUMANAI  
**O MEA E AO ONA ILOA  
E UIGA I LE NAF**

50

AUTALAVOU  
**PE A OO MAI LE VALAAU,  
E MAFAI ONA E ALU?**

58

O LE EKALESIA A  
**IESU KERISO**  
O LE AU PAIA O ASO  
E GATA AI



# Uo

Aoao e uiga i le  
**Papatisoga**



Saunia e  
Peresitene  
**Dallin H. Oaks**

Fesoasoani  
Muamua i le Au  
Peresitene Sili

# Galue ia Iloa Lou Aiga

**E**amata talafaasolopito o aiga pe a e aoao e uiga i ou tuua. O i latou o tagata moni o e na soifua muamua mai ia te oe ma e sa avea o se vaega o se aiga. Tatou te manaomia ona faamauina i o tatou tuua ina ia mafai ai ona tatou ola ma i latou o se aiga e faavavau.

A o e aoao e uiga i ou tuua, o le a e:


- Lagona le fafia ma le to'a.
- E le lagona lava le tuua na o oe.
- E iloa e taua tagata taitasi i le silafaga a le Tama Faalelagi.

O auala nei e tolu e mafai ai ona e maua ia faamanuuiaga:

1. Saili poo ai ou tuua.
2. Aoao ia tala e uiga ia i latou ma faasoat atu pea lava pea.
3. Faafesootai i latou ma o outou aiga e ala i le auina atu o o latou igoa i le malumalu.  
O le a mafai ona papatisoina i latou ma faia isi sauniga mo i latou, e pei o le faamauina i lo outou aiga e faavavau.

Na maliu lo'u tina o Stella Oaks a o le i fanau mai se tasi o fanau a a'u fanau. O lea na faia ai e maua ma Sister Oaks se "Pati a Stella" e fesoasoani e aoao ai e uiga ia te ia. Sa tusia e tagata o le aiga se tusi e uiga ia te ia faapea ma lo'u tama. E mafai ona e aoao atili e uiga i ou tuua. O le a avatu e lenei mea le malosiaga ma le taitaiga mo lou olaga. ●

*Saunia mai se lauga na tuuina atu i le RootsTech 2018 Aso o Saililiga a Aiga.*



# O Le Feagaiga o le Papatisoga

*Oti ese ma faaputu faatasi ia kata. Ona feauauai lea e falsoa kata tutusa.*

*I soa taitasi, talanoa i le vaega o le feagaiga o le papatisoga*

"Ina ia ave i o latou  
luga le suafa o lou Alo"  
(Mataupu Faavae ma  
Feagaiga 20:77).


"Tauave  
avega a le tasi"  
(Mosaea 18:8).

"Ina ia manatua  
pea o ia ma tausi i  
ana poloaiga"  
(Mataupu Faavae ma  
Feagaiga 20:77).


"Ina ia maua pea lona  
Agaga e faatasi mai i  
latou" (Mataupu Faavae  
ma Feagaiga 20:77).



O le a ou mulimuli ia Iesu Keriso.



O le a ou fesoasoani i isi.



I aso taitasi, o le a ou  
taumafai e tausi i poloaiga.




E mafai e le Tama  
Faalelagi ona faamanuia ia  
te a'u i le Agaga Paia.

# O Se Folafolaga e Taumafai

Saunia e Tami Greene

E faavae i se tala moni



*"Ina ia papatisoina e pei o Iesu . . . o se mea ou te manao e fai"* (Tusipesa a Tamaiti, 104).

**N**a goto malie ifo le la a o tietie Tatsuki i lana uila i le fale. E fiafia o ia e vili faavavevave ifo i le mauga laitiiti i tafatafa o lona aiga, ae manaomia lona toe foi ae a o le i pogisa.

A o taofiofi lana uila ina ia tu, na ia iloa atu lana faiaoga o le Peraimeri, Sister Yamada, o savali atu i lona fale mau totogi.

"Talofa Tatsuki," na faapea atu ai Sister Yamada ma le ataata. "Ua ou sau e talanoa i lou papatisoga."

Ua amata ona toe foi mai le aiga o Tatsuki i le lotu. E fiafia i le iai faatasi ma ana uo i le Peraimeri, ma ua matua fiafia lava e papatisoina! Na o atu faatasi Sister Yamada ma Tatsuki i le eleveita ma faatasi ai ma lona tina i le fale mau totogi.

"Tatsuki, ou te fiafia tele ua e filifili e mulimuli ia Iesu Keriso e ala i le papatisoga," na fai mai ai Sister Yamada. "Pe a papatisoina i tatou, tatou te osia feagaiga ma le Tama Faalelagi. E te iloa o le a le feagaiga?"

Sa leiloa e Tatsuki o le a fesili mai Sister Yamada ia te ia. Sa amata ona ia lagona se popole laitiiti. Ae sa ataata faamalosiau lona tina.

"Folafolaga?" sa ia fesili matamuli ai.

"E sa'o lena!" Sa faapea mai Sister Yamada. "Ua folafola mai e le Tama Faalelagi tatou te maua pea le Agaga Paia ma i tatou. E te iloa le mea na tatou folafola atu i le Tama Faalelagi?"

Na lulu le ulu o Tatsuki. "Ou te le iloa."

"O le a ou tuuina atu se faailo-o folafolaga o lo o i tatalo tatou te faalogo iai a o le i tagofia le faamanatuga," na fai mai ai Sister Yamada. "Ua tatou folafola atu i le Tama Faalelagi tatou te loto ina ia ave i o tatou luga le suafa o Iesu Keriso ma manatua pea o Ia ma tausi i Ana poloaiga. E te iloa le uiga e ave i o tatou luga le suafa o Iesu?"

Na lulu le ulu o Tatsuki. Na fesoasoani Tina ia te ia. "O lona uiga ua tatou fiafia e faapea atu o i tatou o tagata o Le Ekalesia a Iesu Keriso o le Au Paia o Aso e Gata Ai," na ia fai mai ai. "O lona uiga o le a tatou faia mea e fai e le Faaola pe ana fai o iinei o Ia."

"O a ituaiga o mea e faia e Iesu?" Sa fesili ai Tatsuki.

"E agalelei Iesu i tagata. O le a fesoasoani o Ia i tagata o e faanoanoa pe mamai," na faapea mai ai Sister Yamada. "Ma e aoaoina e Ia tagata i le auala e mulimuli ai i poloaiga."

Sa iai ia Tatsuki se lagona le mautonu i lona loto. Na amata ona ia faanounou ma faapea mai, "Ou te le manatu e mafai ona ou papatiso."

"Aisea?" O le fesili lea a tina.

"E tele naua folafolaga! Ou te le manatu e mafai ona ou faapei o Iesu i aso uma!"

Sa fusi e tina ia Tatsuki. "Manatua ina ua e fesoasoani ia Yuna ona ua tagi o ia ananafi?"

Sa huelue le ulu o Tatsuki. Sa faanoanoa lona tuafafine, o lea sa faia ai e ia ni foliga malie ma taaalo ma ia seja toe fiafia o ia.

"Ma manatua ina ua e fesoasoani i ou tausoga e faasoa ma faalelei o le tasi i le isi i le vaiaso ua tea? Ina ua e faia o lena, sa e mulimuli ia Iesu."

Sa leiloa e Tatsuki le uiga o le mulimuli ia Iesu. Sa amata ona ia lagona fiafia laitiiti. Na te mafai ona faia mea na!

Na faapea mai Sister Yamada, "Ma pe a tatou faia se mea sese, e mafai ona tatou salamo. O lona uiga e mafai ona tatou faapea matou te faamalie atu ma toe taumafai e faaleleia. Pe a tatou salamo, e faamagalo e le Tama Faalelagi i tatou. E tatau ona tatou taumafai pea!"

Na le toe lagona popole Tatsuki. Sa ia lagona le fiafia.

"Ou te manao ina ia papatisoina au!" na ia fai mai ai.

Sa ataata Tina ma Sister Yamada. Na tuuina atu e Sister Yamada ia Tatsuki se Tusi a Mamona ma lona igoa o lo o tusia ai. Sa lagona e Tatsuki le fiafia e mafai ona ia taumafai i aso taitasi. O lenei ua le mafai ona faatali e papatiso! ●

*E alaala le tusitala i Iuta, ISA.*



# O Se Lelei Laitiiti i Aso Taitasi

E mafai ona fesoasoani mai le Tama Faalelagi ia i tatou e faia filifiliga amiontonu i aso taitasi. O se vaega lena o le uiga o le salamo! Tusi se laina e fafafetaui ai filifiliga mai ananafi ma le filifiliga sili atu mai le aso.

## FILIFILIGA ANANAFI



1. Sa ou taufaalili i lou tuafafine laitiiti, e ui ina sa ia fai mai e soia.




2. Sa ou ita ma avaavau ina ua faiaina la matou taaloga futipolo.



3. Sa tuai ona ou ala ma sa le i faia lau tatalo o le taeao.



4. Sa ou faia se tala matuia i se tamaitiiti ina ua ia ata mai ia te au.



5. Na ou pepelo i lo'u tina e uiga i le masaa o le ulo vai ina ua ia fesili mai.

## FILIFILIGA O LE ASO LENEI

- A. Sa ou faamalie atu ia Mama ma tau atu ia te ia le mea moni. Ona ou fesoasoani lea e asu mai ni vai.

- E. I le auala i le aoga, sa ou mafaufau i ni auala e aua ai le ita i isi tagata.

- I. Sa ou faatoese i lau faiaoga o taaloga ona o lou ita tele.

- O. Sa ou faamalie atu i lou tuafafine ma tusia se ata malie o se pusimoi ia.

- U. Sa vave ona ou moe ma ala ae i le tele o le taimi e tatalo ai.

E faia e tagata  
uma lava mea sese.

**O le a fesoasoani mai  
le Tama Faalelagi ia  
te au e aoao ma ola  
ma toe taumafai.**



# Faafeiloai atu mai Mekisiko!




**O a'u o  
Margo.**

O Mekisiko e i Amerika i Matu. E silia ma le 120 miliona ona tagata. E tusa ma le 1.5 miliona o i latou o tagata o le Ekalesia.

**Ma o a'u  
o Paolo.**

Ma te fimalaga i atunuu eseese i masina taitasi e aoao e uiga i fanau a le Atua i le lalolagi aoao. Auai faatasi ma i ma'ua a o ma asiasi i Mekisiko.



O le gagana autu a Mekisiko o le Sipaniolo. O le Tusi a Mamona lea i le gagana Sipaniolo. E te iloa? I le faa Sipaniolo, o le uiga o le igoa o le perofeta o Alema o le *agaga*.



E te iloa o le sukalati na uluai fausia mai Mekisiko? O le sukalati o se tasi o vaega o se taumafa e taua o le *mole poblano*. O lenei sosi e aofia ai foi pepa, nati, fualau aina, ma mea faamanogi meaai Manai!



E te fiafia i le soka? O le taaloga sili lea ona fiafia iai Mekisiko!

Faafetai mo  
le asiasiga i Mekisiko  
ma i ma'ua. Feiloai i  
se isi taimi!



E 13 malumalu i Mekisiko. O ata nei o malumalu matagofie i le Aai o Mekisiko ma Tijuana.

### Faafeiloai mai i nisi o a ma'ua ue mai Mekisiko!



"I se tasi aso sa iai sou faafitauli tele lava, ma sa ou lagonaina lava le faanoanoa. Sa ou alu i le lotu ma faalogo i molimau e uiga ia Iesu. Sa ou lagonaina le Agaga Paia, ma sa ou maua ai le fiafia. Ou te iloa sa fesoasoani mai le Tama Faalelagi ia ou lagona le fiafia."

**Abby D., 7 tausaga,  
Puebla, Mekisiko**



"Ou te iloa o nei aso e fetalai mai le Tama Faalelagi i le perofeta e pei foi ona Ia faia i taimi ua mavae. Afai ou te faalogo ma mulimuli i le perofeta, o le a faamanuiaina au, ma o le a fesoasoani ia te au e avea atili e faapei o Iesu Keriso."

**Benjamin D., 9 tausaga,  
Puebla, Mekisiko**



# O le Aso Fanau Taufaaofo o Ingrid

**Saunia e Maryssa Dennis**

Mekasini a le Eklesia  
E faavae i se tala moni

*“O mai ia Keriso, ma taofi-mau i meaalofa lelei uma”*  
(Moronae 10:30).

**“Estas son las  
mañanitas . . .”**

O le leo o le pesepesega a Mama na fafagu ai i luga Ingrid. Sa tatala ona mata ma iloa atu Mama o loo sau i lona potu. E masani ona peseina e Mama lana pese aso fanau faapitoa i lona aso fanau.

“Manuia le Aso Fanau!” Na fai atu ai Mama. “Sei tatou sauni mo lau pati.”

Na mafai e Ingrid ona sogi le manogi o se keke sukalati o tao i le ogamu. “Ou te mate poo a meaalofa o le a ou maua!” sa ia mafaufau ai.

Sa ia ae ese mai le moega ma autilo atu i fafo o le faamalama.

Sa faatumulia le laau o le jacaranda i fafo i fugalaau viole.

Na fesoasoani Ingrid e tulei le sofa i le potu o Mama ma ua tele ai le avanoa i le potu malolo. Sa ia fesoasoani e teuteu le keke ma tui moligao e fitu i ona luga. Toeitiiti ae oo mai le taimi mo le pati!



Na o mai uo a Ingrid mai le aoga ma le Peraimeri. Sa latou taaaalo ni taaloga ma ai le keke. Ona oo mai lea o le vaega e sili ona fafia iai Ingrid - meaalofa! Sa maua sana tusi fou, o se taika faatumu i vavae, ma se taulima matagofie.

Ina ua o ese uma tagata, sa fusi e Ingrid lona tina. “Faa-fetai lava, Mama. O se aso fanau silisili ona manaia lena!”

“E le i faapea ua uma,” na fai mai ai Mama. “E i ai la’u mea faapitoa e ofo ai mo oe.” Na ia tuuina atu ia Ingrid se fasipepa. Na faapea mai, “O le taimi e moe ai!”

“O se faailoga,” na fai mai ai Mama. “E tatau ona e sailia le isi e sosoo ai.”

Sa faavave atu Ingrid i le potumoe. Sa ia maua ai le isi fasiepa i lalo o lona aluga. Na faapea mai, “Aso o tagamea.”

Sa tamoe atu Ingrid i le umukuka ma tatala le masini tamea. O le isi faailoga!

Sa maua e Ingrid isi faailoga i tua o le TV, i totonusi o lana tusi e fafia iai, ma i lalo o le fala o le fale-taele. O le faailoga mulimuli na taitaiina atu ai o ia i lana kapoti. I luga o le fatatusi sa iai se pusa ua uma ona afifi. E le au iai Ingrid, o lea sa tuu ifo ai i lalo e Mama.

Na sasae ese e Ingrid le pepa ma sii



i luga le tapuni. I totonu o le pusa sa iai se ie paepae ua gaugau ma le kopi lapoa o le Tusi a Mamona.

“O le tausaga lea, o le a e papatiso ai,” na fai mai ai Mama. “O se meaalofa faapitoa lenei e fesoasoani e te saunia ai.” Sa tago atu Mama i le ie paepae. “O le ie lea o le a ou faaaogaina e fai ai lou ofu papatiso. Ma lenei”—sa ia sii ae i luga le Tusi a Mamona—“e mo oe e faitau ai.”

Sa vaai a'e Ingrid ia Mama. “Ou te le i faitauina lava le Tusi a Mamona.”

“Ou te iloa e mafai ona e faia.” Sa tatala e Mama le tusi. “Vaai. E lapopoa atu mataitusi. Sa ou mafaufau faapea o le a faigofie ai.”



Sa toe tapuni e Mama le tusi ma tuuina atu ia Ingrid. Sa faasolo e Ingrid ona tamatamailima i luga o le faavaa lamolemole.

“E taua lou saili mo oe lava pe moni le Tusi a Mamona,” sa fai mai ai Mama. “Ou te folafola atu pe afai e te faitau ma tatalo ma lou loto atoa, o le a fesoasoani le Tama Faalelagi ia te oe e iloa ai.”

I lena po sa faitau ai e Ingrid le matapu muamua o le Tusi a Mamona. E le faigata tele e pei ona sa ia manatu ai. Sa fiafia o ia e faitauina tusitusiga paia.

Sa ia toe faitau lana Tusi a Mamona i le aso na sosoo ai. Ma le isi aso. Sa ia faitauina i aso uma. Ina ua tuanai ni nai vaiaso, sa ia manatu e le manao e faatali seia oo i le faaiuga o le tusi ona tatalo ai lea.


Sa tootuli ifo Ingrid i tafatafa o lona moega. Sa tatalo atu ma lona loto atoa ma augani atu i le Tama Faalelagi e fesoasoani mai ia te ia ina ia iloa e moni le Tusi a Mamona. Ona ia faatali lea. Sa ia manatu o le a ia lagona se leo, ae sa leai. Ae peitai, o se lagona fiafia na tupu ae i lona loto. Sa ia iloa na faafogaina e le Tama Faalelagi lana tatalo.

Toeitiiti o le tausaga ua mavae, ae ua uma ona faitauina e Ingrid le Tusi a Mamona. Na ia iloa poo le a lava le mea o le a ia maua mo lona aso fanau lona valu, o le Tusi a Mamona o le avea pea ma meaalofa silisili lava. ●  
*O lenei tala na tupu i Mekisiko. Sue i le itulau e U8 e aoao atili ai e uiga i lena atunuu!*

# Saili Iai!

Ua fiafia Camila ma Carlos ona o loo asiiasi mai o a laua tausoga uma mo le papatisoga o Camila taeao. O le aso ua pisi ai i laua e taaalo le taaloga sili o le *las escondidas* (lafi ma saili) pea!

E mafai ona e mauaina uma le 10 o moo? Ona saili lea o Camila, Carlos, ma o laua tausoga e 10, o loo oofu uma i le mitiafu mumu.



# Sa Ia Faamaluina le Sami



## Saunia e Daniel M., 8 tausaga, o Vanuatu

O u te nofo i Vanuatu, o se faaputuga o motu i le Vasa Pasefika i Saute. Sa ou matuai fiafia lava ina ua valu ou tausaga ina ia ou papatiso ma faamauina.

Ae sa ou popole e papatisoina i le sami i luma o lo matou fale aua e fai sina lapopoa o galu iina. O na galu e manaia i le taalo ai, ae sa ou le mautonu pe tatau ona papatiso ai. Sa ma o atu ma lou tina i le sami i talaane o lo matou fale e vaai pe faapefea le tulaga, ma sa ou iloa o le a lelei.

Sa matou filifili le aso o le a ou papatiso ai, ma e sa ou fiafia tele. Ae tei ua agi mai le afa e latalata mai i lo matou motu. Sa matou fesootai atu ma le peresitene o le paranesi ma soloia le papatisoga.

E ui ina sa iai sina tafega laitiiti mai le afa, sa mafai ona matou o atu i le lotu i lena Aso Sa. Sa faailoa mai

e le peresitene o le paranesi o le a papatisoina au i le Aso Toonai.

I le taeao o le Aso Toonai, sa matua tetele lava galu, o lea sa ou pei e fefe ai. Sa faia le fonotaga i lo matou fale, ona matou savavali atu lea agai atu i le matafaga. Na ou faiatu i lou tausoga o Iosua e papatiso ia te au.


Na sii ae au e Iosua i luga o galu a o ma savavali atu, ae ina ua papatisoina au, sa malu galu. Ou te mafaufau e faapea a o faia e Iosua le tatalo, sa faafilemuina e Iesu le sami mo au.

A o ma savavali ae mai le sami, na amata ona toe sousou le vai, ae sa ou le popole iai aua ua ou susu atoa lava. Ua ou fiafia lava ua valu ou tausaga ma o le a ou mulimuli i faataitaiga a Iesu pe a papatisoina. Ou te iloa e faafofoga mai le Tama Faalelagi i a'u talosaga. ●

# O le Malaga Umi a Elder Holland

**S**a malaga faatasi Elder Jeffrey R. Holland ma Sister Patricia Holland ma Peresitene ma Sister Nelson e asiasi i tagata o le Eklesia i le lalolagi aoao. Sa latou asia ia atunuu e valu. I mea taitasi sa asiasi iai sa latou feiloi ma le afe o tagata o e sa fiafia lava e vaai i se perofeta ma se apostolo.

Toetoe o nofoaga uma sa latou malolo ai ua iai se malumalu pe o le a iai se malumalu i se taimi lata mai. ●



1

O le nofoaga muamua na malolo iai o Ierusalem, **Israelu**. Sa latou vaai i le Mauga o Olive, o se nofoaga na aoao atu ai e Iesu Ona soo, ma le A'ai Tuai o Ierusalem, na femaliuai ai Iesu.



2



3







Na fiafia Peresitene Nelson ma Elder Holland e asiasi i tagata o le Eklesia i **Initia**. Sa laua saili se nofoaga e fausia ai se malumalu iina o le a avea ma uluai malumalu i lena atunuu, e sili atu nai le piliona le aofai o tagata!

*E femalagaai  
Aposetolo i le lalolagi  
aoao e auauna atu  
i tagata ma aoao i  
latou e uiga ia  
Iesu Keriso.*

**Sa asiasi Elder Holland  
i nei nofoaga uma. Faafetaui le atunuu poo le  
setete ma lana fu'a.**


- Israelu
- Kenia
- Zimbabwe
- Initia
- Taialani
- Saina
- Malo Tuufaatasi
- Hawaii

HWOWII-8  
Tolidoni-1, Saina-3, Malo Tuufaatasi-5,  
Toli: Israelu-6, Kenia-2, Zimbabwe-7, Initia-4



*"E i ai sa'u molimau o le a faatasi pea le Atua ma i tatou. Ua la tuuina mai ia i tatou se perofeta e taitaiina i tatou. O le a la le tuua lava i tatou. O le a la le tuulafoaiina, pea lava i tatou."*





Saunia e Liesl Robbin Shurtliff

E faavae i se tala moni

# O Le Faaiuga Fesuisuiāi

*"The Still Small Voice" (Children's Songbook, 106).*

Toeitiiti ona maea lea o le faatauga a Lea ma Tina. Ona alu lea o Tina e vaavaai i ni ofu.

"O le a ou alu i le na o ni nai minute," o le tala lea a Tina.

Sa mapuea Lea. A faapea mai Tina "e na o ni nai minute," o nisi o taimi o lona uiga e 20!

Sa maua e Lea se fata o meataalo i tafatafa ane. Sa ia sue i itulau o se tusi valiata ma popo se polo i ni nai taimi. Ma e na vave ae le manaia lena mea.

Ona ia to ae lea o se mea iila ma lapotopoto O se yo-yo! E tali tutusa lava foliga ma lea na aumai e Oskar i le aoga i le vaiaso na tea nei. I le taimi o le malologa sa ia faaali i tagata uma ana togafiti manaia. O togafiti e iai o latou igoa e pei o le "Faasavali le Maile" ma "Faataamilo i le Lalolagi." Na fesili iai Lea pe mafai ona sei ona faataitai, ae sa musu Oskar e tuu iai.

Sa faasee ifo e Lea le lio o le manoia i luga o lona tamatamailima. Sa ia faamamulu le yo-yo ma pau ona toso lea o le manoia e pei ona ia vaai ai o fai e Osaka. Na tau le yo-yo i le fola ma le *tatagi*. Sa ia toe taumafai. Ina ua maea ni nai taumafaiga, sa ia mafai ai loa ona ia tuuina ane le yo-yo i lona lima! Ana faapea e mafai ona ia vave faavasegaina lena mea, atonu e mafai ona ia aoao ona fai togafiti uma sa faia e Oskar.

O lena na vaai ane ai loa Lea i le tau. Sa ia faanonou. Sa le faapena le tele o lana tupe teu i lana fagu i le fale!

"Toeiti lava ona uma lea, Lea," na valaa ane ai Tina.

Sa mapuea Lea. Toetoe ina a ia toe tuu atu le yo-yo ina ua oo ane se manatu i lona mafaufau. E le tele tele le yoy-yo. E mafai ona nana i totonu o lana taga ma tuu ai! Sa le tilotilo mai le faatauoloa. O le a le iloa lava e se isi. E na te tausia lea e faavavau ma aoao ai e fai ni togafiti fou. Ma o le a manatu tamaiti i le aoga e lelei tele o ia.


A o tilotilo ifo Lea i le yo-yo i lona lima, sa ia lagona le matuitui ma le popo'e. Sa afugia ona lima. Sa ia uumau i le yo-yo. O le a lenei lagona leaga? Na manao o ia ina ia aluese.

Ona ia manatua lea o se mea na tau ane e lona Tama ia te ia a o le i papatisoina o ia.

"A uma ona papatisoina oe, o le a e maua le meaalofa o le Agaga Paia," sa fai mai ai Tama. "E fesoasoani le Agaga Paia ia tatou faia filifiliga lelei. E talanoa mai o ia ia i tatou i se leo filemu, ma itiiti."

"O le a ia talanoa mai ia te au?" Na fesili ai Lea.

"E le faapena," na fai mai ai Tama. "Atonu e faapei o se manatu e oo mai i lou mafaufau. Po o se lagona e oo mai i lou loto."



"O le a le ituaiga lagona?"

"E eseese mo tagata taitasi," sa fai mai ai Tama. "Ae masani ai lava, afai e te faia se mea lelei, o le a fesoasoani le Agaga

Paia e te lagonaia ai le malu ma le toofilemu. Afai o iai se mea faigata, o le a

Ia lapataia mai oe. Ma afai e te manao e fai se mea sese, o le a aluese le Agaga Paia, ma o le a e lagonaia le le mautonu ma le faanoanoa.

Sa tilotilo ifo Lea i le yo-yo. Sa ia *matuai* manao lava iai. Ae sa ia iloa sa tau atu e le Agaga Paia ia te ia o le gaoi e sese.

Sa toe tuu e Lea le yo-yo i luga o le fata. I le taimi lava na ia faia ai, sa ia lagona le toofilemu ma le mafanafana. Sa ia toe savali atu ia Tina.

"Ua maea au," o le tala lea a Tina. "Ua e sauni e foi atu?"

Sa ataata Lea. "Ioe."

A o la tuua le faleoloa, sa lagona e Lea le mama ma le fiafia e pei o se la pupula. Atonu o le a manaia le yo-yo mo sina taimi. Ae o le mulimuli i le Agaga Paia o se mea sa ia manao e faia *pea lava pea*. ●



*E alala le tusitala i Ilinoi, ISA.*



I se tasi aso i le aoga sa ou faia ai se suega o le sipelaina o upu, ma e sa tau mai e lou faiaoga se upu sa leai sou iloa pe faapefea ona sipela. Sa ou le to'a! Ma e sa ou tilotilo i le pepa a le isi tagata. Ina ua maea le suega sa le lelei lau faalogio i lou manava. Sa ou ta'u i lou tina sa ou tilotilo i le pepa a le isi tagata. Sa ou iloa o le lagona sa ou maua sa oo mai le Agaga Paia. Ou te iloa e tatau ona ou faalogo pea lava pea i le Agaga Paia.

**Jonah J., 8 tausaga, Idaho, ISA**

# Faaali ma Ta'u Atu



*Sa ou alu i le Malumalu o Trujillo i Peru ma ou matua ma tuagane. E ui lava ina sa le mafai ona ou ulufale iai, sa ou lagona le filemu i lena siosiomaga matagofie.*

Daniel S., 11 tausaga, La Libertad, Peru



Salome W., 6 tausaga, Quebec, Kanata



*Sa aoao e le vasega CTR 3 i Sao Paulo, Pasila, e uiga i feagaiga o le papatisoga a o latou maua savali, upusii, ma mau i totonu o gutu o i'a.*



Saunia e  
Elder Hugo E.  
Martinez

O Le Fitugafulu

# E Finagalo o Ia mo le Mea Sili mo A'u



*"E Alofa Lo'u Tama Faalelagi Ia Te A'u"*

(Tusipese a Tamaiti, 16).

A o'o'u laitiiti, sa ou fiafia e fai mea sa faia e lou tama. Sa galue o ia o se fomai. Na masani ona ou alu atu ma ia i le falemai, sa ou vaai ai o fesoasoani o ia i tagata gasegase. O le vaavaai i lou tama na fai ma mea sa ou manao ai e avea foi o se fomai.

I se tasi aso sa ou savali atu ai ma lou tama i le falemai. Sa savali atu i fafo se tasi fomai. Na ia iloa mai au ma fesili i lou tama, "O lou atalii lea?" Sa tali atu lou tama ioe. Na tootuli le fomai e vaai mai ia te au. Na ia fesili mai, "O le a lau mea e fai pe a e matua?"

Sa ou tali atu, "Ou te manao e avea o se fomai e pei o lou tama." Ona ia faapea mai lea, "Ia, ou te faamoe-moe o le a e lelei o se fomai e faapei o ia." Ae sa faapea mai lou tama, "Leai, ou te manao ina ia sili atu lona lelei na i lo au."

O lena na fesoasoani ou te iloa ai e alofa tele lou tama ia te au. Na manao o ia mo le mea sili mo au.

I ni tausaga mulimuli ane sa ou toe mafaufau ai i lena taimi. Sa aoaoina au ma lo'u toalua e faifeautalai. Na fesili mai faifeautalai ia te au, "E te talitonu e mafai ona avea oe e pei o le Atua?" Sa lei ou mafaufau lava i lena mea. Ae sa ou manatu, "Afaí o le Tama Faalelagi o lou lava Tama, o le a finagalo o Ia mo le mea sili mo au, e faapei ona faia e lou tama. E finagalo o Ia ia ina ia avea e faapei o Ia." O lea na ou faapea atu ai i faifeautalai, "Ioe, ou te talitonu e mafai ona avea au e faapei o lou Tama Faalelagi."


I taimi na ou tali atu ai, na ou iloa ai o le mea sa ou faiatu ai e moni.

Ou te manao ina ia e iloa e alofa tele ou Matua Faalelagi ia te oe. E finagalo i Laua mo le mea e sili mo oe. E mafai ona avea oe e faapei o i Laua. ●

# Sa Papatisoina Iesu



Ua e vaai ea i se tagata ua papatisoina? Pe a papatisoina  
i tatou, ua tatou mulimuli i faataitaiga a Iesu.



Sa fetalai atu Iesu i Lona tausoga o Ioane e papatiso ia te Ia.  
Na iai ia Ioane le pule o le perisitua e papatiso ai i tagata.



Na fesili Ioane ia Iesu  
pe aisea ua ia finagalo  
ai ina ia papatisoina.  
Na fetalai Iesu ua ia  
finagalo e usiusitai i  
le poloaiga a le Tama  
Faalelagi.

Na papatiso e Ioane ia  
Iesu Keriso. Na laua lagona  
naina le Agaga Paia. Sa  
latou faalogoina le leo o le  
Tama Faalelagi o molimau  
mai, "O lo'u Atalii pele  
lena, ou te fiafia ia te ia, ia  
outou faalogo ia te ia."





E iai se aso o le a ou filifili e papatisoina ai, e faapei ona faia e Iesu. E mafai ona ou saunia mo le papatisoga e ala i le taumafai e faapei o Iesu i aso uma. ●

# Ua Finagalo Iesu ina ia Papatisoina



# Matua Pele,

I le tausaga lenei ua aoaoina ai e aiga uma lesona lava e tasi i le lotu. O tagata matutua ma le autalavou ua suesueina le Feagaiga Fou i le Aoga Sa. Ma o tamaiti ua aoaoina e uiga i na lava mataupu e tasi.

I masina taitasi i le Uo, o le a e maua ai tala ma gaioioiga e uiga i mea o le a e aoaoina i Aso Sa. Taumafai e faaaoga ia mea mo afiafi faaleaiga pe na o le faitau iai ma lou alo.

- “O Le Feagaiga o le Papatisoga” (itulau U3)
- “O se Folafolaga e Taumafai” (itulau U4)
- “O Se Lelei Laititi i Aso Taitasi” (itulau U6)
- “O le Aso Fanau Taufaafo o Ingrid” (itulau U10)
- “O le Faaiuga Fesuisuiai” (itulau U16)
- “Sa Papatisoina Iesu” (itulau U20)

Matou te fiafia e faalogo i ou manatu e uiga i le faaaogaina o nei tala ma gaioioiga ma lou aiga.

## New Friend

**50 E. North Temple St., Rm.2393**

**Salt Lake City, UT 84105**

**[liahona@ldschurch.org](mailto:liahona@ldschurch.org)**

Alofaaga,

O Le Uo

## ANOTUSI

- U2** Mai le Au Peresitene Sili: Galue ia Iloa Lou Aiga
- U3** O Le Feagaiga o le Papatisoga
- U4** O Se Folafolaga e Taumafai
- U6** O Se Lelei Laititi i Aso Taitasi
- U7** Pepa o Manatu Lelei: E faia e tagata uma lava mea sese
- U8** Faafeiloai atu mai Mekisiko!
- U10** O le Aso Fanau Taufaafo o Ingrid
- U12** Saili Iai!
- U13** Sa Ia Faafilemuina le Suavai
- U14** O Apostolo i le salafa o le Lalologi: O le Malaga Umi a Elder Holland
- U16** O Le Faaiuga Fesuisuiai
- U18** Faaali ma Ta'u Atu
- U19** E finagalo o Ia mo le Mea Sili mo Au
- U20** Mulimuli ia Iesu: Sa Papatisoina Iesu
- U23** Itulau e Valivali: Ua Finagalo Iesu ina ia Papatisoina



**Saili le Liahona  
o loo nana i totonu!**

**I LE FAAVAA O LE UO**  
Ata na tusia e Brandon Dorman